

Քրիստոնեայան

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ ԿՐՈՆԱԿԱՆ, ՄՇԱԿՈՒԹԱՅԻՆ, ԼՐԱՏՎԱԿԱՆ ԵՐԿՇԱԲԱԹԱԹԵՐԹ

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի ուղերձը Հայոց ցեղասպանության նահատակների հիշատակի օրվա առիթով

Միրելի՛ բարեկաշտ ժողովուրդ. Այսօր Հայաստանում և ասիտոսքի համայնքներում ոգեկոչում ենք Օսմանյան կայսրությունում իրականացված Հայոց ցեղասպանության մեր սուրբ նահատակների հիշատակը, որոնք անմահացան՝ իրենց հոգիներում անմար պահելով սերն առ Քրիստոս և առ հայրենին:



Ապրիլի 24-ը խորհրդանշորեն ամփոփում է մեր ժողովրդի հավաքական տառապանքը, որի մեջ խտացված են մեկ և կես միլիոն մարտիրոսացյալ հայորդիների, հայրենակորույս, տարագիր ազգիս զավակների, մշակութային եղեռնի ենթարկված մեր վանքերի ու եկեղեցիների, ավերված բնակավայրերի հիշողությունները:

Այդ ողբերգությունը, սակայն, չկտրեց մեր ազգի ոգին: Մեր ժողովուրդը վերապրեց ցեղասպանությունը, ամենուր նոր կյանք վերընթառնեց:

Հայոց անկախ պետականությունը:

Ապրիլի 24-ն ուխտի օր է՝ միահյուսված աշխարհասփյուռ մեր ժողովրդի պահանջատիրությանը, որը զերծ է թշնամանքից ու ստեղծությունից, ուղղված է արդարության ու ճշմարտության վերականգնմանը և ցեղասպանության արհավիրքի ուրացման բացառմանը:

Ցեղասպանության աղետալի դեպքերից հարյուրամյակ անց, երբ թվում էր, թե նման սուսկալի հանցագործությունները մնացել են անցյալում, ցավոք, նոր ցեղասպան գործողություններով հայաթափվեց Արցախը, բռնությամբ տեղահանվեցին ավելի քան 120 000 արցախցիներ: Այս ծանր կացության և առկա սպառնալիք-

ների հանդիման՝ մեր նահատակների գոհողությունը մեզ պարտավորեցնում է ամրապնդել մեր միաբանությունն ու համերաշխությունը և հզորացնել Հայոց պետությունը: Հիրավի, համազգային միասնականությամբ է, որ կարող կլինենք արդյունավորելու ջանքերը Հայոց ցեղասպանության համընդհանուր ճանաչման և արգասավորելու քայլերն ու նախաձեռնությունները՝ հանուն ազգային առաջընթացի և խաղաղ ու անվտանգ կյանքի:

Աղոթենք և հայցենք, որ մեր նահատակ սրբերի բարեխոսությամբ խաղաղության երկնային շնորհները և մեր Տեղ Հիսուս Քրիստոսի ողորմությունն ու սերը բաշխվեն համայն աշխարհին, մեր հայրենիքին և ժողովրդին այսօր և միշտ. ամեն:

Ամենայն Հայոց Կաթողիկոսն այցելեց Ծիծեռնակաբերդի հուշահամալիր



Ապրիլի 24-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը Մայր Աթոռ Սուրբ Էջմիածնի միաբանների ուղեկցությամբ այցելեց Ծիծեռնակաբերդի հուշահամալիր՝ ոգեկոչելու Հայոց ցեղասպանության սուրբ նահատակների հիշատակը:

Հուշահամալիրում ծաղկեպսակի գետնընմից հետո Նորին Սրբության նախագահության կատարվեց Հայոց ցեղասպանության սուրբ նահատակների բարեխոսական կարգ:

Օրվա առիթով Ծիծեռնակաբերդի հուշահամալիր էր բերվել նաև Հայոց ցեղասպանության սրբոց նահատակաց մատուցարանը:



Հայոց ցեղասպանության սուրբ նահատակների ոգեկոչման արարողությունները Մայր Աթոռ Ս. Էջմիածնում

Ապրիլի 24-ին Հայոց ցեղասպանության սուրբ նահատակների հիշատակի օրվա առիթով, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հանդիսապետությամբ, Միածնաէջ Մայր Տաճարում մատուցվեց Սուրբ և Ամենախ Պատարագ: Այդ կապակցությամբ հավատացյալների խոնարհումի համար դուրս էր բերվել Հայոց ցեղասպանության սրբոց նահատակաց մատուցարանը: Պատարագիչն էր Մայր Աթոռի Միջեկեղեցական բաժնի տնօրեն Հոգեշնորհ Տ. Գարեգին վարդապետ Համբարձումյանը:



Իր քարոզում Հայրը Սուրբը, անդրադառնալով օրվա խորհրդին, ի մասնավորի մշեց. «Այսօր հիշատակում ենք Հայոց ցեղասպանության մեր սուրբ նահատակներին, որոնց հիշատակը մեզ համար վշտի թանգարան չէ՝ ամեն տարի հավաքվելու, հիշելու և այդպես մոռանալու:

Նրանք պարզապես պատմության մեջ զոհեր չեղան, նրանք վկաներ են: Այսօր նահատակ սրբերի հիշատակով մենք կանգնած չենք մահվան լռության առջև, այլ կանգնած ենք հավատքի վկայության առջև, որովհետև նրանք ընտրեցին հավատքը»:

Հայր Գարեգինը ընդգծեց, որ նահատակների կյանքի մեջ բացահայտվեց հավատքը, որը հնարավոր չէր որևէ կերպ մարել, բացահայտվեց սերը, որը որևէ կերպ չվերածվեց ատելության, բացահայտվեց հույսը, որը ոչ մի կայսրություն չկարողացավ ջնջել:

«Մեր նահատակները չեն իմացել՝ ինչ է լինելու եկեղեցու ապագան, չեն իմացել, որ այսօր վերապրած սերունդներ են ունենալու, վերակառուցված եկեղեցիներ են ունենալու, եկեղեցին զարգանալու է, հավատքը զորացնելու է, չեն իմացել, բայց նրանք մահվան դռան առջև ընդունել են Քրիստոսի այն խոսքը, որ՝ ես եմ կյանքը: Այո, Քրիս-

տոս է իրական կյանքը, և Քրիստոսով է իրական կյանքը: Ու այդ վստահությամբ է, որ նրանք ընդունեցին նահատակության պատկը», - ասաց պատարագիչ Հայր Սուրբը՝ հավելելով, որ սուրբ նահատակների առաքելությունը մեր քրիստոնեական կյանքն ու հավատքը զորացնելն է:

Վերջում Գարեգին վարդապետը մաղթեց, որ տառապանքի և նահատակության ճանապարհով անցած սրբերի օրինակը հավատավոր հայորդիների կյանքում դառնա իրական վկայություն, որպեսզի երբեք չվհատվեն և չհուսահատվեն, այլ ընդունելով Քրիստոսի հավատքը՝ Նրան միշտ փառք և երկրպագություն մատուցեն:

Սուրբ Պատարագի ավարտին եկեղեցականների թափորը, կրելով սուրբ նահատակների մատուցարանը, ուղղվեց դեպի Մայր Տաճարի շրջափակ, ուր Աղոթքի և ուխտի խաչքարի առջև, հանդիսապետությամբ Ամենայն Հայոց Կաթողիկոսի, կատարվեց Հայոց Ցեղասպանության սուրբ նահատակների բարեխոսական կարգ:

Անտիոքի և Համայն Արևելքի Ասորի Ուղղափառ Եկեղեցու Ընդհանրական Պատրիարքը ժամանեց Մայր Աթոռ Սուրբ Էջմիածին

Ապրիլի 20-ին, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հրավերով, Հայաստան ժամանեց Անտիոքի և Համայն Արևելքի Ասորի Ուղղափառ Եկեղեցու Ընդհանրական Պատրիարք Նորին Սրբություն Մոր Իգնատիոս Եփրեմ Բ-ն:

Մայր Տաճարի դղանջների ներքո Սուրբ Էջմիածնի միաբանությունը Ամենայն Հայոց Կաթողիկոսին և Համայն Արևելքի Ասորի Ուղղափառ Եկեղեցու Ընդհանրական Պատրիարքին թափորով առաջնորդեց Միածնաէջ Մայր Տաճար, ուր կատարվեց «Հրաշափառի» արարողություն: Տաճարում երկու Հովվապետներ խոնարհվեցին Իջման Սուրբ Սեղանի առջև: Միանական աղոթքից հետո Գարեգին Երկրորդ Ամենայն Հայոց Կաթողիկոսը, հանուն Մայր Աթոռի միաբանության, ողջունեց և իր բարենադրանքները հղեց Նորին Սրբություն Մոր Իգնատիոս Եփրեմ Բ Պատրիարքին: Իր հերթին Եփրեմ Բ Պատրիարքը գոհունակություն հայտնեց Աստծո



կամքով Հայաստան և Մայր Աթոռ Սուրբ Էջմիածին այցելելու առիթով և աղոթք վերառաքեց Հայոց Եկեղեցու պայծառության, հայ

ժողովրդի բարօրության և տարածաշրջանում խաղաղության հաստատման համար: Ապա Վեհարանում տեղի ունեցավ Ամենայն

Հայոց Կաթողիկոսի և Համայն Արևելքի Ասորի Ուղղափառ Եկեղեցու Ընդհանրական Պատրիարքի առանձնագրույցը:



Ավարտվեց Անտիոքի և Համայն Արևելքի Ասորի Ուղղափառ Եկեղեցու Պատրիարքի այցը Մայր Աթոռ Սուրբ Էջմիածին

Ապրիլի 23-ին ավարտվեց Անտիոքի և Համայն Արևելքի Ասորի Ուղղափառ Եկեղեցու Պատրիարք Նորին Սրբություն Մոր Իգնատիոս Եփրեմ Բ-ի եղբայրական այցը Մայր Աթոռ Սուրբ Էջմիածին: Այս առիթով Միածնաէջ Մայր Տաճարում կատարվեց միասնական աղոթք և հրաժեշտի արարողություն:

Ամենայն Հայոց Կաթողիկոսն իր խոսքում Մոր Իգնատիոս Եփրեմ Բ Պատրիարքի այցը Հայաստան և Մայր Աթոռ Սուրբ Էջմիածին նկատեց որպես գորակցություն հայ ժողովրդին արձանագրելով, որ հոգևոր պետերի մանորինակ փոխայցելությունները մեծապես նպաստում են երկու ընտանիքների փոխհարաբերությունների առավել սերտացմանն ու արդյունավոր գործակցությանը, ինչը աշխարհի փոթորկահույզ այս ժամանակաշրջանում առավել քան

կարևոր է: Իր հերթին Ասորի Ուղղափառ Եկեղեցու Հովվապետը խորին երախտագիտություն հայտնեց Մայր Աթոռ Սուրբ Էջմիածնում ջերմ ընդունելության համար՝ ընդգծելով, որ դարեր շարունակ երկու ընտանիքները միասին անցել են նահատակության ու փորձությունների միջով, և այսօր և՛ Մերձավոր Արևելքի ու Հայաստանի համար այս դժվարին օրերին, իրենց միասնականությունն ու աղոթքը գորակցության կենդանի վկայություն են երկու ժողովուրդների համար:

Խոսքի ավարտին Մոր Իգնատիոս Եփրեմ Բ Պատրիարքը աղոթք առաքեց առ Բարձրյալն Աստված Հայաստանյայց Առաքելական Սուրբ Եկեղեցու պայծառության, հայ ժողովրդի խաղաղ ու բարօր կյանքի համար:



Ամենայն Հայոց Կաթողիկոսն ընդունեց Իսպանիայից ժամանած պատվիրակությանը

Ապրիլի 16-ին Մայր Աթոռ Սուրբ Էջմիածնում Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց Իսպանիայից ժամանած գործարարների՝ ուղեկցությամբ Իսպանիայի Հայկական բարեգործական ընդհանուր միության (ՅԲԸՍ) և Իսպանիայի Հայ Առաքելական Սուրբ Եկեղեցու Եկեղեցական խորհրդի ատենապետ տիար Լևոն Գրիգորյանի: Հանդիպման ընթացքում պատվիրակության անդամները նշեցին, որ Հայաստան այցի նպատակն է երկու երկրների միջև գործնական կապերի ընդլայնումն ու տնտեսական համագործակցության զարգացումը: Հյուրերը, հայցելով Նորին Սրբության օրհնությունը, առանձնակի կարևորությամբ ընդգծեցին, որ Մայր Աթոռ Սուրբ Էջմիածին իրենց այցելությունը պայմանավորված է հայ և իսպանացի ժողովուրդների միջև ձևավորված պատմական, հոգևոր և մշակութային կապերով, ինչպես նաև ընդհանուր քրիստոնեական արժեքներով:

Վեհափառ Հայրապետը ողջունեց և իր օրհնությունը բերեց ներկաներին՝ հաջողություններ ու բարի արդյունավորում մաղթելով նրանց ծրագրերին և նախաձեռնություններին, որոնք կնպաստեն հայ և իսպանացի ժողովուրդների բարեկամական հարաբերությունների ամրապնդմանն ու փոխճանաչողության խորացմանը:



Ամենայն Հայոց Կաթողիկոսն ընդունեց միջազգային համաժողովի մասնակից փաստաբաններին

Ապրիլի 24-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց ՀՀ փաստաբանների պալատի նախաձեռնությամբ երևանում գումարված միջազգային համաժողովի մասնակից փաստաբաններին, այդ թվում՝ Ֆրանսիայի փաստաբանական միությունների ղեկավարներին՝ զխավորությամբ ՀՀ փաստաբանների պալատի նախագահ Սիմոն Բաբայանի: Հանդիպմանը տիար Բաբայանը, Նորին Սրբությանը ներկայացնելով հյուրերին, տեղեկացրեց, որ համաժողովի շրջանակներում նրանք նախ այցելել են Ծիծեռնակաբերդի հուշահամալիր՝ հարգանքի տուրք մատուցելու Հայոց ցեղասպանության նահատակների հիշատակին, ապա ժամանել են Մայր Աթոռ Սուրբ Էջմիածին՝ ստանալու Հայոց Հայրապետի օրհնությունը,

ինչպես նաև ծանոթանալու Հայոց Եկեղեցու առաքելությանն ու ազգային-հասարակական կյանքում ունեցած դերակատարությանը: Իր հերթին ՀՀ փաստաբանական ակադեմիայի ղեկավար տիար Արա Զոհրաբյանը, երախտագիտություն հայտնելով ընդունելության համար, Ամենայն Հայոց Հայրապետին փոխանցեց իրավաբանական հանրության գորակցությունը՝ Եկեղեցու առջև ծառայած արդի մարտահրավերների դիմագրավման ճանապարհին: Ողջունելով ներկաներին՝ Վեհափառ Հայրապետն անդրադարձ կատարեց 20-րդ դարասկզբին հայ ժողովրդի նկատմամբ իրագործված մեծագույն ոճրագործությանը և արձանագրեց, որ պատմական արդարության հանդեպ լռությունն ու ոչ համարժեք դատապարտումը ծնունդ են նորանոր ողբերգությունների: Այս առնչությամբ Նորին Սրբու-

թյունն իր գնահատանքը փոխանցեց Ֆրանսիայի բարեկամ ժողովրդին և իշխանություններին՝ Հայոց ցեղասպանության ճանաչման ու դատապարտման, ինչպես նաև ցեղասպանությունը վերապրած ֆրանսաբնակ հայորդիների նկատմամբ հոգածու վերաբերմունքի համար: Իր խոսքում Նորին Սրբությունը կարևորեց նաև մանածոների միջազգային համաժողովների անցկացումը՝ ընդգծելով իրավապաշտպան հանրության անփոխարինելի դերը ճշմարտության, արդարության և իրավունքի գերակայության հաստատման գործում: Հանդիպման ավարտին Վեհափառ Հայրապետն իր բարձր գնահատանքը հայտնեց փաստաբաններին՝ արդյունավոր ընթացք մաղթելով համաժողովի աշխատանքներին և արգասաբեր գործունեություն՝ իրենց մասնագիտական առաքելությանը:

Հայտարարություն

Հայտարարության նախարարության Քրեակատարողական ծառայության պետի ապօրինի որոշմամբ արգելվել է Հայոց Եկեղեցու կողմից նշանակված Եկեղեցականների մուտքը ազատագրված վայրեր: ՔԿՀ պետը փաստացի դադարեցրել է Հայաստանյայց Առաքելական Սուրբ Եկեղեցու քրեակատարողական հիմնարկների հոգևոր ծառայությունը, միևնույն ժամանակ, շրջանցելով Մայր Աթոռը և անտեսելով իրավական կարգավորումները, անհատ Եկեղեցականների հետ կնքել է աշխատանքային պայմանագրեր: Այս քայլը իշխանությունների հերթական քիրախավորած ու հակաեկեղեցական արշավն է՝ սահմանափակելու օրենսդրությամբ տրաջխավորված Հայոց Եկեղեցու հոգեխնամ առաքելությունը համարային կյանքում, ինչը դրսևորվել է նաև ՀՀ Զինված ուժերում և կրթական ոլորտում:

«Հայաստանի Հանրապետության և Հայաստանյայց Առաքելական Սուրբ Եկեղեցու հարաբերությունների մասին» օրենքի 10-րդ հոդվածով ամրագրված է ազատագրված վայրերում Հայոց Եկեղեցու հոգեխնամ գործունեություն ծավալելու առաքելությունը, իսկ «հաղձի ազատության և կրոնական կազմակերպությունների մասին» օրենքի 17-րդ հոդվածը Քրեակատարողական հիմնարկներում Հայ Եկեղեցու հոգեխնամ առաքելու-

թյունը համարում է ազգային Եկեղեցու մեծաշնորհ և օրենքի ուժով տրաջխավորում պետության կողմից այդ գործունեությանը չխոչընդոտելու պարտականությունը:

Ըստ այդմ՝ մերժելի է այն փաստը, որ Քրեակատարողական ծառայության պետը, անտեսելով իր վերադաս նախարարության և Հայոց Եկեղեցու միջև կնքված պայմանագիրը, քրեակատարողական հիմնարկներում հոգեխնամ ծառայության իրականացման համար կատարել է ինքնակամ տնօրինումներ: Մեկընդմիջ պետք է արձանագրել, որ վերոհիշյալ օրենքների և ՀՀ արդարադատության նախարարության և Հայաստանյայց Առաքելական Սուրբ Եկեղեցու միջև կնքված պայմանագրի համաձայն՝ հոգեխնամ գործունեություն իրականացնող սուբյեկտը ոչ թե անհատ քահանան է, այլ Հայոց Եկեղեցին:

Նման գործելակերպը կոպիտ միջամտություն է Եկեղեցու ներքին կյանքին և կազմաքանդում է Եկեղեցու կանոնակարգված ու կազմակերպված հովվական ծառայությունը՝ այն դարձնելով անհատական նախաձեռնություն և վարչական կամայականություն: Եկեղեցու դեմ շարունակվող այսօրինակ ապօրինի գործողությունները տարակույս չեն թողնում, որ իշխող քաղաքական ուժը հակաեկեղեցականությունը վերածել է պետական քաղաքականության, ինչը



կործանարար է, որով և՛ խստագույն դատապարտելի:

Տարիներ շարունակ քրեակատարողական հիմնարկներում իրականացվող հոգևոր ծառայությունը եղել է Հայոց Եկեղեցու կարևոր առաքելությունը՝ միտված ազատագրված անձանց հոգևոր խնամքին, ապաշխարությանը և նրանց վերափոխմանը և հասարակությունը արժանապատիվ վերադարձին:

Մայր Աթոռ Սուրբ Էջմիածինը հորդորում է ՀՀ արդարադատության նախարարությանը հարգել օրենքն ու Եկեղեցական ընկալյալ կարգը և չխոչընդոտելով Եկեղեցու առաքելությունը՝ վերականգնել քրեակատարողական հիմնարկներում հոգևոր ծառայության բնական ընթացքը:

Հայտարարություն

Վրդովմունքով տեղեկացանք, որ Ադրբեջանի իշխանությունները հողին են հավասարեցրել Ստեփանակերտ քաղաքի Սուրբ Յակոբ Եկեղեցին և հարակից տարածքում գտնվող խաչքարերն ու կոթողները, որոնք, ըստ ադրբեջանական աղբյուրների, իբրև թե անօրինական և ապամոտաժման ենթակա կառույցներ էին: Խիստ մտահոգիչ են նաև Ստեփանակերտի Առաջնորդանիստ Սուրբ Աստվածածին մայր տաճարի ոչնչացման վերաբերյալ ստացվող տեղեկությունները:

Մայր Աթոռ Սուրբ Էջմիածինը խստորեն դատապարտում է Ադրբեջանի իշխանությունների կողմից իրականացվող Արցախի հոգևոր և մշակութային ժառանգության հետևողական ոչնչացումը:

գույքան հետևողական ոչնչացումը: Ակնհայտ է, որ Ադրբեջանի իշխանությունը շարունակում է քիրախավորել հայկական քրիստոնեական սրբավայրերը՝ նպատակ ունենալով ջնջել հայկական հետքը Արցախից:

Պետական մակարդակով իրագործվող այս վանդալիզմը հերթական անգամ փաստում է, որ Ադրբեջանի հայաստյաց քաղաքականությունը որևէ փոփոխություն չի կրել, որով և կասկածելի են դառնում Հայաստանի հետ կայուն ու երկարատև խաղաղություն հաստատելու մասին հայտարարությունները:

Մայր Աթոռ Սուրբ Էջմիածինը կոչ է անում ՀՀ կառավարությանը դեկավարին և իշխանության ներկայացուցիչներին հրատապ ու գործուն քայլեր ձեռնարկել կանխելու Արցախի հոգևոր և մշակութային ժառանգության համակարգված յուրացումն ու ոչնչացումը:

Կոչ ենք անում նաև մշակութային ժառանգության պահպանությանը, տարածաշրջանում ժողովուրդների խաղաղ համակեցությանը և փոխգործակցությանը շահագրգիռ բոլոր պետություններին ու միջազգային կազմակերպություններին ազդու միջոցներ ձեռնարկել՝ կասեցնելու մշակութային ռմադրողականությունները Արցախում:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

Հայ Եկեղեցու՝ Հայոց ցեղասպանության միջազգային ճանաչմանն ուղղված գործունեությունը

Գարեգին Բ Ամենայն Հայոց Կաթողիկոսի օրոք

«Ցեղասպանության նահատակներն այսօր երկնքի արքայության լուսեղեն օթևաններում մարտիրոսության պսակով զարդարված արդարության, մարդասիրության, խաղաղության հովանավոր սրբեր են, որոնց բարեխոսությունը երկնքից Աստծո ողորմության ու շնորհների աղբյուրն է բացում այնտեղ, ուր տկարանում է արդարությունը, խախտվում են խաղաղության անդրորոն ու ապահովությունը, ուր ոտնահարվում են մարդկանց և ժողովուրդների իրավունքները, սպառնալիքներ են հառնում ընդդեմ հասարակությունների բարոր կեցության, մոլեգնում են հալածանքներ հավատքի և ինքնության դեմ»:

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍ

Սուղք

Հայոց ցեղասպանության միջազգային ճանաչման գործընթացը երկարատև, բազմաշերտ և համալիր պայքար է, որն ընդգրկում է պատմաքաղաքական, իրավական, մշակութային և հոգևոր բաղադրիչներ: Հայոց ցեղասպանությունը՝ որպես 20-րդ դարի առաջին ցեղասպանություն, ոչ միայն հայ ժողովրդի նկատմամբ իրականացված զանգվածային բնաջնջման քաղաքականություն էր, այլև մարդկության դեմ ուղղված ծանրագույն ռմադրողություն, որի հետևանքներն այսօր իսկ չեն կորցրել իրենց ազդեցությունը միջազգային հարաբերությունների և տարածաշրջանային քաղաքականության վրա: Պատմաքաղաքական առումով այն կերպավորվեց նոր իրողություններ կապված ազգային ինքնության, Սփյուռքի ձևավորման և տարածաշրջանային ուժային հավասարակշռության փոփոխության հետ:

Իրավական տեսանկյունից Հայոց ցեղասպանության ճանաչման խնդիրը սերտորեն առնչվում է միջազգային իրավունքի հիմնարար սկզբունքներին, մասնավորապես՝ Միավորված ազգերի կազմակերպության (ՄԱԿ-ի) կողմից ընդունված ցեղասպանու-



2015 թ. ապրիլի 23. Հայոց ցեղասպանության նահատակների սրբադաման արարողությունը Մայր Աթոռ Սուրբ Էջմիածնում

թյան հանցագործության կանխարգելման և պատժման կոնվենցիայի դրույթներին: Չնայած այն հանգամանքին, որ կոնվենցիան ընդունվել է հետագայում, ցեղասպանության փաստի ճանաչումը դիտարկվում է որպես պատմական արդարության վերականգնման և նման հանցագործությունների կանխարգելման կարևոր նախադրյալ: Այս համատեքստում միջազգային ճանաչումը ձեռք է բերում ոչ միայն քաղաքական, այլև իրավական և բարոյական մշակութային նպաստելով համաշխարհային մակարդակով պատասխանատվության մշակույթի ձևավորմանը:

Միևնույն ժամանակ, Հայոց ցեղասպանության գնահատական ունի նաև խորքային հոգևոր և արժեհամակարգային հիմք: Դա ոչ միայն հայ ժողովրդի ազգային ողբերգությունն է, այլև հավատքի, ինքնության և գոյատևման փորձություն է, որի հաղթահարման համար առանցքային դեր է խաղացել Հայ Առաքելական Եկեղեցին: Եկեղեցին դարձրել է շարունակ հանդես եկել

որպես ազգային հիշողության կրող և պահպանող հաստատություն՝ փոխանցելով սերունդներին ոչ միայն ողբերգության հիշողությունը, այլև վերածննդի և հարատևման գաղափարը:

Այս համատեքստում առանձնահատուկ մշակութային է ստանում Գարեգին Բ-ի գահակալության շրջանը (1999-ից մինչ օրս), որի ընթացքում Հայ Առաքելական Եկեղեցին առավել համակարգված և նախաձեռնողոր կերպով ներգրավվեց ցեղասպանության միջազգային ճանաչման գործընթացում: Վեհափառ Հայրապետի առաջնորդությամբ իրականացվել են հետևողական և նպատակային քայլեր՝ ուղղված ոչ միայն ցեղասպանության պատմական փաստի միջազգային հաստատմանը, այլև դրա համամարդկային ընկալման խորացմանը: Այդ նախաձեռնությունները նպաստել են, որ Հայոց ցեղասպանության հարցը շարունակաբար մնա միջազգային օրակարգում՝ ձեռք բերելով նոր իրավաքաղաքական և հոգևոր ընդգրկում:

Եկեղեցու դերի վերաիմաստավորում

Գարեգին Բ-ի գահակալության տարիներին Հայ Առաքելական Եկեղեցին զգալիորեն ընդլայնեց իր դերակատարությունը ոչ միայն հոգևոր, այլև համազգային և միջազգային մշակութային խնդիրների շրջանակում: Եկեղեցու գործունեությունը դուրս եկավ զուտ կրոնական դաշտից և ընդգրկեց պատմական հիշողության պահպանման, ազգային ինքնության ամրապնդման և պատմական արդարության վերականգնման ուղղությամբ համակարգված նախաձեռնություններ: Այս համատեքստում Հայոց ցեղասպանության միջազգային ճանաչման հարցը դարձավ Եկեղեցու առաջնահերթություններից մեկը՝ դիտարկվելով ոչ միայն որպես հայ ժողովրդի ողբերգական անցյալի իրավաքաղաքական գնահատման խնդիր, այլև որպես համամարդկային մշակութային ունեցող բարոյական ու քաղաքական մարտահրավեր:

Գարեգին Բ-ի նախաձեռնությամբ և հովանավորությամբ իրականացված միջոցառումները՝ միջազգային համաժողովներ, միջեկեղեցական հանդիպումներ և հիշատակի արարողություններ, նպաստեցին այն գաղափարի տարածմանը, որ ցեղասպանությունների ճանաչումն ու դատապարտումը համաշխարհային անվտանգության և մարդկային իրավունքների պաշտպանության կարևոր բաղադրիչներ են: Այս մոտեցումը համահունչ է ժամանակակից միջազգային իրավունքի և Միավորված ազգերի կազմակերպության շրջանակում ձևավորված այն սկզբունքներին, որոնք ուղղված են ցեղասպանությունների կանխարգելմանը և «այլևս երբեք» գաղափարի իրականացմանը:

Վեհափառ Հայրապետն իր քարոզներում, ուղերձներում և միջազգային հարթակներում ունեցած ելույթներում բազմիցս շեշտադրել է, որ պատմական հիշողության պահպանումը չպետք է վերածվի թշնամանքի կամ վրեժի խթանման միջոցի, այլ պետք է ծառայի արարության վերականգնմանը, հաշտեցման հնարավորությունների ստեղծմանը և կայուն խաղաղության հաստատմանը: ➔ էջ 4, 7

Հայ Եկեղեցու՝ Հայոց ցեղասպանության միջազգային ճանաչմանն ուղղված գործունեությունը

Գարեգին Բ Ամենայն Հայոց Կաթողիկոսի օրոք



2015 թ. ապրիլի 12. Գարեգին Բ Կաթողիկոսը Վատիկանի Սուրբ Պետրոսի տաճարում՝ Ֆրանցիսկո Պապի՝ Հայոց ցեղասպանության 100-րդ տարելիցին նվիրված Սուրբ Պատարագին: Պատարագի ընթացքում Ֆրանցիսկո Պապը երկրորդ անգամ կատարվածը բնորոշեց ցեղասպանություն եզրույթով՝ վերահաստատելով Հովհաննես-Պողոս պապի՝ 2001 թ. հռչակագրի ձևակերպումը: Պատարագի ավարտին հայկական ծեսով կատարվեց հոգեհանգստյան արարողություն նահատակների համար:

2016 թ. հունիսի 24. Հռոմի Ֆրանցիսկո Պապը ծիծեռնակաբերդում: Այցի ընթացքում Գարեգին Բ Հայրապետի և Ֆրանցիսկո Պապի մասնակցությամբ էկումենիկ աղոթք կատարվեց Խոր Վիրապի վանական համալիրում, իսկ հունիսի 26-ին երկու եկեղեցապետերը համատեղ հռչակագիր ստորագրեցին, որը վկայակոչում էր Վատիկանի կողմից Հայոց ցեղասպանության ավելի վաղ ճանաչումը:

← էջ 3

Այս գաղափարական դիրքորոշումը կարևոր ազդեցություն է ունեցել միջազգային հանրության հետ կառուցողական երկխոսության ձևավորման վրա՝ նպաստելով նրան, որ Հայոց ցեղասպանության ճանաչման հարցը ներկայացվել է ոչ թե որպես նեղ ազգային օրակարգ, այլ որպես համամարդկային արժեքների պաշտպանության և պատմական արդարության հաստատման անհրաժեշտություն. «Աշխարհի և մարդկության ապահով ու բնականոն կյանքը խթանող ոճրագործությունները որոշապես հետևանք են նաև Հայոց ցեղասպանության համընդհանուր դատապարտման հապաղման» (Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի՝ Հայոց ցեղասպանության 100-րդ տարելիցի միջոցառումները համակարգող պետական հանձնաժողովի նիստին ընթերցված ուղերձից):



2001 թ. սեպտեմբերի 27. Գարեգին Երկրորդը և Հովհաննես Պողոս Երկրորդը ստորագրում են Համատեղ հռչակագիր՝ Հայոց ցեղասպանության ճանաչման վերաբերյալ: Եվս մեկ Համատեղ հայտարարություն երկու եկեղեցապետերի միջև ստորագրվել էր 2000 թ. նոյեմբերի 29-ին:

2015 թվականը՝ Հայոց ցեղասպանության զոհերի սրբապատման տարեթիվ

Գարեգին Բ-ի գահակալության շրջանի կարևորագույն և պատմականորեն նշանակալի տարեթվերից առանձնանում է 2015 թվականը, որը նշանակալից Հայոց ցեղասպանության 100-րդ տարելիցը հիշատակող համազգային և համաշխարհային միջոցառումների կազմակերպմամբ: Այս տարելիցը դարձավ ոչ միայն ոգեկոչման, այլև քաղաքական, իրավական և հոգևոր համախմբման յուրահատուկ հանգրվան, որի ընթացքում Հայաստանի Հանրապետությունը, Սփյուռքը և Հայ Առաքելական Եկեղեցին հանդես եկան համադրական և համակարգված դիրքորոշմամբ՝ ուղղված Հայոց ցեղասպանության միջազգային ճանաչման և դատապարտման գործընթացի խթանմանը:

Տարելիցի շրջանակներում առանձնահատուկ նշանակություն ունեցավ Հայ Առաքելական Եկեղեցու իրականացրած անմխադեպ և բացառիկ քայլը՝ ցեղասպանության ընթացքում նահատակված հայերի համընդհանուր սրբադատումը: 2015 թվականի ապրիլի 23-ին Մայր Աթոռում տեղի ունեցած սրբադասման արարողությունն իր բնույթով եզակի էր ոչ միայն հայ եկեղեցական պատմության, այլև համաշխարհային քրիստոնեական ավանդության մեջ, քանի որ առաջին անգամ միաժամանակ սրբադասվեց շուրջ 1,5 միլիոն նահատակ՝ առանց անհատականացվող ընթացակարգի՝ ընդգծելով նրանց հավաքական վկայությունը և նահատակությունը: Այս գործողությունն ուներ աստվածաբանական խորքային հիմք՝ ներկայացնելով ցեղասպանության զոհերին որպես հավատքի համար նահատակվածներ և ընդգծելով նրանց տեղը Եկեղեցու սրբերի շարքում:

Հայաստանյայց Սուրբ Եկեղեցու պարագայում վեցդարյա ընդմիջումից հետո սրբադասում իրականացնելու և այդ սրբադասումը բոլոր նահատակների վրա տարածելու համարձակ գաղափարը հայտնի էր դեռևս Գարեգին Ա Վեհափառի՝ Մեծի Տանն Կիլիկիո Կաթողիկոս եղած տարիներից: 1985-ին իր «Եօթը ողջուն նահատակաց եօթանասմանեակին» աշխատության մեջ, դիմելով նահատակներին, Գարեգին Ա Վեհափառն իր համոզմունքն է հայտնում այս կապակցությամբ. «Եւ կու գայ օրը, երբ այլևս բնականօրէն ճանչցուած ձեր սրբութիւնը կը դառնայ կանոնականացեալ սրբադասում, որուն արժանի էք մեր բոլորի խիղճերուն, քրիստոնէական հաւատքի անկեղծագոյն վկայութեամբը»:

Այնուհետև՝ 1989-ին, Սուրբ Էջմիածնում երջանկահիշատակ Վազգեն Ա Ամենայն Հայոց Կաթողիկոսի հետ հանդիպման ժամանակ որոշվել է հայոց նահատակների սրբադասման արարողությունն իրականացնել հաջորդ տարի, և ապրիլի 29-ին էլ ստորագրվել է հայ ժողովրդին ուղղված համատեղ հաղորդագրություն, որտեղ ասվում է. «Տրուած լինելով, որ յառաջիկայ տարին 75-ամեակն է մեր նահատակների զոհաբերման, առաջադրում ենք մինչև 1990 թուականի ապրիլ ամիսը հարկ եղած նախապատրաստական աշխատանքները յառաջ տանել՝ իրականացնելու համար նրանց սրբադասումը՝ ի շարս տօնելի սրբոց Եկեղեցոյս Հայաստանեայց»: Սրբադասումն ինչ-ինչ պատճառով չկայացավ, սակայն, ինչպես տեսնում ենք, գաղափարը մնաց եկեղեցական օրակարգում, և այն իրականություն դարձավ 25 տարի անց:

Սրբադասման կարգի վերականգնման հարցը գործնական փուլ թևակոխեց միայն

2005 թ.: Գարեգին Բ-ի և Արամ Ա-ի հայրապետական տնօրինություններով ստեղծվեց Սրբադասման հանձնաժողով՝ հարցը հանգամանորեն ուսումնասիրելու և առաջիկա եպիսկոպոսաց ժողովին ներկայացնելու նպատակով: 2013 թ. սեպտեմբերի 24-27-ին Մայր Աթոռում գումարվեց եպիսկոպոսաց ժողովը քննարկեց Հայաստանյայց Առաքելական Սուրբ Եկեղեցում սրբադասման ավանդության վերականգնման հարցը և այդ շրջագծում Հայոց ցեղասպանության զոհերի սրբադասման հետ առնչվող խնդիրները. որոշեց որդեգրել Հայոց ցեղասպանության նահատակների հավաքական սրբադասման սկզբունքը:

Հաստատվեցին Հայ Եկեղեցու սրբադասման ծիսակարգը և շարականի կանոնը («Հրաշացան Պակուցմամբ...» ԴԿ), ժամանուրը (Ի յիշատակի...), վկայաբանությունը և սրբապատկերի նախօրինակը: Որպես ամենամյա եկեղեցական հիշատակության տոնացուցային օր սահմանվեց ապրիլի 24-ը՝ «Յիշատակ սրբոց նահատակաց, որք կատարեցան յընթացս Յեղասպանութեանն Հայոց վասն հաստոյ ևս վասն հայրենեաց»:

Սրբադասման արարողությունը տեղի ունեցավ Մայր Աթոռ Սուրբ Էջմիածնում՝ հանդիսավոր արարողակարգով, միջազգային բազմաթիվ պատվիրակությունների, եկեղեցական առաջնորդների և քաղաքական գործիչների մասնակցությամբ: Այն ուղեկցվեց համազգային զանգերի դղանջով և լռության թուրքով՝ խորհրդանշելով համահայկական և համաշխարհային հիշողության միասնությունը: Միջազգային լրատվամիջոցները լայնորեն լուսաբանեցին միջոցառումները, և Հայոց ցեղասպանության թեման կրկին հայտնվեց համաշխարհային հանրության ուշադրության կենտրոնում:

Այս իրադարձության նշանակությունը չի սահմանափակվում միայն հոգևոր հարթությամբ: Սրբադասումը միաժամանակ հստակ քաղաքական և բարոյական ուղերձ էր միջազգային հանրությանը՝ վերահաստատելով, որ ցեղասպանության զոհերի հիշատակը չի կարող մոռացվել կամ ենթարկվել պատմական վերանայման: Այն

ընդգծեց պատմական արդարության վերականգնման անհրաժեշտությունը և զորեղացրեց ցեղասպանության ճանաչման պահանջի բարոյական հիմնավորումը: Այս համատեքստում Հայ Առաքելական Եկեղեցին՝ Գարեգին Բ-ի առաջնորդությամբ, հանդես եկավ որպես ոչ միայն հոգևոր, այլև հանրային և միջազգային ազդեցիկ դերակատար՝ նպաստելով ցեղասպանության ճանաչման գործընթացի նոր փուլին:

2015 թ. ապրիլի 12-ին Նորին Սրբությունը Վատիկանում մասնակցեց Հայոց ցեղասպանության 100-րդ տարելիցի առիթով Սուրբ Պետրոսի տաճարում Հռոմի Կաթողիկ Եկեղեցու Քահանայապետ Ֆրանցիսկոս Պապի մատուցած Ս. Պատարագին, որի ընթացքում Սուրբ Գրիգոր Նարեկացին Կաթողիկ Եկեղեցու կողմից հռչակվեց «Եկեղեցու վարդապետ»: Պատարագի ավարտին հայկական ծեսով կատարվեց հոգեհանգստյան արարողություն՝ Մեծ եղեռնի նահատակների համար, որից հետո Ամենայն Հայոց Կաթողիկոսն իր խոսքն ուղղեց Ֆրանցիսկոս Պապին և ներկա հավատավոր ժողովրդին:

Ավելին՝ 100-րդ տարելիցի միջոցառումները ներառեցին միջազգային գիտաժողովներ, միջկրոնական աղոթքներ, մշակութային ծրագրեր և դիվանագիտական նախաձեռնություններ, որոնք միտված էին ձևավորելու ցեղասպանության վերաբերյալ համապարփակ գիտական և հանրային խոսույթ: Այս ամենը վկայում է, որ 2015 թվականը դարձավ շրջադարձային փուլ ոչ միայն հիշողության քաղաքականության, այլև Հայոց ցեղասպանության միջազգային ճանաչման գործընթացի ինստիտուցիոնալացման և խորացման առումով:

Սփյուռքի համախմբում

Գարեգին Բ-ի գահակալության շրջանում առանձնահատուկ կարևորություն է տրվում հայկական Սփյուռքի ներուժի համակարգված ներգրավմանը՝ Հայոց ցեղասպանության միջազգային ճանաչման և դրա վերաբերյալ համաշխարհային իրազեկման գործընթացում: Համաշխարհայնացման պայմաններում, երբ սփյուռքահայ համայնքները տարածված են տասնյակ երկրներում՝ Եվրոպայից մինչև Ամերիկա, Մերձավոր Արևելքից մինչև Ավստրալիա, Հայ Առաքելական Եկեղեցին, Վեհափառ Հայրապետի առաջնորդությամբ, հանդես եկավ որպես համահայկական ինքնույն պահպանման և համախմբման առանցքային հաստատություն:

Գարեգին Բ-ի նախաձեռնությամբ ամրապնդվում են եկեղեցական թեմերի միջև կապերը, ընդլայնվում թեմական կառույցների գործունեության շրջանակը, խթանվում նրանց մասնակցությունը ոչ միայն հոգևոր, այլև կրթական, մշակութային և հասարակական-քաղաքական նախաձեռնություններին: ← էջ 7

«Հայրենիքի փրկությունը թո՛ղ լինի գերագույն օրենքը»

Հարցազրույց «Արարատ» ռազմավարագիտական կենտրոնի տնօրեն, պատմաբան և քաղաքագետ Արմեն Այվազյանի հետ

– Պարոն Այվազյան, աշխարհաքաղաքական արդի իրավիճակում Հայոց ցեղասպանության պահանջատիրությունը ի՞նչ դրական արդյունքների և բացասական հետևանքների կարող է հանգեցնել: Հակասում է արդյոք Հայոց ցեղասպանության հիմնախնդրի զարգացումը Հայաստանի Հանրապետության անվտանգությանը, և միթե պետք է ուրանալ արևմտահայության ժառանգորդների ազգային իրավունքները, ինչպես դա արվում է արցախահայության նկատմամբ:

– Այդ հարցին պատասխանելու համար նախ պետք է հստակ պատկերացնել, թե ինչ նպատակներ էին հետապնդում Հայոց ցեղասպանության կազմակերպիչները՝ Արդու Համիդը և երիտթուրքերը, և համեմատել դրանք այսօրվա թուրքիայի և Ադրբեջանի դեկլարությանը՝ Հայաստանի և հայ ժողովրդի նկատմամբ վարած քաղաքականության հետ:

1893–1923 թթ. տեղի ունեցած Հայոց ցեղասպանությունն ունեցել է չորս հիմնական փուլ, որոնց ընթացքում հայկական քաղաքակրթությունը բնաջնջվել է իր բնիկ տարածքի մեծ մասից՝ խլելով ավելի քան 2 միլիոն հայերի կյանք: Մասնավորապես՝ շուրջ 300 000 հայ ոչնչացվել է 1894–1896 թթ., 30 000-ը՝ 1909 թ., 1,5 միլիոնը՝ 1915–1916 թթ., և շուրջ 30 000-ը՝ 1917–1922 թթ.:

Ցեղասպանությունն ուղղված էր ամբողջ հայ ժողովրդի դեմ: Այն իրականացվել է ոչ միայն Արևմտյան Հայաստանում, Կիլիկիայում և Օսմանյան կայսրության այլ շրջաններում, այլև Արևելյան Հայաստանի այն տարածքներում, ուր հասել են թուրքական ջարդարար զորքերն ու նրանց դաշնակից կովկասյան թաթարական զինված խմբերը: Հետևաբար՝ ցեղասպանության զոհերի ժառանգները ոչ միայն սփյուռքահայերն են, այլև ներկայիս Հայաստանի Հանրապետության քաղաքացիները՝ առանց բացառության, քանի որ այն ուղղված էր ամբողջ հայության դեմ: Առավել ևս, որ Հայաստանի Հանրապետության բնակչության զգալի մասը Արևմտյան Հայաստանի և Կիլիկիայի հայության ուղղակի ժառանգներն են:

Ավելին, միայն Հայաստանի Հանրապետությունը՝ որպես միջազգայնորեն ճանաչված պետություն, ունի իրավունք և հնարավորություն միջազգային իրավական ատյաններում բարձրացնելու Հայոց ցեղասպանության հարցը:

Ո՞րն էր Հայոց ցեղասպանության բուն նպատակը: Այն ոչ այնքան հայերի՝ որպես առանձին էթնոսի ֆիզիկական բնաջնջումն էր, որքան Հայաստանի ոչնչացումը՝ որպես մի երկրի, որն ուներ անկախ պետականությունը վերահաստատելու ժողովրդագրական, գաղափարական, քաղաքական և մշակութային բոլոր նախադրյալները: Վերջին հաշվով, ցեղասպանությունն ուղղված էր Հայաստանի պետականության վերականգնման հնարավորության դեմ: Ըստ էության, հայերը բնաջնջվեցին հենց որպես այդ քաղաքական հնարավորության կրողներ:

Արևմտյան Հայաստանից և Կիլիկիայից դուրս՝ Օսմանյան կայսրության այլ շրջաններում, հայերի ոչնչացումը նույնպես նպատակ ուներ վերացնելու հայերի հետագա որևէ պահանջները իրենց պատմական հայրենիքի նկատմամբ: Այսպիսով՝ նպատակը Հայաստանի ոչնչացումն էր, իսկ միջոցը՝ հայերի բնաջնջումը: Ոչնչացվեցին հայ ժողովրդի վերնախավը, հասարակական կառուցվածքը, հազարամյակների պատմությունն ունեցող կրթական, եկեղեցական և համայնքային շյուղավորված համակարգերը, ինչպես նաև այդ հողում ստեղծված հայկական ողջ մշակույթը: Եվ ամենակարևորը՝ ցեղասպանության հետևանքով հայ ժողովրդի կորցրեց իր հինգիսադարամյա կենսատարածքի մեծ մասը:

– Թուրքիայի քաղաքականությունը Օսմանյան կայսրությունից մինչև այսօր փոխվել է արդյոք, և իրատեսակում են միթե այն հայացքները, որ թուրքական պետական քաղաքականությունը բարեփոխվել է և այլևս ուղղված չէ հայկական ինքնության ոչնչացման դեմ: Խաղաղու-

թյան հեռանկարը, որ հայ ժողովրդին քարոզվում է այսօր, սին պատրանք է, քաղաքական խաբեություն, թե՛ պատմական հնարավորություն:

– Փոխվել է արդյոք թուրքիայի և Ադրբեջանի քաղաքականությունը Հայաստանի և հայ ժողովրդի նկատմամբ: 1991 թ. ԽՍՀՄ-ի փլուզումից անմիջապես հետո այդ ֆաշիստական պետությունները որդեգրեցին նույն հակահայկական ուղեգիծը՝ նպատակ ունենալով թուլացնել և ոչնչացնել Հայաստանը: Սկզբում իրականացվեց Ադրբեջանի ԽՍՀ-ի տարածքում մնացած հայաբնակ շրջանների հայաթափումը, այնուհետև դատարկվեց Արցախը, ապա մեծ փորձեր կատարվեցին Հայաստանի Հանրապետության դեմ՝ հատկապես Սյունիքում և ՀՀ-ի արևելյան ամբողջ սահմանի երկայնքով:

Այս պահի դրությամբ, հաղթահարելով հայ ժողովրդի կատարյալ դիմադրությունը, նրանց հաջողվել է իրականացնել այդ հրեշտակալի ծրագրի առաջին փուլը: Արցախը հայաթափվել է, իսկ Հայաստանի Հանրապետության տարածքից բռնազավթվել է շուրջ 240 քառ. կմ՝ ներառյալ ռազմավարական նշանակության բարձունքներ: Հայաստանի նկատմամբ քաղաքական ճնշումն աստիճանաբար ավելի ու ավելի աճում է:

Ադրբեջանը և նրան մշտապես ուղղորդող ու թիկունքն ապահովող թուրքիան Հայաստանից, ըստ էության, պահանջում են հրաժարվել ինքնիշխան պետականության լիարժեք իրացումից և ենթարկվել իրենց պայմաններին՝ կրճատել և, ըստ էության, լուծարել Հայկական բանակը, տրամադրել Սյունիքով անցնող ճանապարհներն ու հանդուրդակցությունները, փոփոխել Սահմանադրությունը, վերանայել պատմության դասագրքերը, հրաժարվել Հայոց ցեղասպանության հիշողությունից և Արցախ վերադարձի անբակտելի իրավունքից, Հայաստանում բնակավորել հարյուր հազարավոր ադրբեջանցիներին՝ նրանց ուղեկցող թյուրքական «հսկիչ» զորքերով հանդերձ:

Այս պահանջները վկայում են, որ թուրքիայի և Ադրբեջանի նպատակներն ու մեթոդները չեն փոխվել: Հետևաբար՝ Հայաստանի Հանրապետությունն ու հայությունը պետք է համախմբեն իրենց ամբողջ ներուժը՝ քաղաքական, դիվանագիտական, տնտեսական և պաշտպանական ոլորտներում՝ արդյունավետորեն դիմադրելու համար նրանց հայաստան ծրագրերին: Ուրիշ, այլընտրանքային ճանապարհ պարզապես գոյություն չունի: Հատկապես կարևոր է հուսալի դաշնակիցների ապահովումը, որը լիովին լուծելի խնդիր է:

– Հայաստանի Հանրապետության կառավարության վարած քաղաքականությունը ներկայումս փաստացի միտված է Հայ դատի շարունակության դեմ: Առերևույթ քողարկումով փորձ է արվում ոչ միայն հայ ժողովրդի գիտակցությունից արմատախիլ անելու Հայոց ցեղասպանության հիշողությունն ու պահանջատիրությունը, պատմական Հայաստանի իրողությունը՝ բռնազավթված Արևմտյան Հայաստանով և Արևելահայաստանի հայտնի շրջաններով, այլև կասկածի տակ է դրվում Հայոց ցեղասպանության իրողությունը, սակարկվում միլիոնավոր հայ մահադատների թիվը, պետական արտաքին քաղաքականությանը անգործության մատնվում Հայոց ցեղասպանության միջազգային ճանաչումն ու դատապարտումը: Այդ ամենն արվում է հետևողականորեն՝ Արցախից սկսած մինչև Արարատ, Հայոց պատմության գաղափարական վերախմբագրումից մինչև Հայ եկեղեցու կազմաքանդման ուղղված քաղաքական արշավ: Ինչպես կմեկնաբանեք այս ամենը՝ աշխարհաքաղաքական ճնշում և ներքին անկայունություն, աշխարհաքաղաքացիություն՝ ազգային ինքնության ուրացմամբ և հայրենասիրության ոչնչացմամբ, թե՛ մի այլ երևույթ:

– Թե ինչպես են Հայաստանի Հանրապետությունում իշխանության եկել ուժեր, որոնք բացահայտորեն համագործակցում են ժողովրդի հետ՝ ի վնաս մեր պետության և ժողովրդի, առավել առարկայականու-



րեն կպարզվի ապագայում: Այժմ կարևորն այն է, որ ՀՀ-ի ներկա իշխանությունների քաղաքականությունը քայքայում է երկրի ինքնիշխանությունը տարբեր ուղղություններով: Իրավիճակը բարդ է և վտանգավոր:

Չափազանց խոսուն էր Հայոց ցեղասպանության զոհերի հիշատակի օրվան հաջորդ իսկ օրը երևանում արմատաքրության կազմակերպումը: Դա, անշուշտ, թուրքական պատվեր էր՝ աննախադեպ հարձակում հայոց հիշողության, արժանապատվության, արժեքների, պետականության և առհասարակ հայկականության դեմ: Քանի դեռ ՀՀ-ում տեղի ու տիրակալը կուլտուրալ և սոցիալական ուժերն են՝ մշակութային միջոցառումների անվան տակ իրականացվող մեծ վնասարարական դրսևորումները, հավանաբար, կշարունակվեն և նույնիսկ կհաճախանան:

Պետք է գիտակցել, որ Փաշինյանն ու ՔՊ-ն սաստկացնելու են թուրքահաճ ուղեգիծը, իսկ առաջիկա ընտրություններում վերարտադրվելու դեպքում անցնելու են Հայաստանը թուրք-ադրբեջանական գաղութի վերածելու անգուսպ քայլերի: Հայաստանում վտանգված են պետականության և ազգային ինքնության գրեթե բոլոր բաղադրիչները, հայկական ամեն ինչ: Նրանք, ովքեր դա չեն գիտակցում, քաղաքականապես մանկամիտ են:

Մեզ բոլորիս ծանր ժամանակներ են սպասում: 2026 թվականը կարող է դառնալ վճռորոշ: Բայց և՛ «Թե Աստված մեզ հետ է, ո՞վ կարող է լինել մեր դեմ» (Հռոմ. 8:31):

– Ո՞րն է Հայ եկեղեցու դերն ստեղծված իրավիճակում, և առհասարակ ինչպես են գնահատում մեր եկեղեցու գործունեությունը Հայոց ցեղասպանության հիմնախնդրի և հայկական ժառանգության պահպանման ու վերադարձման ուղղությամբ: Հայ Առաքելական Սուրբ եկեղեցին՝ որպես ազգային ինքնակա և համաքրիստոնեական տիեզերական հաստատություն, ինչպես պետք է դիմադարձի՝ հաղթահարելու հակահայկական և հակապատմական ներքին ու արտաքին սպառնալիցները:

– Հայոց եկեղեցին ինչպես անցյալում, այնպես էլ այսօր հայկական քաղաքակրթության և ինքնության պաշտպանն ու ջատագովն է: Իր այդ կարգավիճակից բխելով՝ եկեղեցին և հայ հոգևորականությունը չեն կարող այժմ փակել հայոց պատմության ամենաողբերգական էջը՝ ցեղասպանության և դրա հետևանքների՝ տարբեր ձևերով մոռացության մատնելու իշխանական փորձերի վրա: Չէ՞ որ հենց Հայոց եկեղեցին ու հոգևորականությունն են եղել ցեղասպանության առաջնային թիրախներից մեկը՝ հետևողականորեն և կանխամտածված կերպով ոչնչացվելով: Վերջին տվյալներով՝ ցեղասպանության ընթացքում ավերվել և ոչնչացվել են հայկական 2538 եկեղեցի և 451 վանք, որոնք, բացի կրոնական հաստատությունների լինելուց, նաև կրթական ու մշակութային օջախներ էին, գրչության կենտրոններ, հին ձեռագրերի մատենադարան-պահոցներ... Սպանվել են հազարավոր հոգևորականներ, ովքեր հայության առավել կրթված ու նվիրյալ սոցիալական խավն էին, որը ազգային հավաքական գիտելիքի ու հոգևոր-մշակութային ժառանգության կրողն էր: Այս պայմաններում ինչպես կարող է եկեղեցին մոռանալ կամ ուրանալ այդ ամենը,

հատկապես երբ մոռացությունն ու ուրացումը լուրջ սպառնալիք են նախևառաջ մեր պետության և ժողովրդի համար: Ուրացումը ոչ միայն բարոյական խզում է անցյալի հետ, այլև ազգային դիմադրողականության կազմալուծում, որը կարող է հանգեցնել ծանր և լիովին կանխատեսելի հետևանքների:

Ցավով պետք է արձանագրել, որ մեր օրերում Հայոց եկեղեցին ոչ պատահակապես Հայաստանի Հանրապետությունում զրկված է ազատ գործելու հնարավորությունից: Եկեղեցին ոչ միայն պաշտպանված չէ, այլև ենթարկվում է բացահայտ ճնշումների և հալածանքների. կալանավորված արքեպիսկոպոսներ, Մայր Աթոռի և այլ տաճարների բակերում աղանդավորական խուժան՝ նրան «պաշտպանող» ոստիկանական ուժերով, պետական ուժային և դատական մարմինների կոպիտ միջամտություն եկեղեցու ներքին կյանքին ու ինքնակառավարման գործընթացներին, ներեկեղեցական ու դավանաբանական կանոնների փոփոխությունների պարտադրանք, պետական ամենաբարձր մակարդակներից գրեթե ամեն օր հնչող վիրավորանքներ, սպառնալիքներ, հայիոյանքներ և շանտաժ – ահա այն միջավայրը, որի մեջ այսօր գոյատևում է Հայոց եկեղեցին:

Այդ ամենով հանդերձ՝ քրիստոնեական հավատքն ու եկեղեցին ուժեղանում են առավելապես հալածանքների և քաղաքական ճնշումների պայմաններում: ՀՀ-ի դեկավարների «հանձարեղ» գործողությունների հետևանքով Հայոց եկեղեցու վարկը բարձրացել է աննախադեպ աստիճանի՝ հետխորհրդային շրջանի ողջ ընթացքում:

ՀՀ-ի ներկայիս իշխանությունների հրահրած հակակեղեցական արշավը ևս մեկ անգամ ապացուցում է, որ Հայաստանի Հանրապետության ներկայիս իշխանության և հայ ժողովրդի շահերը որևէ կետում չեն համընկնում: Ավելին՝ դրանք ուղիղ հակադարձ են: Երբ իշխանությունը պատերազմ է հայտարարում սեփական եկեղեցուն, փաստացի պատերազմ է հայտարարում իր իսկ ժողովրդին՝ նրա ազգային ինքնությանը, պատմական հիշողությանը և հոգևոր հիմքերին: Ամեն դեպքում, պատմական այս բախման մեջ արդար կողմը հայ ժողովրդն է և Հայոց եկեղեցին:

– Հայագիտական ակադեմիական և ոչակադեմիական հաստատություններն ու կազմակերպությունները, ըստ Ձեզ, բավարար աշխատանք են տանում Հայ դատի կայացման և Հայաստանի իշխող քաղաքական ուժի ապազգային գործունեության կասեցման ու վերածշտման ուղղությամբ:

– Եթե կարճ պատասխանեմ, ՀՀ-ի ակադեմիական և բուհական հիմնարկների դեկլարությունները ոչ միայն բավարար աշխատանք չի տանում այդ ուղղությամբ, այլև, փաստորեն, բացահայտ կամ լռելյայն սատարում է ներկայիս իշխանությունների ապազգային քաղաքականությանը՝ երբևէ բողոքի ձայն չբարձրացնելով: Այնինչ ակադեմիական և բուհական հաստատությունների դեկլարությունը նախևառաջ պետք է լինեն գիտնականներ և հայրենասեր քաղաքացիներ և հետո միայն՝ չինովնիկներ ու բյուրոկրատներ: Հասարակական և բարոյական տեսանկյունից նրանք կրում են ոչ միայն վարչական, այլև համարյա մտքի ու խղճի ձևավորման պատասխանատվություն: Նրանց կրավորականությունը ինստիտուցիոնալ հարստավորականության (կոմ-ֆորմիզմի) դրսևորում է, որը թուլացնում է գիտական համայնքի ինքնավարությունն ու քննադատական ներուժը և խոչընդոտում ժողովրդավարության զարգացմանը:

– Ի՞նչ հանգուցալուծումներ կարող են լինել Հայաստանի Հանրապետության և հայ ժողովրդի համար մոտ ապագայում:

– Օրակարգում Հայաստանի անվտանգության և կայունության ապահովումից, նույնիսկ՝ փրկությունից և ազատագրությունից ավելի կարևոր հարց չկա: Ինչպես ասում էին հին հռոմեացիները, «Salus patriae suprema lex esto», այսինքն՝ «Հայրենիքի փրկությունը թո՛ղ լինի գերագույն օրենքը»:

Հարցազրույցը՝ Նարինե ՀՈՎՀՆՆԻՍՅԱՆԻ



▲ Վանի Սուրբ Ստեփանոս եկեղեցու ավերակները

◀ Անիի Սուրբ Գրիգոր Լուսավորիչ եկեղեցու ավերակները

Հայ եկեղեցին Հայոց ցեղասպանության ընթացքում

Դեռ Առաջին աշխարհամարտից առաջ Օսմանյան Թուրքիայում արևմտահայերն ունեին հարյուրամյակների ընթացքում կարգավորված եկեղեցական կառուցվածք՝ Կիլիկիո կաթողիկոսություն, Կոստանդնուպոլսի հայոց պատրիարքություն, Երուսաղեմի հայոց պատրիարքություն, հայոց թեմեր՝ թեմակալ առաջնորդների գլխավորությամբ: Օսմանյան Թուրքիայի տարածքում կային 50-ից ավելի հայոց թեմեր: Մինչև Առաջին աշխարհամարտը Օսմանյան Թուրքիայի տարածքում գոյություն ունեին հայկական 1388 եկեղեցի և 134 վանք: Միայն Կիլիկիո կաթողիկոսության ենթակայության տակ կային 222 եկեղեցի և 12 վանք: Մինչև պատերազմի սկիզբը արևմտահայոց թեմերը ստանում էին Ամենայն Հայոց Կաթողիկոսի օրհնությունը. թեմակալ առաջնորդները եպիսկոպոս էին ձեռնադրվում Ամենայն Հայոց Կաթողիկոսի ձեռնադրմամբ:

Հայոց եկեղեցին, ի դեմս Կոստանդնուպոլսի պատրիարքի, Կիլիկիո կաթողիկոսի, թեմերի առաջնորդների, ամբողջությամբ պաշտպանում էր իր ժողովրդի ձգտումները, մասնավորապես 1909 թ. Ադանայի ջարդերից հետո ձեռք էր բերել երկարատև ազատություն ու անկախություն: 1912 թ. հուլիսի 19-ին և օգոստոսի 25-ին Աղթամարի կաթողիկոսական տեղապահ Եզնիկ վարդապետ Ներկարարյանն իր նամակներում՝ ուղղված Կ. Պոլսի պատրիարքությանը, հայտնում էր բազմաթիվ հայերի սպանությունների ու թալանի մասին, որ կատարվում էին թուրքերն ու քրդերը հայկական գյուղերում, ինչպես նաև այն մասին, որ հայերը սարսափի ներքո ստիպված են լքել հարազատ գյուղերը: Հաճնի թեմակալ առաջնորդ Պետրոս եպիսկոպոս Սարաջյանը Կ. Պոլսի պատրիարքին գեղուցում էր ընդհանրապես Սիրի-Սիեի գազանությունների մասին, որոնք կատարվում էին Շատախի հայ բնակչության հանդեպ:

Օսմանյան Թուրքիայի կառավարության հակահայկական խստացող տրամադրություններն ստիպեցին Կոստանդնուպոլսի հայոց պատրիարք Յովհաննես արքեպիսկոպոս Արշարունուն 1912 թ. սեպտեմբերի 4-ին օգնության դիմել Ամենայն Հայոց Գևորգ Ե Սուրբեյանց Կաթողիկոսին: Պատրիարքը մասնավորապես գրում էր. «Սկսվեց նոր ժամանակաշրջանը՝ ամենուր լի նոր չարիքներով, և այժմ, մասնավորապես, նրանց համար բեմ հանդիսացան Վանի, Աղթամարի, Բիթլիսի, Մուշի, Սղերտի թեմերը. նորերս ստացված հեռագրերը հայտնում են սպանությունների, ավերածությունների, կանանց ամռանգաման և նույնիսկ անչափահասների իսլամացման մասին»: Պատրիարքը կաթողիկոսին խնդրում էր անհրաժեշտ «ցուցում կամ խորհուրդ տալ, որին ենթարկվելով հնարավոր լինի խելամիտ և գործնական ելք գտնել»:

Հայերի համար ստեղծված կացությունից դուրս գալու ելքը պետք է լիներ 1914 թ. հոկտեմբերի 16-ին Ռուսաստանի և Թուրքիայի միջև սկսված պատերազմը, որը խոստանում էր վերջինիս ջախջախումից հետո արևմտահայերին ազատել թուրքական լծից: Մշո հոգևոր առաջնորդ Ներսես եպիսկոպոս Խարախանյանի՝ 1914 թ. նոյեմբերի 8-ի՝ Կոստանդնուպոլսի պատրիարք Չավեն արքեպիսկոպոս Եղիայանին ուղղած գրու-

թյան մեջ նշված է. «Կառավարությունը իր վարվելակերպով հայտնի կընէ, որ հայերու վրայե վատառությունը բոլորովին վերացած է, և ինքն է, որ մուսուլմանները կը գրգռէ և կը զինէ հայերու դեմ: ...Կամավորներ հասցնելու նպատակով կամ այդ պատրվով կառավարությունը գող, ավազակ և սրիկաներ չմնաց, որ չզինէ, օրերս Սասունեն, Խոյեն ասդին և անդին և խումբ-խումբ զինված քրդական կամավորներ բերուեցան, որոնք հայերու դեմ գրգռված են, և ճամբու վրա համոզյալ հայ գյուղերը շատ վնասներ կրեցին: Հաստատուն մշաններ կան, թե կառավարությունը պատրվակ կը փնտրէ գավառիս հայերը աղետներու ենթարկելու, և այս տագնապալի վիճակին հանդեպ շվարած, բացի երկնային պաշտպանութենն ուրիշ միջոց մը չենք տեսներ»:

Սեպտեմբերի 8-ին Բայազետից Հայոց Բագրևանյաց առաջնորդ Ներսես քահանա Քաջբերունին Գևորգ Ե-ին գրում էր. «Ձերդ Վեհափառությունը թող իրագրել լինի, որ Ս. Հովհաննու հռչակավոր վանքը հեծելազորաց կենտրոն դարձավ: Մեր հայրերուն սուրբ մասունքները ոտից կոխած լինելն ի գատ այդ հսկա հոյակապ մեծաստանը բոլորովին ավերման ենթարկվեցավ: Չայներս Պոլիս՝ պատրիարքարան չհասեր, պաշարված ենք, միակ հույսն ու փրկությունը Ձերդ Վեհափառության կսպասենք»:

1914 թ. նոյեմբերի 8-ի՝ իր թիվ 1720 կոնդակում կաթողիկոսը, մտահոգվելով Արևմտյան Հայաստանում բնակվող իր հոտի բախտով, գրում էր. «Տաճկական իշխանությանց առանձնապես անկանոն զորքի և մոլեռանդոց ամբոխի կողմից հայերին սպասում են ցնցումներ, որոնք հազիվ կարող է մարդկային երևակայությունը պատկերացնել: Սակայն մեծ է նաև անդրդվելի իմ հավատը, որ այս պատերազմը վերջնականապես կվճռի արևելյան հարցը և վերջ կդնի հայերի դարավոր տառապանքներին»:

Լինելով իմաստուն և հեռատես հոգևորական Գևորգ Ե Կաթողիկոսը չէր կարող չնկատել, որ Կովկասյան ռազմաճակատի ռազմական գործողությունների հենց սկզբից և հատկապես ռուսական զորքերի՝ սկսվելու ժամանակից, որոնք առաջացան մեր սևծովյան ափերի վրա տաճկական մավատորմի դավադիր հարձակմամբ, պատերազմի գլխավոր բեմը Տաճկաստանի հետ ներկայացնում է Տաճկահայաստանը, և կասկած չկա, որ սկսված սարսափները հետագայում առաջ կբերեն անհամար և անլսելի դժբախտություններ բազմաչարչար հայ ժողովրդի համար»:

1914 թ. նոյեմբեր-դեկտեմբերին արևմտահայ առաջին գաղթականները հայտնվեցին Նախիջևանում: Տեղի փոխանորդ Սիոն վարդապետը, դիմելով Մայր Աթոռին, գաղթականների համար խնդրեց սննդամթերք և դեղորայք:

1914 թ. դեկտեմբերի 28-ին թիվ 1990 հայրապետական կոնդակով Գևորգ Ե-ն ստեղ-

ծեց «Եղբայրական օգնություն Ս. Էջմիածնի գլխավոր կարգադիր հանձնաժողով»՝ Սիոնի անդամ Եփրեմ եպիսկոպոս Սուքիսյանի նախագահությամբ: Եղբայրական օգնության հանձնաժողովներ ստեղծվեցին նաև Երևանի հայրապետական թեմում, Բեսարաբիայում, Նախիջևանում, Ալեքսանդրապոլում, Սալմաստում, Վասպուրականում: 1914 թ. դեկտեմբերի 31-ին Եփրեմ եպիսկոպոսը գրում էր Երևանի փոխթեմակալ Խորեն եպիսկոպոս Սուրաբեկյանին. «Էջմիածնում առեփն հեղեղ է, անընդհատ գալիս են նոր գանգվածներ՝ բոլորը սոսկալի պայմաններում: Չկան ազատ տեղեր, կարող են առաջանալ համաճարակ, հիվանդություններ»:

Նորին Սրբության հովանու ներքո գտնվող Եղբայրական օգնության հանձնաժողովը խնդրում է Ձեզ առանց հետաձգելու խոսել նահանգապետի հետ, որպեսզի հեռագրով գավառապետին արվի անհրաժեշտ կարգադրություն, որպեսզի կարելի լինի փախստականներին անհապաղ ուղարկել գյուղերը: Մանրամասն անվանացանկ կազմել տեղերում ավազների կողմից»:

1915 թ. հունվարի 15-ին ռուսական բանակի գնդապետ Վեբերը հեռագրեց Երևանի փոխթեմակալ Խորեն եպիսկոպոսին. «Պարաբիխայից Ալաշկերտ հասան հազարավոր կանայք և երեխաներ՝ բոլորը քաղցած ու ցնցոտիավոր: Անհրաժեշտ է 30 ֆուրգոն երեխաների տեղափոխման համար»: Խորեն եպիսկոպոսն օգնության համար դիմեց Կովկասյան բանակի 4-րդ կորպուսի հրամանատար, ծագումով հայ գեներալ Պ. Օզանովսկուն, և նա ուղարկեց կարիքավոր հայերին անհրաժեշտ ամեն ինչ:

«Եղբայրական օգնության» Ս. Էջմիածնի գլխավոր կոմիտեն 1915 թ. հունիսի 5-ի նիստում որոշեց՝ 1. Ալաշկերտի շրջանում գաղթականներին օգնություն ցույց տալ քայքայված տնտեսությունների վերականգնման համար, 2. գաղթականներին ապահովել գյուղատնտեսական գործիքներով, 3. գաղթականներին վերադարձնել հայրենիք:

Նրանց հոսքը դեպի Արևելյան Հայաստան մեծանում էր: 1915 թ. հուլիսի 10-ին Անդրանիկը Բերկակերտից հեռագրում է Խորեն եպիսկոպոսին. «Իմ անունից և իմ ժողովրդի անունից խնդրում են, Աստուծո սիրույն, իրար հետևից Իզդիր ուղարկեք 20 ֆուրգոն՝ հայ գաղթական հայերի համար: Հսկայական քանակով գաղթական է գալիս ձեզ մոտ Վանից, բոլոր տեղերից, Վանա լճի շրջակայքից, ինչպես նաև Մուշի շրջանից: Հացը ուղարկեք հիմա և մինչև այն ժամանակ, քանի դեռ չի ավարտվել գաղթականների հոսքը»:

Կաթողիկոսը գաղթականներին ընդառաջ Իզդիր է ուղարկել Խորեն եպիսկոպոսին, Արսեն վարդապետին, ինչպես նաև հայ հասարակական կազմակերպությունների անկախացուցիչներին՝ գաղթականներին անհրաժեշտ օգնություն ցույց տալու համար: Այս առաքելության իրականացման համար Հակոբ քահանա Խաչվանքյանն Ալեքսանդրապոլից Երևան ուղարկեց 600 փութ հաց:

Արևմտահայությանը փրկելու համար Գևորգ Ե-ն դիմեց ԱՄՆ-ի և Իտալիայի կառավարություններին և Ռուսաստանի արտաքին գործերի նախարարին: ԱՄՆ-ի նախագա-

լին Գևորգ Ե-ն մասնավորապես գրում էր. «Մեզ հասած տեղեկությունների համաձայն՝ Միջագետքում, Հայեպի և Մոսուլի միջև, ինչպես նաև Կիլիկիայում և Կ. Պոլսում մի քանի հարյուր հազար հայեր անելանելի վիճակում են, որը սպառնում է նրանց գոյատևմանը: Ռազմական գործողությունների թատերաբեմում հայտնված իմ ժողովրդի միջոցները չնչին են, որպեսզի օգնություն ցույց տա իր թշվառ եղբայրներին: Ընդ որում մենք զրկված ենք օգնությունը տեղ հասցնելու հնարավորությունից: Իմանալով Ձեր մարդասիրական վերաբերմունքը տանջվածների նկատմամբ և Ձեր բարեհոգի սիրտը, դիմում են Ձեզ մեծ խնդրանքով՝ ստանձնել Թուրքիայում մահվան դատապարտված իմ ժողովրդին փրկելու և նրան սնունդով, հագուստով և կացարանով ապահովելու նախաձեռնությունը»:

Հայ ժողովրդի նկատմամբ ցեղասպանության կազմակերպման հիմնական պատճառներից մեկը նաև հայերի դավանանքն էր: Հենց դրանով է բացատրվում այն փաստը, որ Արևմտյան Հայաստանում և ընդհանրապես Թուրքիայում ամենուրեք կոտորածների առաջին թիրախը դառնում էին Հայոց եկեղեցու սպասավորները: Կոստանդնուպոլսի պատրիարք Չավեն արքեպիսկոպոս Եղիայանը 1915 թ. դեկտեմբերի 28-ին ԱՄՆ-ի հայոց հոգևոր թեմի առաջնորդական փոխանորդ Արսեն վարդապետ Վեհունուն տեղեկացնում էր. «Առաջնորդներից Կարոն Սքաթտ եպիսկոպոս Սաստեթյանն իր ժողովրդին հետ դեպի Միջագետք տարած ժամանակ, Քեմախի մոտերը հրոսակներու կողմն սպանված է: Տրապիզոնի Գեորգ Ե. վարդապետ Թուրյան, Կարոն պատերազմական առյուծներն զրկված ըլլալով, ճամփուն սպանված է: Շապին-Գարահիսար Վաղինակ Ե. վարդապետ Հազարապետյան կախաղանի վրա իր հոգին ավանդած է տեղական վճիռով: Մշո Վարդան Ե. վարդապետ Հակոբյան բանտին մեջ բրածծե մահացած է: Տիգրանակերտի Սլրտիչ Ե. վարդապետ Չլղատյան բանտին մեջ գանահար սպանված է: Եվդոկիայի Շավարշ Ե. վարդապետ Սահակյան, ձերբակալվելով Սեբաստիա, զրկված ատեն ճամբուն սպանված է: Խարբերդի Պսակ Ե. վարդապետ Տեր-Խորենյան շղթայակապ դեպ Տիգրանակերտ այլոց հետ զրկված ատեն խողխողված է: Յոզղատի Ներսես եպիսկոպոս Դանիելյան Սեբաստիո մոտերը Ալիսի ափերում ուրիշ 450 յոզղատցիներու հետ սպանված է: Եղեսիո Արտավազ Ե. վարդապետ Գալենտերյան քաղաքին մեջ սպանված է ուրիշ 60-70 հայերու հետ վերջին ջարդեն առաջ: Բալուի Եզնիկ եպիսկոպոս Գալիպեյանի, Բագելի Սուրեն Ե. վարդապետ Գալենյանի, Սղերդի Եղիշե վարդապետ Չանոյանի, Չարսանճագի Գևորգ Ե. վարդապետ Նալբանդյանի, Երզնկայի և Քեմախի Սեբիսեղեկ վարդապետ Յովիկյանի, Սամսոնի Համազասպ Ե. վարդապետ Եղեայանի և Կյուրիսի Խորեն եպիսկոպոս Դիմաքսյանի մահը ստույգ է, բայց պարագաները տակավին անձանոթ կը մնան... Չխնայելով նույնիսկ Կիլիկիո Սահակ Ա կաթողիկոսը, որ նա Հայեպի թուրքերը Պապ աքսորվելով և ապա զրկեցավ երուսաղեմ, ուր կմնա այժմ»:

Հայ Եկեղեցու՝ Հայոց ցեղասպանության միջազգային ճանաչմանն ուղղված գործունեությունը

Գարեգին Բ Ամենայն Հայոց Կաթողիկոսի օրոք

← էջ 3, 4

Հայ Առաքելական Եկեղեցու թեմերը՝ հատկապես Եվրոպայում, Հյուսիսային և Հարավային Ամերիկայում, ինչպես նաև Մերձավոր Արևելքում, վերածվում են այնպիսի հարթակների, որտեղ համադրվում են ազգային հիշողության պահպանումը և Հայոց ցեղասպանության միջազգային ճանաչմանն ուղղված գործնական քայլերը:

Փաստացիորեն՝ Սփյուռքի եկեղեցական կառույցները կազմակերպում և համակարգում են ապրիլյան ամենամյա հիշատակի միջոցառումները, որոնք հաճախ իրականացվում են տվյալ երկրների պետական և հասարակական կառույցների մասնակցությամբ: Այս միջոցառումները ներառում են ոչ միայն եկեղեցական արարողություններ, այլև գիտաժողովներ, կլոր սեղան-քննարկումներ, ցուցահանդեսներ և հանրային քննարկումներ, որոնցում ներգրավվում են պատմաբաններ, իրավաբաններ, քաղաքագետներ և մարդու իրավունքների պաշտպաններ: Այսպիսի բազմաշերտ գործունեությունը նպաստում է, որ Հայոց ցեղասպանության հարցը ներկայացվի գիտական և իրավական հիմնավորվածությամբ՝ դուրս գալով զուտ հիշատակի շրջանակներից:

Առանձնակի մշակակություն և իմաստունի Հայաստանում քրիստոնեության պետական կրոն հռչակելու 1700-ամյակի արարողությունների շարքում Նորին Սրբության Դեր Ձոր 2001 թ. ապրիլի 23-ի ուխտագնացությունը՝ ուղեկցությամբ Մեծի Տանն Կիլիկիո Կաթողիկոս Արամ Ա-ի և ազգային-եկեղեցական մշակավոր գործիչների, որի ընթացքում Վեհափառ Հայրապետն իր խոսքում վերահաստատեց, որ լինելով ցեղասպանության զոհերի ժառանգները՝ մենք տերն ենք մեր նահատակների արդար դատի և իրավունքների: Վեհափառ Հայրապետն ընդգծեց, որ Հայոց ցեղասպանության զոհերը չեն կարող մոռացվել, և նրանց ներկայացրեց որպես հավատքի համար տառապած և նահատակված հայրորդիների, որոնց հիշատակը սրբազործված է: Այս համատեքստում Դեր Ձորը ներկայացվեց ոչ միայն որպես մահվան վայր, այլև սրբավայր, ուր հայերը գալիս են աղոթքի և ուխտի:

Նորին Սրբությունն ուղերձով հանդես եկավ նաև 2007 թ. 4. Պոլսում, ուր վերստին բարձրաձայնեց Թուրքիայի կողմից իրականացված Հայոց ցեղասպանության անժխտելիությունը:

Բացի այդ՝ Սփյուռքի համայնքները Հայ Եկեղեցու հովանու ներքո եռանդով մաս-



նակցում են տարբեր երկրների քաղաքական կյանքին՝ իրականացնելով լոբբիստական աշխատանք, համագործակցելով խորհրդարանականների, քաղաքական կուսակցությունների և միջազգային կազմակերպությունների հետ: Մի շարք երկրներում ընդունվել են բանաձևեր և օրենքներ, որոնք ճանաչում և դատապարտում են Հայոց ցեղասպանությունը: Այս գործընթացում կարևոր դեր են խաղացել եկեղեցական առաջնորդների և թեմական կառույցների նախաձեռնած հանդիպումները պետական բարձրաստիճան պաշտոնյաների հետ, ինչպես նաև միջեկեղեցական և միջկրոնական երկխոսության ձևաչափերը:

Հատկանշական է նաև, որ Գարեգին Բ-ի գահակալության տարիներին մեծ ուշադրություն է դարձվել Սփյուռքում ազգային ինքնակազմակերպման գործում երիտասարդ սերնդի ներգրավմանը: Եկեղեցու աջակցությամբ ստեղծվում և զարգացվում են կրթական ծրագրեր, երիտասարդական միություններ և մշակութային նախաձեռնություններ, որոնց նպատակն է ձևավորել ազգային ինքնագիտակցություն և պատմական հիշողության պատասխանատու վերաբերմունք: Սա կարևոր գործոն է՝ ապահովելու, որ ցեղասպանության ճանաչման պահանջը պահպանվի և զարգանա նաև ապագա սերունդների շրջանում:

Այսպիսով Սփյուռքի համայնքները Գարեգին Բ-ի առաջնորդությամբ ստացել է ինտիտուցիոնալ և համակարգված բնույթ վերածվելով համաշխարհային մասշտաբով գործող մի մեխանիզմի, որը համադրում է հոգևոր, մշակութային, գիտական և քաղաքական գործիքները՝ նպաստելով Հայոց ցե-

ղասպանության միջազգային ճանաչման և դատապարտման գործընթացի առաջխաղացմանը:

Հայրապետի դիվանագիտական ազդեցությունը

Այն, որ Գարեգին Բ Կաթողիկոսը պաշտոնապես չի մասնակցում պետական դիվանագիտությանը, չի նվազեցնում նրա ազդեցությունը Հայոց ցեղասպանության ճանաչման միջազգային գործընթացում: Գարեգին Բ-ի գործունեությունն ընդգրկում է մի շարք հարթություններ՝ կրոնական, դիվանագիտական և բարոյական, ինչը նրան դարձնում է ոչ պաշտոնական, բայց ուժեղ, ազդեցիկ միջնորդ և հեղինակ՝ միջազգային հանրության ուշադրությունը Հայոց ցեղասպանության հարցին ուղղելու գործում: Նրա ուղերձները հաճախ հնչում են համաշխարհային քաղաքական և կրոնական առաջնորդների ներկայությամբ՝ համաժողովների, ներկայացուցչական ժողովների և համաշխարհային եկեղեցական հանդիպումների ընթացքում: Օրինակ՝ 2015 թվականին՝ Հայոց ցեղասպանության 100-րդ տարելիցի միջոցառումների ընթացքում, Մայր Աթոռ Սուրբ Էջմիածնում և Սփյուռքի տարբեր երկրների եկեղեցական կենտրոններում նրա ելույթները տեղի էին ունենում պետական պաշտոնյաների, նախարարների, միջազգային կազմակերպությունների ներկայացուցիչների ներկայությամբ: Այս հանդիպումների միջոցով Գարեգին Բ-ն կարողացել է շեշտել Հայոց ցեղասպանության ճանաչման քաղաքական, իրավական և բարոյական անհրաժեշտությունը՝ ընդգծելով նրա համամարդկային մշակակությունը՝ որպես ապագա ցեղասպանությունների կանխարգելման միջոց:

Ավելին՝ Վեհափառ Հայրապետն օգտագործում է միջկրոնական երկխոսության հարթակները՝ հանդիպումներ կազմակերպելով քրիստոնեական այլ ուղղությունների, ինչպես նաև աշխարհիկ առաջնորդների հետ՝ ներառյալ Եվրոպայի, ԱՄՆ-ի և Լատինական Ամերիկայի տարբեր երկրների քաղաքական գործիչները: Այս նախաձեռնությունները նպաստում են նրան, որ Հայոց ցեղասպանության ճանաչման հարցը մշտապես մնա միջազգային օրակարգում, ներկայացվի ոչ միայն որպես հայկական ազգային իրավահարաբերություն, այլև համամարդկային իրավունքների և պատմական արդարության հիմնարար սկզբունք:

Կարճ ասած՝ Գարեգին Բ Կաթողիկոսի խոսքն ու հոգևոր ազդեցությունը «միջնորդական դիվանագիտության» գործիք են, որ ամրապնդում են Սփյուռքի դեկլարանցիաների, գիտնականների և քաղաքական գործիչների ջանքերը՝ Հայոց ցեղասպանության միջազգային ճանաչման հարցում: Նրա ուղերձների վերլուծությունը ցույց է տալիս, որ քրիստոնեական եկեղեցու հոգևոր հեղինակությունը կարող է ամմիջական ազդեցություն ունենալ միջազգային քաղաքական գործընթացների վրա, հատկապես այնտեղ, որտեղ պատմական արդարության և մարդկային արժեքների հարցերն են գերակայում:

Ամփոփում

Հայոց ցեղասպանության ճանաչմանն ուղղությամբ Գարեգին Բ Ամենայն Հայոց Կաթողիկոսի առաջնորդությամբ իրականացված գործունեությունները՝ սրբադասումից մինչև միջազգային համագործակցություն, զգալիորեն ամրապնդել են հայկական կողմի դիրքերը՝ նպաստելով պատմական արդարության հաստատմանն ու համամարդկային արժեքների պաշտպանությանը:

Հայ Առաքելական Եկեղեցին շարունակում է իր առաքելությունը՝ միավորելով հավատքը, պատմությունը և արդարության ձգտումը: Ինչպես Իգնատիոս Անտիոքացի Հայրապետն է գրում. «Ո՛չ կիզիչ հուրը, ո՛չ ջուրը չեն կարողացել մարել քրիստոնյաներիս սերն առ Աստված: Խնդախ ու առիստիտ քրիստոնյաների համար մեծ բարիք է այս աշխարհում Աստծո հետ մայր մտնելը և Նրա հետ հանելը» (Ս. Իգնատիոսի վարքից): Այս պատգամը և՛ անցյալում, և՛ այժմ ուղեցուցիչ է եղել թե՛ Եկեղեցու, թե՛ ամբողջ հայ ժողովրդի համար:

Նարեկ սրկ. ԳԱՄԱՐՅԱՆ
ՕՖեյա ԳԱՄԱՐՅԱՆ

Ինչպե՛ս էր Հովհաննես Թումանյանը Ս. Էջմիածնում խնամում գաղթական երեխաներին. որբերի հայրիկը


«Այս մի կատարյալ անձնագրիություն էր: Շաբաթներով նա ապրել է այնպիսի սարսափների մեջ, որոնց չոր ու ցամաք թվարկում անգամ մարդու արյուն էր ստեղծում»:

Լեոն

1915 թ. համազգային աղետը ժամանակակիցներից յուրաքանչյուրը յուրովի է ապրել: Այդ չտեսնված սուկայի աղետը մահաստանի էր վերածել ոչ միայն Արևմտյան, այլև Արևելյան Հայաստանը, որտեղ գաղթականության կենտրոն էր դարձել Մայր Աթոռ Սուրբ Էջմիածինը: Ժամանակակիցների վկայությամբ՝ Էջմիածինն էլ այն ժամանակ մահաստան էր դարձել, և որևէ մշակութային գործիչ այդտեղով չէր անցնում: Հանձարեղ Սարյանը, որ դրամական օգնություն էր Էջմիածին հասցրել, մի քանի րոպե այնտեղ գտնվելով՝ ուշաթափվել է: Համատարած տառապանքի, թշվառության, սովի, համաճարակի, մահվան ու թաղումների մեջ, սակայն, կար մի լուսավոր կերպար, որին խ-

չընդոտ չէին ոչ համաճարակը, ոչ քաղցը, ոչ հոգեկան տառապանքն ու հոգնածությունը, ոչ իր իսկ վատառողջ լինելը. «Հովհաննես Թումանյանն այդ դժոխքի մեջ է գործում, բարեբախտաբար չի գժվում», - գրում է Լեոն:

Ժամանակակիցները տարբեր կերպ են ներկայացրել Հովհաննես Թումանյանի՝ 1915 թ. որբախնամ գործունեությունը, բայց այսօր վերաիմաստավորելով ու վերարժևորելով դատեր՝ Նվարդ Թումանյանի հուշերը, որ հոր հետ Էջմիածնում էր՝ որբերի կողքին, վերլուծելով արխիվային նյութերն ու փրկված որբերի հուշերը՝ գալիս ենք այն համոզման, որ որբերին ապաստան տալուց, կերակրելուց, կարիքները հոգալուց բացի՝ Ամենայն հայոց բանաստեղծը նաև հոգեանոթող դերակատարություն է ունեցել գաղթական հազարավոր երեխաների ու պատանիների համար: Ավելին՝ նրա գործունեության մեծ մասն ակամայից ուղղված էր որբերի ու գաղթականների հոգեկան վերբերի ու հարկածների խմբային հաղթահարմանը: → էջ 8



Սուրբ Էջմիածին, 1915 թ.

Ինչպե՛ս էր Հովհաննես Թումանյանը Ա. Էջմիածնում խնամում գաղթական երեխաներին. որբերի հայրիկը

← էջ 7

Նրա հոգատարությունն օգնում էր երեխաներին վերականգնել անվտանգության զգացումը, վերականգնում էր վստահությունը մարդկանց և աշխարհի նկատմամբ, հնարավորություն տալիս արտահայտելու ճնշված հույզերը՝ առանց բառերի, ստեղծում խմբային ջերմ մթնոլորտ: Այս մոտեցումը շատ մոտ է ժամանակակից հոգեբանության մեջ կիրառվող մեթոդներին, օրինակ՝ խաղային բուժմանը: Կարելի է ասել՝ Թումանյանը ներդրմունդական ձևով կիրառում էր այն, ինչ այսօր գիտականորեն հիմնավորված է: Ավելի՛մ՝ նա կարևորում էր ոչ միայն անհատի, այլև ամբողջ համայնքի հոգեկան վերականգնումը:

Ժամանակակիցների հուշերի մեծ մասը վկայում է բանաստեղծի ապրումակցման բարձր մակարդակը: Զապել Եսայանը գրում է. «Ոչ ոք այդ շրջանին այնքան խոր հասկացողությունով իր սրտագին և հուզիչ բարեկամությունը չէր ըմբայեր ինձ, որքան Հովհ. Թումանյանը: Իմ առաջին տպավորությունները այդ մեծ պոետեն գլխավորապես կը կայանան այն բանին մեջ, որ կը զգայի իր պաշտպանությունը, իր հովանավորությունը և սրտակցությունը, որոնք միշտ շնորհեր էին ինձ ինքնաբերաբար: Եվ անհկա այդ նույն վարմունքը ունեցած է բոլոր անոնց նկատմամբ, որ հրաշքով ազատված էին պատերազմի աղետներեն»:

Թումանյանը հավաքագրում և որբանոցներում տեղավորում էր բազմաթիվ որբ երեխաների: Գթության քույրերից մեկը գրում է. «...Այդ օրն ինձ հետ էր Հովհաննես Թումանյանը, որ բավականին ժամանակ վաղարշապատում էր: Մի արտի մոտով անցնելիս նա սայլապանին խնդրեց, որ կանգնի ու ինձ ցույց տվեց արտի մեջ: Նայեցի, իրոք, կարծես թե երեխա կար: Գնացի: Կանխքան թե երեխա էր՝ արտի մեջ մտած: Ինձ չնայեց: Բոլորովին հյուծված էր, մահվան մոտ: Մեքենան ձեռքիս մոտեցա, որ գլուխը խուզեմ ու սարսափեցի: Ամբողջը ոչիլ էր՝ մազերին, հագուստին: Վխտում էին, ազատ տեղ չկար: Այնպիսի զզվանք զգացի, որ ետ դարձա սայլի մոտ: Թումանյանը հարցական մայեց:

— Զեմ կարող, պարոն Թումանյան, անհնար է:

Ու պատմեցի: Թումանյանը թե՛

— Հա, հասկանում եմ: Տո՛ւր մեքենան:

Առավ ու մտավ արտը: Խուզեց երեխայի գլուխը, հետո գրկեց, բերեց դրեց սայլի մեջ...»: Իսկ դուստրը՝ Նվարդ Թումանյանը, որ այդ ծանր ու դժոխակ օրերին հայրիկի հետ էր և որպես գթության քույր՝ խնամում էր որբերին, գրում է. «Հայրիկը, թիկնոցի մեջ փաթաթված, տեղատարակի անձրևի տակ անաչ էր գնում, նրան հետևում էր հազարավոր գաղթականությունը՝ իրենց կապոցներով, երեխաներով՝ նույնիսկ հարազատների դիակներով... Սարսափելի տեսարան էր... Այդ միջոցին հայրիկը հիշեցնում էր «Աղավնու վանքի» հայր Օհանին»:

Թումանյանի ինքնաբերական, ինքնամոռոկ գործունեության հատկություններից էին որբերի նկատմամբ տածած հոգևոր ու բարոյական աջակցությունը, անսահման մարդասիրությունը, բարոյությունը, արժեքների սերմանումը բռնագաղթի ենթարկված երեխաների հոգիներում: Թումանյանի կերպարի սքանչելիությունը, հոգեկան մեծ ուժը արտահայտվել են նաև նրանում, որ որբերին ընդունելուց, տեղավորելուց ու նրանց առաջին անհրաժեշտության խնդիրները լուծելուց հետո (նրա անմիջական ղեկավարությամբ բացվել է 5 հիվանդանոց՝ 500 մահճակալով, որբանոց՝ մոտ 3000 երեխայի համար) նա ձեռնամուխ եղավ նրանց զբաղեցնելու ուսուցողական խաղերի ստեղծմանը: Իրականում դա խմբային հոգեկան վերջի հաղթահարման միջոց էր. «...Էս խառը ժամանակը ես էլ, ի միջի այլոց, զբաղված եմ և՛ հայրենագիտական, և՛ ուրիշ տեսակի խաղախմբերով — ասում եմ՝ գուցե դրանով էլ մեր մանուկներին մի բանով օգնած լինեմք — հայանալու և մարդանալու... Եսպիսի ժամանակներում ոմանք իրենց գինուն են տալիս, ոմանք՝ լըում ու ինքնամոռոկ դառնում, ես

որոշեցի ես տեսակ մի բան անեմ, օգուտ որ չլինի, վնաս հաստատ չի լինի», — գրում է սեփական ժողովրդի նկատմամբ անսահման սիրով և լավատեսությամբ տոգորված բանաստեղծը: Դա որբերի մանուկ հոգեաշխարհը վերականգնելու, վախճ ու լարվածությունը մեղմելու, ջերմ, հոգատար մթնոլորտ ստեղծելու խմբային աջակցության մեթոդ էր, որը, անշուշտ, թողել է իր հոգեամոքիչ ազդեցությունը: Որբերը միավորվեցին խաղային գործունեության շուրջ, և խաղը դարձավ խմբային հոգեհարվածի հաղթահարման բունամյանական նախօրինակ: Ստեղծված խաղերը հայրենաճանաչողական էին: Բանաստեղծը գրում է. «...Կաշխատեմք... ծանոթություն տալ թե Հայաստանի, թե Կովկասի ջրերից, լեռներից, լճերից, կենդանական ու բուսական աշխարհից... որ մեր երեխաներն ու պատանիները ճանաչեն ու սիրեն իրենց հայրենիքը: Սիրեն ոչ թե կույր ազգասերի սիրով, այլ գիտակցից, ինտելեկտու մարդու սիրով, որ սերն ազնիվ լինի, առողջ ու բովանդակալի»:


«Հայոց գետերը», «Թանկագին քարեր», «Հայկական առածանի», «Աստղերի խաղ», «Հայկական հանելուկներ». այս խաղերը դարձան որբերի հոգեամոքման և մղձավանջային հիշողության հաղթահարման մի միջոց:

«Հայոց գետերը» խաղի շնորհիվ, օրինակ, երեխան 69 գետի անուն էր սովորում թե՛ պատմական, թե՛ ժամանակակից Հայաստանի գետերից: 69 խաղաթղթերը բաժանվում էին խաղացողների միջև, որոնք պետք է հավաքածուներ կան ավագանիներ կազմեին: Խաղացողներից մեկը, ով սկսում է խաղը, խաղընկերոջից խնդրում էր համապատասխան խաղաթուղթ: Եթե վերջինս ունենում էր, ապա տալիս էր ընկերոջը, հակառակ դեպքում խաղը շարունակում էր հաջորդը: Հաղթում էր նա, ով առաջինն էր հավաքում տվյալ ավագանին պատկանող գետերի խաղաթղթերը:

Խաղը ունի նաև հավելված-գրքույկ, որտեղ Թումանյանը մեծազույց սիրով, խնամքով ու հոգածությամբ հավաքել-գետեղել է համապատասխան հատվածներ տարբեր հեղինակների գեղարվեստական գործերից, ինչպես նաև հետաքրքիր պատմություններ, ավանդազրույցներ այս կամ այն գետի վերաբերյալ: Գրքույկում տեղ են գտել գետերի լուսանկարներ, գետերում և շրջակա միջավայրում առկա կենդանական ու բուսական աշխարհի, ջրի մակարդակը պատկերող գծապատկերներ և այլն: Խաղը ունի նաև քարտեզ, որը Թումանյանը հատուկ պատվիրել էր մասնագետի: Քարտեզն օգնության էր հասնում այն պահին, երբ մասնակիցներից մեկը պարտու վում էր: Եթե վերջինս անսխալ ցույց կտար պահանջվող գետը, կշարունակեր խաղը: Ինքը՝ բանաստեղծը, իր իսկ ստեղծած խաղերի միջոցով հաղթահարեց այն արհավիրքը, որին ականատես էր ամեն օր: Դա ինքնամոռոկան յուրատիպ դրսևորում էր նաև:

Խաղերի ստեղծման հոգեբանական ներքին պատրաստությունը զարմանալի է նաև նրանով, որ բանաստեղծն անձամբ էր մասնակցում մանուկների հուղարկավորությանը: Նա դատապարտված է եղել տեսնելու որբերի տառապանքը, անձամբ ցուցակագրելու իր վանդ և առողջ երեխաներին, մասնակցելու նրանց թաղմանը, ամեն պահի առեթնսվելու նրանց անգոր և քարացած հայացքներին:

Թումանյանի որբախնամ գործունեությունը շարունակվում է երկար՝ կազմակերպչական հարցերից մինչև բարոյական ու հոգևոր աջակցություն: 1918-ին նա լրագրից պատահաբար կարդում է Վանում որբահավաք գործունեությանը զբաղվող որդու՝ Արևիկանի գազանաբար սպանվելու բոթը: Հաջորդ օրը նրա տանը պետք է գումար վեր ՀՀՍՍ կենտրոնական խորհրդի նիստը, և նա նիստը ոչ միայն չի հետաձգում, այլև «...նիստին միայն մի առաջարկ է ամում՝ գումարներ հայթայթել նոր որբանոցներ բացելու համար՝ հենց այն որբերի, որոնց կյանքի ապահովության համար իր երիտասարդ կյանքը զոհեց 24-ամյա որդին»:



Հովհաննես Թումանյանը գթության քույրերի և որբերի հետ. Թումանյանից ձախ՝ Նվարդ Թումանյանը, Էջմիածին, օգոստոս, 1915 թ.



Թումանյանի հոգեամոքող և որբերին կյանք վերադարձնող նախաձեռնություններից մեկն էլ տաղանդաշատ որբերին հայտնաբերելն ու խրախուսելն էր: Նա «Հայ գրողների կովկասյան միության» նախագահն էր և դեմ գնալով միության սահմանադրությանն ու վարչության անդամներին՝ ստիպեց, որ միությունը որդեգրի երեք շնորհալի երիտասարդների՝ Միհրան Թութունջյանին, Նորայր Դաբաղյանին և Վաղարշակ Նորենցին: Ավելի՛մ՝ նա կազմակերպում է հիմնապաշարի հայթայթման աշխատանքներ, որպեսզի նրանք կարողանան կրթություն ստանալ: Վաղարշակ Նորենցի համար Հովհաննես Թումանյանը դարձավ «մարմնավորված երազ»՝ ոչ միայն գրական իղեայ, այլև բարոյական կատարելության մարմնացում, և նրա մոտ գնալը հետզհետե դարձավ «ներքին բուռն պահանջ»: Նորենցը գրում էր, որ Թումանյանի մեջ ինքը գտել էր այն հարազատությունը, որ որդին զգում է միայն ծնողի հանդեպ: Այս խոսքերը լավագույն բացահայտում են Թումանյանի դերը որպես ազգային հոգևոր հոր:


Միհրան Թութունջյանի պարագայում ևս Թումանյանի աջակցությունը դարձավ գրական ինքնության ձևավորման կարևոր պայման: Նա պատկանում էր այն երիտասարդ գաղթականների շարքին, որոնց Թումանյանը ոչ միայն փրկեց մահից ու անկումից, այլև տվեց ստեղծագործական կյանք՝ սերմանելով հավատ: Հոգեբանության լեզվով սակայն կոչվում էր դիմակայունություն (ռեզիլիանս), այսինքն՝ ներքին՝ բանական, բարոյական և հոգևոր ուժերի մեկտեղում: Կարելի է ասել, որ նա գործնականում ստեղծել ու կիրառել է այն, ինչ գիտությունը ձևակերպել է ավելի ուշ՝ տալով խմբային հոգեհարվածի հաղթահարում ձևակերպումը:

Այս քառյակը թերևս Ամենայն հայոց բանաստեղծի ներաշխարհի ամբողջական արտապատկերումն է.

Քանի՛ ձեռքից եմ վառվել,
Վառվել ու հուր եմ դառել,
Հուր եմ դառել՝ լույս տրվել,
Լույս տալով եմ ըստառվել:

Գթության քույրերի և որբերի հետ լուսանկարներում 46 տարեկան բանաստեղծը զառամյալ ծերունու տպավորություն է թողում: Նա ծերանում է ամիսների ընթացքում, մազերը ճերմակում են, բայց հոգին զարմանալիորեն պահում է անհուն նկատմասությունն ու հավատը ապագայի նկատմամբ. «Ես համոզված եմ, որ սա վերջին ոճրագործությունը պետք է լինի էս համաշխարհային ճիվաղի, բայց թե մեզ համար էլ սոսկալի հարված կարող է լինել: Խորհրդակցություն ունեցանք վերերի հետ, հաղորդագրություններ ու կարգադրություններ եղան արտակարգ, տեսնեմք ինչ դուրս կգա: Ամեն օր, ամեն օր նիստերի ենք, ջղային, հուզված, հոգնած: Էսօր էլ ահա երեք նիստ ունեն: Սպասում եմ մի մասնաժողովի, որ գալու է մոտս՝ խմբագրեմք Գրողների ընկերության կոչը — հեռագրով դիմումը աշխարհքի գրեթե բոլոր ազգերի Գրական ընկերություններին, մեծ թերթերին ու նշանավոր գրողներին: Ինձ ուզում էին ուղարկել Ռուսաստան շրջագայելու, խոսելու և նաև հանգանակության մասին հոգալու, կազմակերպելու, պիտի գնայի և Մոսկվա, բայց իմ անձնական մեղքերը ինձ հնարավորություն չեն տալիս տամից շատ հեռանալու...»:

Լուսինե ՂԱՐԱՄԱՆՅԱՆ, հ. գ. թ., դոցենտ
Հովհաննես Թումանյանի թանգարանի տնօրեն



Էլ Գրեկո. Քրիստոսը կրում է խաչը, 1580 թ.

Խաչի ճանապարհը. Քրիստոսի և հայ ժողովրդի ողբերգությունն ու հարությունը

Այս համատեքստում անհրաժեշտ ենք համարում ներկայացնել Քրիստոսի հարության պատմական վկայությունները՝ հիմնվելով 1-ին դարի ավետարանական աղբյուրների՝ մասնավորապես Մարկոսի Ավետարանի վրա, ինչպես նաև անդրադառնալ այս իրադարձության աստվածաբանական և բարոյական նշանակությանը՝ ընդգծելով, որ հարությունը ոչ միայն պատմական փաստ է, այլև կյանքի փոխակերպման կոչ: Տարիներ շարունակ շատ գիտնականներ գրեթե անտեսել են Մարկոսի Ավետարանը՝ ենթադրելով, որ այն Մատթեոսի Ավետարանի համառոտ տարբերակն է: Սակայն 19-րդ դարի վերջից ի վեր ավելի է ընդունվում այն տեսակետը, որ Մարկոսի Ավետարանը գրված առաջին Ավետարանն է, և այն դարձել է մեծ հետաքրքրության առարկա: Ժամանակակից աստվածաբանական հետազոտությունները ցույց են տվել, որ Մարկոսի Ավետարանը Ֆիստասի ինքնության և գործության եզակի ու հզոր գիրք է: Այն գրված է արագընթաց և ճշգրիտ պատմության տեսքով՝ անտեսելով բազմաթիվ մանրամասներ՝ հիմնական մտայնությունը ընդգծելու համար: Ինչպես նշում են աստվածաբանները, Մարկոսի Ավետարանը պատկերում է Քրիստոսին իրադարձությունների շրջապատյալում: Կան վավագույն խոսույթ, և առավելագույնը գործողությունն է: Այդ շարժում, գործունակության ոճը հատկապես ակնհայտ է հարության պատմության շարադրանքում, որտեղ հեղինակը կենտրոնանում է հիմնական փաստերի վրա՝ ընթերցողին թողնելով դրանց նշանակության դատողությունը: Մարկոսի Ավետարանը գրվել է Յուստինոս Քրիստոսի համբարձումից մոտ 10 տարի անց: Ըստ վաղքրիստոնեական ավանդույթի՝ Յուստինոսը հավատացյալները խնդրեցին Մարկոսին ոչ միայն քարոզել, այլև գրավոր հաղորդել Քրիստոսի գործերն ու կյանքը: Մինչդեռ Մարկոսը Ավետարանը գրեց Պետրոսի թելադրանքով, ինչը մեծ կշիռ է տալիս այնտեղ առկա հարության վկայությանը:

Չայոց ցեղասպանությունը միայն ազգային ողբերգություն չէ, այլև համաճարկային: Այն Գողգոթայի մի նոր ճանապարհ է, որ հիշեցնում է Քրիստոսի տառապանքներն ու խաչելությունը: Ինչպես Քրիստոս անցավ տանջանքների, ցավի, անարդարության և մահվան ճանապարհով, այնպես էլ հայ ժողովուրդը 20-րդ դարասկզբին ենթարկվեց աննկարագրելի տառապանքների, կորուստների և ազգային սպանդի: Ցեղասպանությունից վերածնված հայ ժողովուրդը վկայում է, որ մահը չի կարող հաղթել կյանքին, ինչպես Քրիստոսի հարությունը հաղթեց մահին: Այս երկու իրականությունները Չայոց ցեղասպանությունը և աստվածային հարությունը, միախառնվում են մեկ գաղափարի մեջ. ցավը կարող է դառնալ սրբագործող, իսկ կորուստը՝ նոր կյանքի սկիզբ: Չայ ժողովուրդն իր ճակատագրով դարձել է կենդանի վկայություն այն ճշմարտության, որ խաչից հետո միշտ կա հարություն: Այդ պատճառով Չայոց ցեղասպանության հիշողությունը միայն սուգ չէ, այլև հավատքի հաստատում, որ լույսն ի վերջո կհաղթի խավարին, արդարությունը՝ անարդարությանը, և կյանքը՝ մահվանը:

Չիսուս Քրիստոսի հարությունը, որ քրիստոնեական հավատքի կենտրոնական ուսմունքն է, դարերի ընթացքում եղել է ինչպես բուռն բանավեճերի, այնպես էլ խոր հոգևոր խորհրդածության առարկա: Այս իրադարձությունը, որ տեղի է ունեցել 33 իրականացում, դարձավ քրիստոնեության հիմնաքարը: Պողոս առաքյալը հստակորեն հայտարարում է. «Եթե Քրիստոս հարություն չի առել, ի զուր է մեր քարոզությունը, ի զուր է և ձեր հավատը» (Ա Կորնթ. 15:14): Քրիստոս Ինքն է կանխասել իր խաչելության, հարության ու համբարձման մասին (Մատթ. 16:21), հարության իրողությունը ներկայացնում են չորս Ավետարանները (Յովհ. 20:1-18, Մատթ. 28:1-8, Մարկ. 16:1-8, Դուկ. 24:1-10), իսկ առաքելական թղթերում դա վկայում են Պետրոս առաքյալը (Գործք 2:31-36), Պետրոս և Յովհաննես առաքյալները (Գործք 4:33), Պողոս առաքյալը (Ա Կորնթ. 15:3-8) և այլք:

Քրիստոսի հարության պատմական հավաստիության փաստարկները մի քանիսն են: Պատմական վկայություններ կան ինչպես առաջին դարում Յուստինոս կայսրությունում ապրած պատմաբանների, այնպես էլ ավելի ուշ շրջանի գիտնականների ուսումնասիրություններում: Նախ՝ դատարկ գերեզմանի փաստը: Չիսուսի թաղման վայրը հայտնի էր ինչպես նրա հետևորդներին, այնպես էլ թշնամիներին: Եթե գերեզմանը դատարկ չլիներ, քրիստոնեական քարոզչությունը Երուսաղեմում անհնար կլիներ: Երկրորդ՝ աշակերտների փոխակերպումը: Չիսուսի աշակերտները, որոնք խաչելությունից հետո թաքնվել էին վախից, համակարծնի դուրս եկան իրապարակ՝ քարոզելու հարությունը՝ պատրաստ լինելով նահատակվելու: Երրորդ՝ Պողոս առաքյալի վկայությունը, որն սկզբում հալածիչ էր, ապա դարձի եկավ հարություն առած Քրիստոսին տեսնելուց հետո: Չորրորդ՝ կանանց՝ որպես առաջին վկաների ներկայացումը, որն էլ մեծացնում է պատմության հավաստիությունը, քանի որ առաջին դարի իրեական հասարակությունում կանանց վկայությունը մեծ կշիռ չուներ: Չիսուսի հարության փաստարկ է համարվում նաև Թուրքիայի սավանը: Ըստ հետազոտողների՝ այն մարմինը, որին փաթաթված է եղել սավանը, պատկանել է աստվածային էության, և սավանի պատկերն ստեղծվել է հենց հարության պահին: Այս մասին վկայում են նաև ավետարանական նկարագրությունները (Մատթ. 27:27-31, Մարկ. 15:16-20, Դուկ. 22:63-65, Յովհ. 19:1-5)

«Չայոյակ» բառն ընդհանրապես մի քանի նշանակություն ունի. այն երբեմն ցույց է տալիս մարդու վեր կենալը մտած կամ ընկած տեղից, ինչպես, օրինակ, Սողոսի դեպքում, որը գետնից վեր կացավ, սակայն բաց աչքերով ոչ ոքի չէր տեսնում (Գործք 9:8): Քնած տեղից արթնանալն ու վեր կենալը ևս այս բառով են բնութագրվում: «Չայոյակ» բառը, սակայն, լավագույնս մատնանշում է մեռած մարդու վերստին կենդանանալու, հարություն առնելու իրողությունը, որի օրինակը մեզ համար Չիսուս Քրիստոսի խոսքերն են՝ ուղղված Մարթային. «Քո եղբայրը հարություն կառնի», այսինքն՝ նորից պիտի կենդանանա: Մարթան պատասխանում է. «Պիտեմ, որ հարության ժամանակ՝ վերջին օրը, հարություն կառնի»: Իսկ Չիսուս ասում է. «Ես իսկ եմ հարություն և կյանք. ով հավատում է Ինձ, թեպետ և մեռնի, կապրի, և ով կենդանի է ու Ինձ հավատում է, հավիտյան չի մեռնի» (Յովհ. 11:23-26):

Չայոց ցեղասպանության և, առհասարակ, ազգային պատմական փորձառության լույսի ներքո մենք՝ հայ քրիստոնյաներս, գիտենք, որ հարությունը իրողություն է, և նույնիսկ ամենամեծ կործանումից հետո կարող են ծնվել հավատ, հույս, նոր կյանք:

Չարության պատկերացումները կարող են լինել բազմաշերտ: Օրինակ՝ բարոյական կյանքից հեռու որևէ մեկը, երբ հանկարծ հետ է կանգնում իր այդ ընթացքից ու բարոյական կենցաղավարությանն է անցնում, դա նշանակում է, որ այդ մարդը մեռած վիճակից կենդանացավ, մեռած գործերի միջից հարություն առավ ու նոր կյանք ստացավ: Իսկ ահա մյուս հարությունն էլ մահանալուց հետո պիտի տեղի ունենա, ինչպես որ գրված է մեր «Չավատու հանգանակ»-ի մեջ. «Չավատում ենք մեռելների հարությանը, հոգիների ու մարմինների հավիտենական դատաստանին, երկնքի արքայությանն ու հավիտենական կյանքին»:

Մեր բարոյակրոնական հարությունն անմիջականորեն կապված է մահացածների վերջին հարությանը, քանի որ մեր այս առաջին հարությունն այն ճանապարհն է, որով ընթանալով՝ մենք՝ իբրև ճանապարհորդներ, գերեզման ենք մտնում, և մեր մարմինները մնում են այնտեղ՝ համաձայն Աստծու վճռի՝ «Չող էիր ու հող պիտի դառնաս» (Ծմնդ. 3:19): Իսկ մեր հոգիներն էլ բարձրանում են դեպի Աստված՝ բնակվելով Նրա կողմից սահմանված օթևաններում, մինչև որ գա համընդհանուր հարության ժամանակը, երբ մեր մարմիններն էլ Աստծու ամենակարող զորությամբ պիտի հարություն առնեն և մեր հոգիներին միաձուլվի իրենց հատուցման արժանանան. «Արդարներին»՝ հավիտենական կյանք, իսկ մեղավորներին՝ հավիտենական տանջանք» (Մատթ. 25:46):

Սուրբ Պողոս առաքյալն ասում է. «Եթե հարություն առաք Քրիստոսի հետ, ապա փնտրեցեք վերին բաները, այնտեղ, ուր Քրիստոս նստած է Աստծու աջ կողմը» (Կորնթ. 3:1-2): Այս խոսքերը կոչ են քրիստոնյաներին՝ մշտապես ձգտելու երկնավոր կյանքին, ոչ թե երկրավոր ցանկություններին: Քրիստոնյան մեռած է համարվում մեղք գործելու համար, և քրիստոնյայի նորոգված կյանքում մեղքը տեղ չպիտի ունենա, այլ նրա կյանքը մշտապես սրբության ու արդարության մեջ պիտի լեցուն լինի: Առաքյալը շարունակում է. «Վերին բաների մասին խորհեցեք, և ոչ թե այն, ինչ այս աշխարհում է, որովհետև դուք մեռաք, և ձեր կյանքը Քրիստոսի հետ՝ Աստծու մեջ է պահված: Իսկ երբ Քրիստոս՝ ձեր կյանքը, հայտնվի, այն ժամանակ դուք էլ Նրա հետ կհարձանվեք փառքով» (Կորնթ. 3:2-4): Անցավոր կյանքի ընթացքում առաջին գործերով Աստծուն հավատարիմներն արժանի են հավիտենական կյանքի բազմաթեղուն երանություններին: Չիշենք առաքյալի խոսքերը. «Չանձնեցեք ձեզ ի ծառայություն Աստծու, որպես մեռելներից կենդանի դարձածներ, իսկ ձեր մարմնի անդամները՝ արդարության գործիքներ: Մարդն ինչին հնազանդվում է, նրա ծառան է դառնում. եթե մեղքերին է ծառայում, նրա բաժինը մահն է, իսկ եթե արդարությանն է ծառայում, նրա վարձատրությունը կյանքն է: Մեղքի վարձը մահն է, իսկ Աստծու շնորհը՝ կյանքը մեր Տեր Քրիստոսի միջոցով» (Ռոմ. 6:12-13):

Փրկչական կրոնը մարդկանց համար եղավ Չակոբ նահապետի զարմանալի տեսիլքի այն սամոնոլը, որի պատվանդանը հաստատված էր երկրի վրա, իսկ ծայրը հասնում էր մինչև երկինք՝ մինչև Չայր Աստծու աթոռը. Որի աջ կողմում նստած է մարդեղացած Աստվածորդին: Եվ հենց այդ սամոնոլը է, որ հրեշտակները վար են իջնում (Ծմնդ. 28:12):

Քրիստոսի հարությունը, սակայն, միայն պատմական իրադարձություն չէ. այն շարունակվող, կենդանի իրականություն է, որը փոխակերպում է յուրաքանչյուր հավատացյալի կյանքը: Մենք կոչված ենք ամեն օր հարություն առնելու դեպի առաքինություն, դեպի լույս, դեպի կյանք: Այս խորհուրդն առավել խորն է դառնում, երբ հայացք ենք նետում մեր ազգային պատմությանը:



Մուշեղիկի կրած անմարդկային պատժի հետքերը երևում են անգամ դեպքից մեկ տարի անց արված լուսանկարում: 1915 թ. խալի բեյի հրամանով Դիզա գյուղից թուրք զինվորականները հավաքում են 5—10 տարեկան արական սեռի հայ երեխաներին և դաժանաբար սպանում: Մուշեղիկի մայրը երկու որդիներին մահից փրկելու խնդրանքով դիմում է իրենց ընտանիքի ծանոթ թուրք պաշտոնյային, որը համաձայնում է միջոցորդել խալի բեյին երեխաների ազատության համար՝ կրոնափոխության դիմաց: Այդ նույն ժամանակ մի քուրդ, լսելով երեխայի հայկական անունը, Մուշեղիկի ձեռքերը դաժանաբար զանում է փայտին:

Չայ ժողովուրդը 1915-ին խաչակից եղավ Քրիստոսին և Քրիստոսի պես էլ հարություն առավ: Պատահական չէ, որ 2015 թ. ապրիլի 23-ին Չայ Առաքելական Սուրբ Եկեղեցու եպիսկոպոսաց դասի որոշմամբ և Ն. Ս. Օ. Տ. Տ. Գարեգին Երկրորդ Ամենայն Չայոց Կաթողիկոսի և Սեծի Տանն Կիլիկիոյ Կաթողիկոս Արամ Առաջինի կողմից սրբադասվեցին Չայոց ցեղասպանությանը զոհ գնացած բոլոր նահատակները՝ ավելի քան մեկուկես միլիոն հայ, և իր ուղերձում Գարեգին Բ Կաթողիկոսը սրբադասումը նշանավորեց որպես հարության հաղթանակ. «Քրիստոսին նահատակությանը վկայելը ընդլուզված է մեր ժողովրդի կյանքին: Սրբության, առաքինության, անձնվիրումի հոգևոր սխրանքի բազում վկայություններ են արձանագրված նաև Չայոց ցեղասպանության ողբերգական տարեգրության մեջ: Ցեղասպանության նահատակների սրբադասումը կենդանարար նոր շունչ, շնորհ և օրհնություն է բերում եկեղեցական և ազգային մեր կյանքում: Մենք հավատում ենք, որ մեր ժողովրդի հոգևոր նոր վերածննդի պսակն ենք հյուսում: Չայոց ցեղասպանության նահատակներին սրբադասելով: Մեր սուրբ նահատակների հիշատակն այլևս ոչ թե զոհի ու մեղքայի հոգեհանգստյան աղոթք է, այլ հաղթանակած ու նահատակության արյամբ սրբազործված անմարմին զինվորների հաղթական օրհներգությունն»:

Չիսուս ասաց. «Ով հավատում է Ինձ, թեպետ և մեռնի, կապրի» (Յովհ. 11:25): Այս հավատքով ապրենք և վկայենք աշխարհին մեր հարության գործությունը:

Ավերտ սրկ. ՍԱՅԱՅԱՆ
Արմեն ՍԱՅԱՅԱՆ

Երևանը Հայոց ցեղասպանության տարիներին

Երևանը Առաջին աշխարհամարտի տարիներին գտնվում էր սոցիալ-տնտեսական ծանր վիճակում: Վերջին տարիների անբերրիության և պատերազմի պատճառով մեծ չափերի էր հասել սովը, զգացվում էր դեղորայքի խիստ պակաս, տարածված էին տիֆը, խոլերան և այլ համաճարակներ: 20-րդ դարի սկզբին Երևանում ուներ մի քանի հիվանդանոց, 3 դեղատուն, 13 մանկաբարձուհի, 19 բժիշկ, 13 բուժակ և 14 այլ աշխատողներ: Հասկանալի է, որ այս միջոցներով անհնարին էր լուծել գաղթականների խնամքի խնդիրները:

1915 թ. հուլիսի 26-ին Երևան հասավ գաղթականների առաջին խումբը: Քաղաքում տեղավորված գաղթականները հիմնականում Ալաշկերտից և Բայազետից էին: Երևանում հրատարակվող «Յրиванскія օбъявления» («Երևանի հայտարարություններ») լրագրի դեռևս 1914 թ. տարեվերջի համարում «Քաղաքացիներ, օգնեցե՛ք գաղթականներին» վերնագրի ներքո, կարդում ենք. «Ալաշկերտի հովտից, Բայազետի սանջակից գաղթում է հայ ժողովուրդը, նրանք շուտով Երևանում կլինեն, նրանց թիվը շատ մեծ է՝ ոչ պակաս քան 40 000: Անհրաժեշտ է շուտափույթ օգնություն»: Մեկ այլ պարբերականում՝ Շուշիում լույս տեսնող «Փայլակ» լրագրում (1915 թ., № 47, էջ 3), հողվածագիրը, մանրամասն նկարագրելով Երևանի գաղթականների ծանր ու անօգնական վիճակը, եզրակացնում է, որ հապաղել չի կարելի, քանի որ քաղցն ու հիվանդություններն առատ հունձ են անում՝ խլելով հարյուրավոր կյանքեր: «Գաղթականների վերքերն անոթելն ու նրանց միակ մխիթարությունը պետք է լինի նյութական օգնությունը, որի համար պետք է հոգ տանի հասարակությունը»:

Քաղաքային իշխանությունները, չնայած բոլոր դժվարություններին, բարեգործական կազմակերպությունների և անհատ երևանցիների հետ միասին, դեռևս առաջին օրերից որոշակի աշխատանք իրականացրին գաղթականների՝ մանավանդ որք երեխաների վիճակը թեթևացնելու համար:

Դեռևս 1914 թ. դեկտեմբերի 28-ին Ամենայն Հայոց Կաթողիկոս Գևորգ Ե Սուրենյանցի կոմիտեի Արևելյան Հայաստանի բոլոր քաղաքներում ստեղծվում են եղբայրական օգնության կոմիտեներ: Գտնվելով Կաթողիկոսի անմիջական հսկողության տակ՝ դրանք կազմակերպեցին տարբեր գավառներում տեղակայված արևմտահայ գաղթականների և որբերի օգնությունը:


Եղբայրական օգնության Երևանի կոմիտեն բաղնիքացած էր 25 անդամից: Կոմիտեի առաջին նախագահին էր Երևանի թեմակալ Խորեն Եպիսկոպոսը (հետագայում՝ Ամենայն Հայոց Կաթողիկոս Խորեն Ա Սուրաբեկյան), փոխնախագահը՝ Երևանի քաղաքագլուխ Մկրտիչ Սուսիյանցը: Կազմավորման օրից սկսած կոմիտեն դիմում է հայաբնակ բոլոր քաղաքներին՝ խնդրելով օգնություն, եկեղեցիներին կից ստեղծում ենթակոմիտեներ, որոնք կարգավորում էին գաղթականներին հատկացվելիք բնակության վայրերի ցուցակագրումը, հագուստ և սննդամթերք հավաքելու և բաշխելու գործընթացը, լուծում ծխական դպրոցների շենքերը գաղթականների պահանջներին հարմարեցնելու հարցերը: Ծխական դպրոցները վեր էին ածվել նաև նպաստների բաշխման կետերի:

Երևան եկած գաղթականների մեջ մեծ էր որք երեխաների թիվը, որոնց փրկության և խնամքի գործը հրատապ խնդիր էր: Այդ օրերին Աստրախանից Երևան եկած քահանա Ս. Ասլանյանցն իր տպավորությունների մասին հետևյալն է գրում. «Թողնե՛ք Կովկասի կենտրոնը՝ Թիֆլիսը, և գնանք առաջ՝ Երևան, որտեղ կենտրոնացվել են գաղթականների հիմնական զանգվածները» (տե՛ս Армянский вѣстникъ, еженедѣльный журналъ, 1916 г., Москва, № 6, էջ 10): Առաջին գաղթականներին նա տեսնում է առաջնորդարանի բակում: Քահանային զարմացրել էր գաղթականների պահվածքը՝ բողոքի ոչ մի խոսք և ոչ մի կաթիլ արցունք. դրանք վաղուց էին չորացել նրանց տանջահար դեմքերին: Այդ դժբախտ մարդիկ միայն կրկնում էին. «Ախ, մեր երկիրը, մեր հողը...»:

1915 թ. մայիսին կոմիտեի կողմից ընտրվում է 14 հոգուց բաղկացած որբայնան



Մեկ օրվա փրկարարություն Երևանում, 1919 թ., նոյեմբեր



Բժիշկ Արամ Տեր-Գրիգորյանը Երևանի 2-րդ ապաստարանի երեխաների հետ, 1916 թ.

վարչություն՝ բժիշկ Արամ Տեր-Գրիգորյանի նախագահությամբ: Վերջինս հետագայում դարձավ Եղբայրական օգնության Երևանի կոմիտեի նոր նախագահը: Գաղթականների համար առաջին ապաստան են դառնում Սուրբ Սարգիս Եկեղեցու մոտ գտնվող հոգևոր թեմական, Կոնդի դպրոցները և Սուրբ Պողոս-Պետրոս Եկեղեցու բակում գտնվող Գայանյան ուսումնարանը: Վերջինիս հոգաբարձուքում նախագահը 1915 թ. սեպտեմբերի 26-ի գրության մեջ նշում է, որ Գայանյան օրիորդաց դպրոցն առաջին օրից ծառայել է որպես ապաստարան, որբանոց կամ հիվանդանոց: Դպրոցի սենյակներից վեցն այդ պահին շարունակում են մնալ որպես ապաստարաններ՝ ծանր վիճակում գտնվող հիվանդների համար: Օրըստօրե մեծացող խմբերին ընդունելու և տեղավորելու համար Երևանը չունեի համապատասխան շենքային հնարավորություններ, այդ պատճառով մի հարկի տակ կուտակվում էին մարդկանց մեծ խմբեր: Թեմական դպրոցի յոթ սենյակներից յուրաքանչյուրն ասես վերածվել մեկական գյուղի:

Օգոստոսից քաղաքում սկսում են բացվել որբանոցներ. օգոստոսի 3-ին՝ Դոկտորսկայա (այժմ՝ Թումանյան), սեպտեմբերին՝ Մալարսկայա (այժմ՝ Տերյան), հոկտեմբերին՝ Բեիբուրսկի (այժմ՝ Փավստոս Բուզանդ) փողոցներում: Սուրբ Սարգիս Եկեղեցու բակում որբերի համար ստեղծվում է ժամանակավոր կացարան: Ժամանակի մամուլից տեղեկանում ենք նաև, որ Երևանի եղբայրական օգնության համաձայնագրովի որբանոցների վարչությունը գաղթական երեխաների համար տոնածառի հանդես կազմակերպելու նպատակով դիմել է քաղաքի հասարակությանը, բարերարներին՝ օգնելու, ինչով կարող են՝ դրամով, նվերներով, խաղալիքներով, քաղցրավենիքով:

Ժամանակի մամուլում առկա է նաև որոշակի քննադատություն՝ ուղղված ինչպես եղբայրական օգնության, այնպես էլ քաղաքի հասարակության գործունեությանը: Օրինակ՝ «Մշակ» լրագրում (1915 թ., № 82, էջ 3) հողվածագիրը նշում է, որ «Երևանցիներին բնորոշ դանդաղկոտությունը» դրսևորվել է նաև գաղթականության օգնության հարցերում. գաղթականության հոսքն արդեն հասել է էջմիածին, իսկ Երևանը դեռ պատրաստ չէ նրանց ընդունելու: Եղբայրական օգնության Երևանի կոմիտեի գործունեության մասին հողվածագիրը հետևյալ կարծիքն է հայտնում. «...ընտրված մասնախմբերը իրենց

թվի և բաժանմունքների տեսակետից բավարար էին, սակայն գաղթականության բուռն հոսանքը քաղաք լցվելուց հետո դրանք սկսեցին մոտրանալ, և գործը ծանրացավ մի քանի մարդկանց վրա: Վերջում մնացած գործիչների թիվը ևս պակասելով՝ օգնության գործն այնքան էլ նախանձելի չէր...»: Խոսելով լավ աշխատող կառույցների մասին՝ հողվածագիրը «միակ մխիթարականը» համարում է հիվանդանոցի գործունեությունը, որի տեսչությունը և բժշկական գործը հանձնված էր տիկին Ղազարյանին (Խորասանյան) (խոսքը վերաբերում է Երևանի առաջին կին բժիշկ-գինեկոլոգ Վերահին Խորասանյանին՝ նկարչուհի Ռեզինա Ղազարյանի մորը, որը 1918 թ., երբ դուստրը ընդամենը 3 տարեկան էր, տիֆով հիվանդ հղի կնոջից վարակվում և մահանում է):

Քննադատություն առկա է նաև «Փայլակ» լրագրում (1915 թ., № 47, էջ 3), ուր թղթակիցը սթափության կոչ է անում Երևանի հասարակության բոլոր շերտերին և քննադատում հատկապես հարուստներին, որոնք, նրա կարծիքով, այդ դժվար օրերին մնում էին անտարբեր: Խոսելով հասարակության ուժերի համախմբելու մասին՝ հեղինակն անչափ կարևորում է հայ օրիորդների և կանանց օգնությունը, որը ևս բավարար չէր այդ պահին: Նա համարում էր, որ Երևանում նույնպես պետք է ստեղծել օրիորդաց կոմիտե, որը կարող է որոշակի օգնություն ցույց տալ գաղթականներին՝ մինչև գավառներ ծանապարհելը: Թղթակիցը մեծ համոզմունք է համարում նաև այն, որ սննդամթերքի հայթայթման ողջ դժվարությունը բարդվել է գյուղացիության վրա՝ այն էլ Երևանի նահանգի գյուղացիության, որը վերջին տարիների անբերրիության և պատերազմի պատճառով տնտեսապես քայքայված վիճակում էր:

1916 թ. տվյալներով՝ Երևանի նահանգում գաղթականների թիվը հասնում էր 100 000-ի: Բայց քանի որ ինչպես էջմիածնում, այնպես էլ Երևանում նրանց մեծ մասը ժամանակավորապես էր մնում, հետո տեղաբաշխվում տարբեր քաղաքներում և գյուղերում, ուստի, 1917 թ. տվյալներով, քաղաքում մնացել էր 17 505 մարդ, որոնցից 5491-ը կանայք էին, 8350-ը՝ երեխաներ, 2881-ը՝ ծերունիներ: Աշխատունակ տղամարդիկ ընդամենը 783-ն էին: 1918 թ. նրանց թիվը նորից մեծանում է. սեպտեմբերի դրությամբ՝ քաղաքային ինքնավարության կողմից ցուցակագրվել էր շուրջ 45 000 գաղթական:

Երևանում հանգրվանած գաղթականներին օգնելու գործում մեծ ջանքեր և միջոցներ ներդրեցին նաև Հայ նպաստամատույց ընկերությունը, Համառուսական քաղաքների միության կովկասյան բաժանմունքը, Անգլիան հայ փախստականներին (Անգլիան), Մերձավոր արևելքի ամերիկյան նպաստամատույց (Ամերկյան) կոմիտեները, Կովկասի հայոց բարեգործական և Թիֆլիսի կանանց խնամածությունը ընկերություններն ու բազմաթիվ անհատներ, սրտացավ երևանցիներ:

Թիֆլիսում գործող Հայ նպաստամատույց ընկերությունը գտնվում էր Ամենայն Հայոց Կաթողիկոսի հովանավորության ներքո՝ գաղթականության օգնության համար առանց որևէ վերապահության ընդունելով ամենատարբեր միջոցառումներ: 1915 թ. օգոստոսի 12-ին Թիֆլիսի քաղաքային դումայի դահլիճում քաղաքագլխի փոխանորդ Ալեքսանդր Արղությանի նախագահությամբ կայանում է խորհրդակցություն՝ գաղթականներին շտապ օգնություն ցույց տալու հարցով: Խորհրդակցությունը հրավիրել էր Համառուսական քաղաքների միության Կովկասի բաժանմունքի բյուրոն: Խորհրդակցության նախագահը ներկայացնում է միության գլխավոր լիազորի օգնական պրոֆեսոր Կիշկինի զեկուցումը՝ գաղթականների վիճակի մասին (Կիշկինը ներկա չէր խորհրդակցությանը, քանի որ գտնվում էր գաղթականների մոտ): «Փայլակ» լրագրից տեղեկանում ենք, որ պրոֆեսոր Կիշկինն իր զեկուցման մեջ, նկարագրելով գաղթականների ծանր վիճակը, այն միտքն է հայտնում, որ 1. վարակիչ հիվանդությունների դեմ պայքարելու և փախստականներին օգնելու գործերը չի կարելի բաժանել իրարից, 2. փախստականների օգնությունը չպետք է դիտարկել որպես բարեգործություն, այլ պետական պաշտպանություն, որի համար անհրաժեշտ է նրանց կենտրոնացնել որոշ վայրերում, որտեղ կկազմակերպվեն սննդատու և բժշկական կետեր: Խորհրդակցության ժամանակ ընդունված որոշումներից մեկը վերաբերում էր Սևան, Դիլիջան և Էջմիածին քաղաքների հետ միասին Երևանում հիվանդանոցներ բացելուն՝ 2500 մահճակալով: Նույն լրագրի օգոստոսի 20-ի համարից տեղեկանում ենք, որ թիֆլիսյան խորհրդակցության որոշումներից ելնելով՝ քաղաքների միությունը սննդատու կայաններ է հիմնել Երևանում և գաղթականների անցնելիք ճանապարհներին, իսկ Երևանի քաղաքային դուման (քաղաքագլուխ՝ Սուրբատ Խաչատուրյանց) 10 000 ռուբլի է հատկացրել՝ գաղթականներին սամիտարական-բժշկական օգնություն ցուցաբերելու համար:

Անգլիանը, որ որպես բարեգործական կազմակերպություն ստեղծվել էր 1915-ի հոկտեմբերի 6-ին, Երևանում ուներ 4 որբանոց, որոնցից ամենամեծը՝ 200 որբերով, տեղակայված էր թեմական դպրոցում: Նրա հիմնած սննդակայանների մեծ մասը Երևանում էր: Կոմիտեն իր հիմնական գործառույթները կենտրոնացրել էր որբ երեխաների կենսական պայմանների բարելավման, ինչպես նաև դաստիարակության և կրթության վրա, բայց որոշ չափով նպաստել է նաև երկրի սոցիալ-տնտեսական ծանր վիճակի իրադրականմանը՝ աշխատակիցներ ընտրելով բացառապես տեղացիներին, ստեղծելով ապաստարաններ ու սննդակայաններ, որոնց համար անհրաժեշտ պարենն անգամ ձեռք էր բերվում տեղում, ինչպես նաև գաղթականների համար որպես աշխատատեղ բացված արհեստանոցներով (կարի, կոշիկի, գործվածքի և այլն): Նշենք, որ որբերի համար բացված արհեստագործական և հանրակրթական դպրոցներում սովորում էին նաև կոմիտեի աշխատակիցների երեխաները:

Երևանում հանգրվանած որբերին և գաղթականներին ամենածավալուն ու երկարատև օգնությունը ցուցաբերեց Ամերկյանը: Կոմիտեի դրամական միջոցները կուտակվում էին ամերիկյան ժողովրդի կամավոր հանգանակություններից: Նրանց միջոցներով քաղաքում բացվում են որբանոցներ, որոնց տեղ էր տրված Գայանյան դպրոցում, Ալեքսանդրյան իգական գիմնազիայում, ռուսացական սեմինարիայում և Մարիամյան ծխական դպրոցում: ➔ էջ 15

Հիշողության քարերը Հորդանանից մինչև Ծիծեռնակաբերդ (հարուցյալ ազգի խորհուրդը. ոճի, գոյության և աստվածային դասաստանի տիպաբանությունը)

Կյանքը

Կյանքը սոսկ կենսաբանական գոյություն չէ, այլև աստվածային էներգիայի արտահայտություն: Այս իմաստով՝ ոչ ոք իրավունք չունի խելելու այն, ինչ իրենք չեն, առավել ևս՝ որ ինքնին շնորհ է՝ տրված Բարձրալից: Շնորհատուի մասին ամենադժգոյական ասվում է Յոթերորդի գրքում: «Նրա ձեռքին է բոլոր կենդանիների շունչը և ամեն մի մարդկային մարմնի հոգին» (Յոթ ԺԲ 10): Բ Օր. ԼԲ 39-ում Տերն ասում է. «Տեսե՛ք, տեսե՛ք, որ ես եմ, և ինձնից բացի՝ ուրիշ աստված չկա. ես եմ սպանում, և ես եմ կենդանացնում, ես եմ հարվածում, և ես եմ բժշկում, և չկա մեկը, որ ձեռքիցս ազատի»: Այստեղից է գալիս մեր առաջին վերլուծական թեզը. ցեղասպանությունը ոչ միայն քաղաքական կամ ազգային բախում է, այլև վախճանաբանական ընդվզում Աստծո կամքի դեմ:

Երբ մարդը ձեռք է բարձրացնում կյանքի վրա, նա ոչ թե պարզապես սպանում է մեկ այլ մարդու, այլ փորձում է ներխուժել Աստծո իրավասության տիրույթ: Կյանք տվողը միակ Դատավորն է, Որ տնօրինում է սկիզբն ու վախճանը, սակայն երբ այս ոճիրը դուրս է գալիս ամհատի սահմաններից և դառնում «ազգային բնաջնջում», այն դառնում է տիեզերական աղետ: Մի ամբողջ ազգի կյանքից զրկելը փորձ է՝ խմբագրելու Աստծո ստեղծագործությունը, ջնջելու մի գույն, որը Նա դրել էր մարդկության պատկերասրահում:

Բնաջնջման բունեղանգը. գոհի կյանքի «ստանձնումը»

Այստեղ թաքնված է փիլիսոփայական ամենասարսափելի առեղծվածը: Ազգը, որը փորձում է բնաջնջել մյուսին, անգիտակցաբար իր վրա է վերցնում մի ծանր լուծ: Բնաջնջողը, դատարկելով իր գոհի աշխարհագրական և մշակութային տարածքը, ստիպված է լինում «ապրել նաև նրա փոխարեն»: Սա փաստ չէ, սա բնաջնջողի ցանկությունը կամ գոհի պարտադրանքը չէ, այլ բնության, կյանքի և մահվան չզրկած մի օրենք: Սա նման է Կայնի դեպքին, երբ Աստված հասկացրեց, որ Աբելի կորստով Կայնը նաև Աբել դարձավ. «Բո եղբոր արյունը ձայնը երկրից բողբոջում է ինձ» (Ճնճ. Դ 10):

Բնաջնջողն այլևս երբեք չի լինում մախկինը: Նա դառնում է իր կողմից սպանվածի հիշողության կրողը՝ թելուց ժխտման միջոցով: Փիլիսոփայորեն՝ սպանված ազգի «բացակայությունը» դառնում է ավելի ներկա, քան սպանողի «ներկայությունը»: Սպանողը դատապարտված է հավերժական առեղծվածում այն դատարկության հետ, որն ինքն է ստեղծել, և այդ դատարկությունն սկսում է կլանել նրա սեփական ինքնությունը:

Այսպիսով՝ բնաջնջողը հայտնվում է մի անհրեքելի իրականության մեջ, որտեղ գոհի ժառանգությունը դառնում է նրա սեփական կեցության անբաժանելի, բայց օտար մասը: Յուրացված տունը, եկեղեցին կամ հողը չեն դառնում սեփականություն, այլ վերածվում են հավերժական վկաների, որոնք լռությամբ մատնացույց են անում իրենց իսկական տիրոջը: Սա «մարդասպանի հիվանդությունն» է. նա չի կարող տիրանալ գոհի կյանքին՝ առանց տիրանալու նաև նրա մահվանը և այդ մահվան բերած անեծքին: Ինչպես Կայնը, որ դատապարտված էր թափառելու՝ կրելով իր ճակատին անջնջելի կնիքը, այնպես էլ բնաջնջող ազգն է դատապարտված կրելու իր գոհի «ուրվականը» իր մշակութային, պատմության և նույնիսկ լեզվի շերտերում: Երբ ոճրագործը բնաջնջում է մի ազգի, նա տիրանում է նրա տներին, եկեղեցիներին և հողին, բայց նա չի կարող տիրանալ այդ ամենի ոգուն: Վերջնարդյունքում նա դառնում է մի բռնազավթիչ, որ իր սեփական տանն զգում է օտարի շունչը: Նա ստիպված է ապրել գոհի ստվերի տակ: Աստվածաշնչյան տիպաբանությանը՝ սա նման է Աբաբ թագավորին, որ սպանեց Նաբոլթին՝ նրա այգուն տիրանալու համար: Եղիա մարգարեն եկավ ու ասաց. «Սպանեցիր և հիմա էլ տիրացար... Այնտեղ, որտեղ շները լիզեցին Նաբոլթի արյունը, շները պիտի լիզեն նաև թու արյունը» (Գ Թագ. ԻՎ 19): Սա այն անխուսափելի

հոգևոր օրենքն է, որը գործում է համանման բոլոր պարագաներում:

Յետաքրքրական է խաչի վրա Յիսուս Քրիստոսի խոսքը. «Յայր, ներիր նրանց, որովհետև չգիտեն, թե ինչ են անում» (Ղուկ. ԻԳ 34), որը հաճախ սխալ է մեկնաբանվում: «Չգիտեն»-ը չի ազատում պատասխանատվությունից, այլ մատնանշում է նրանց հոգևոր կոտորությունը: Բնաջնջող ազգը, որը չի զղջում, շարունակում է մնալ այդ անգիտակից ոճրի մեջ:

Սա հոգևոր առեղծված է, և այն հուշում է, որ ոչնչացումը երբեք լիակատար չէ: Մարմնական բացակայությունը վերածվում է հոգևոր ներկայության, որն սկսում է թելադրել սպանողի վարքագիծը: Ժխտողականությունը, որն այնքան բնորոշ է բնաջնջողին, իրականում ինքնապաշտպանական ճիգ է, փախուստ՝ սեփական հայելուց, որտեղից գոհի դեմքն է հետապնդում իրեն: Ի վերջո գոհի կյանքի «ստանձնումը» հանգեցնում է նրան, որ բնաջնջողը կորցնում է իր սեփական ինքնության վավերականությունը. նա այլևս ինքնուրույն միավոր չէ, այլ մի էակ, որի ամբողջ գոյությունը կառուցված է մի մեծագույն Ոչնչի շուրջ, որն ինքն է ստեղծել, և որը հիմն սնվում է իրենով:

Երբ Կայնը սպանեց Աբելին, նա չազատվեց նրանից: Ընդհակառակը՝ նա դարձավ Աբելի բացակայության կրողը: Ծննդոց Դ 12-ում Տերն ասում է. «Երբ երկիրը մշակես, նա իր արդյունքը քեզ չպիտի տա. երկրի վրա պանդուխտ ու թափառական պիտի լինես»: Այն ազգը, որը բնաջնջում է մյուսին, դատապարտված է թափառական դառնալու սեփական ինքնությունից: Նա այլևս չի կարող ինքնաբավ լինել, որովհետև իր տան մեջ, իր հողի վրա և իր պատմության ընթացքում միշտ լսվելու է սպանվածի «արյան ձայնը»: Սպանողն ստանձնում է գոհի կյանքը սարսափելի մի իմաստով. նա է այդուհետ այդ կյանքի հավերժական պարտապանը:

Սպանողն սպանվողի հանդեպ գործում է փիլիսոփայական մի հանցանք՝ փոխարինման մեջ: Սա այն է, ինչ կարելի է անվանել գոյութենական գողություն: Բնաջնջողը փորձում է յուրացնել գոհի տեղը տիեզերքում, բայց քանի որ նա չունի այդ կյանքը կրելու աստվածային օրհնությունը, սկսում է հոգեպես քայքայվել:

Կոտորածի աստվածաշնչյան տիպաբանությունը

Աստվածաշնչյան կոտորածը հաճախ ներկայացվում է որպես մարդկային չարության գագաթնակետ, բայց նաև որպես մի կետ, որտեղից սկսվում է նոր ուխտը: Երեմիայի մարգարեության մեջ իր զավակների համար սգացող Ռաբբելի մասին կարդում ենք. «Ձայն լսվեց Ռամայում... Ռաբբել լաց էր լինում իր որդիների համար և չէր ուզում մխիթարվել, որովհետև նրանք չկային» (Երեմ. ԼԱ 15):

Սակայն քրիստոնեական ընկալմամբ՝ կոտորածը երբեք վերջնակետ չէ: Նոր Կտակարանում մանուկների կոտորածը մխտորում է Փրկչի հայտնությունը: Ավետարանիչը, մեջբերելով հինկտակարանյան մարգարեությունը, ցույց է տալիս, որ մահվան ստվերը մահանջում է կյանքի լույսի առջև. «Ռաբբել լաց էր լինում իր որդիների համար... Բայց երբ Յերուսաղեմը մեռավ, ահա Տիրոջ հրեշտակը երևաց Յովսեփին ու ասաց. «Կեր կաց, ա՛ն այդ մանկանն ու նրա մորը... որովհետև մեռան նրանք, որ մանկան կյանքն էին փնտրում» (Մատթ. Բ 18–20): Այս իմաստով՝ ցեղասպանությունը՝ որպես ոճիր, փորձում է հաստատել մահվան հաղթանակը, բայց հենց այստեղ է գործում վախճանաբանական հեռանկարը. մահը ենթարդելի սահմանն է, սակայն վերջինի խոսքի իրավունքը նրան չի տրված, այլ հետմահու գալիք հայտնություններին և ի վերջո անհատական, ազգային կամ համամարդկային փրկությանը:

Այս տիպաբանության մեջ Գողգոթան դառնում է այն առանցքը, որտեղ կոտորածն ու զոհաբերությունը փոխակերպվում են հաղթանակի: Թե՛ ցեղասպանությունը չարի փորձն է՝ դատարկելու աշխարհն Աստծո ներկայությունից և ոչնչացնելու նրա պատ-

կերը կրողին, ապա հարության հեռանկարը վերականգնում է այդ պատկերը նորոգված փառքով: Այս համատեքստում գոհվածների հիշատակը դադարում է լինել լոկ սգո առարկա. այն վերածվում է վկայության, որտեղ արյունը ոչ թե լռության կնիք է, այլ աղաղակող ճշմարտություն, որը հերքում է մահվան վերջնականությունը:

Կարող ենք դիտարկել աստվածաշնչյան մի քանի հետաքրքիր համեմատական.

1) *Եզրիստոսի մանուկների կոտորածը և Մովսեսի ծնունդը*: Փարավոնը փորձեց բնաջնջել եբրայեցի արու զավակներին (Ելք Ա 16), որպեսզի վերացնի այդ ազգի ապագան, բայց հենց այդ կոտորածի միջից Աստված հանցեց Մովսեսին: Սա ցույց է տալիս, որ մարդկային ոճիրը չի կարող կանգնեցնել Աստծո Բ ծրագիրը:

2) *Յոթի տառապանքը՝ որպես ազգային տիպար*: Մեր ազգի պատմությունը կարելի է համեմատել Յոթի հետ: Նա զրկվեց ամենքից և ամեն ինչից՝ զավակներից, հարստությունից, առողջությունից: Սակայն իր աներեր հավատարմության շնորհիվ կայացավ Յոթի մոր հարությունը: Յոթի գրքի ԽԲ 12-ում ասվում է. «Եվ Տերը Յոթի վերջին օրերն ավելի օրհնեց, քան առաջինները»: Ցեղասպանությունը հայության հոբյան ժամանակաշրջանն էր, որտեղ մենք զրկվեցինք երկրային ամեն ինչից, որպեսզի ստանանք երկնային ու անանցանելի սրբություն, սակայն չպետք է այսօր ինքնքր մեզ համարենք վերոնշյալից ազատագրված, քանի որ դա կլինի այն ժամանակ, երբ ապրենք իբրև հարուցյալ ազգ:

Կարող ենք ասել, որ աստվածաշնչյան տեսանկյունից կոտորածի միջով անցած ժողովրդի պատմությունը նմանվում է մաքառող եկեղեցու ընթացքին: Այնտեղ, որտեղ մարդկային տրամաբանությունը տեսնում է միայն մոխիր և վախճան, աստվածային մախախնամությունը տեսնում է վերածննդի սերմերը: Ինչպես որ Քրիստոսի խոսքված կողը դարձավ կյանքի աղբյուր, այնպես էլ ազգային մեծագույն ողբերգությունները, անցնելով հավատքի թուրայով, դառնում են հոգևոր գարթոնքի և բարոյական վերածննդի հիմնաքարեր:

Այսպիսով՝ կոտորածի աստվածաբանությունը մեզ հանգեցնում է մի առեղծվածային հայտնության. չարը կարող է ջնջել մարմնական ներկայությունը, սակայն ի գորու չէ ոչնչացնելու այն հույսը, որը խարսխված է Աստծո հավիտենական ուխտի վրա: Փրկությունը՝ որպես վերջնական արդարության հաղթանակ, սկիզբ է առնում հենց այնտեղ, որտեղ թվում էր, թե ամեն ինչ ավարտված է:

Սրբադասում. մարտիրոսությունը՝ որպես հաղթանակ

Մենք՝ հայերս, կոչված ենք լինելու հարուցյալ ազգ: Սա՝ հիշողության շարունակականությանը ու պահանջատիրությանը, գոհի կարգավիճակից հրաժարում է՝ հօգուտ հաղթանակածի: Յարությունը չի մշակվում մոռացում, այլ վերքերի սրբազործում: Քրիստոս հարությունը առավ իր վերքերով հանդերձ, և այդ վերքերը դարձան Նրա փառքի վկայությունը:

Մեր գալիք սերունդները պետք է գիտակցեն, որ մենք չենք ապրում պատահաբար, այլ ապրում ենք՝ որպես ապացույց, որ չարը պարտվել է: Մենք կրում ենք եզեկիտե մարգարեի տեսիլքի խորհուրդը չորացած ոսկորների մասին. «Ահա ես շունչ պիտի տամ ձեզ, և դուք պիտի կենդանանաք... և պիտի իմանաք, որ ես եմ Տերը» (Եզեկ. ԼԶ 5–6):

2015 թ. Յայոց ցեղասպանության զոհերի սրբադասումը եկեղեցական սովորական արարողություն չէր. դա զոհերի հանդեպ աստվածաբանական հեղափոխություն էր: Մենք դադարեցինք մահատակների համար «հոգեհանգիստ» անելուց և սկսեցինք նրանց «բարեխոսությունը» հայցել: Սա մեզ կապում է վաղքրիստոնեական վկաների՝ մարտիրոսների հետ: Նրանք, ովքեր զրկվեցին երկրային կյանքից, ձեռք բերեցին երկնային անմահություն և դարձան մեր ազգի հոգևոր պարիսպը:

Յայոց ցեղասպանության մահատակների

սրբադասումը չափանիշների առումով բացառիկ է քրիստոնեական պատմության մեջ: Այն հիմնված է «վասն հավատոյ և վասն հարեմեաց» անբաժանելի միասնության վրա, որտեղ հայրենիքը դառնում է տաճար, իսկ արյունը՝ հավատքի սերմ:

Յայոցիցիքը՝ որպես տաճար: Յայի համար հայրենիքը սոսկ աշխարհագրություն չէ. այն Աստծո հետ հաղորդակցվելու վայր է: Սպանվել հանուն հայրենիքի նշանակում է պաշտպանել այն սուրբ սեղանը, որի վրա մատուցվում է Սուրբ Պատարագը: Մեր սրբերը չմեռան որպես անձր զոհեր, այլ որպես գիտակից մվիրյալներ: Նրանց մարտիրոսությունը նման է մակաբայեցիների սխրանքին, որոնք մախընտրեցին մեռնել, քան տեսնել իրենց սրբավայրերի պղծումը (Բ Մակ. Է):

Արյունը՝ որպես սերմ: Եկեղեցու հայրերն ասում են. «Մարտիրոսների արյունը քրիստոնեության սերմն է»: Յայ մահատակների արյունը դարձավ այն սերմը, որից ծնվեց հարուցյալ ազգը: Մենք չենք սրբադասել նրանց, որ ողբանք, այլ որպեսզի ունենանք 1,5 միլիոն բարեխոս երկնքում: Նրանք այն «ամպի նման շրջապատող վկաներն» են (Եբր. ԺԲ 1), որոնք ուժ են տալիս մեզ՝ չհանձնվելու:

Սրբադասումը քրիստոնեական եկեղեցու կողմից սովորական ճանաչում չէ. այն վկայություն է, որ այդ անձինք հաղթել են մահվանը: 2015-ին Յայոց ցեղասպանության զոհերի հավաքական սրբադասումը հիմնված էր երկու անփոփոխ սյունների վրա, որոնք հայկական ինքնության ժառանգորդական ծածկագիրն են՝ հավատք և հայրենիք:

Չոհաբերության չափանիշը: Սրբադասման մեջ կարևոր է ոչ միայն տառապանքը, այլև այն գիտակցված ընտրությունը, որն արեցին մահատակները: Նրանք կարող էին փրկվել՝ ուրանալով իրենց ինքնությունը կամ հավատքը, բայց ընտրեցին մահը՝ որպես հավերժական կյանքի դուռ: Սա համահունչ է Մատթեոս Ժ 39-ին. «Ով իր անձը գտնում է, այն կկորցնի, և ով իր անձը կորցնում է Իմ պատճառով, այն կգտնի»: Յայ մահատակը չմեռավ՝ սոսկ որպես ազգային զոհ, նա մեռավ՝ նաև որպես քրիստոնյա վկա, որի արյունը դարձավ հայոց հոգևոր հայրենիքի անկյունաքարը: Նրանք համալրեցին սպիտակ զգեստավորյալների բանակը. Յայտնության գրքում Յովհաննեսը տեսնում է մի մեծ բազմություն, որը ոչ ոք չէր կարող հաշվել. «Արանք նրանք են, որ գալիս են մեծ նեղությունից և իրենց զգեստները լվացին ու սպիտակեցրին Գառան արյունով» (Յայտն. Է 14): Մեր 1,5 միլիոն սրբերն այլևս ազգային ողբի խորհրդանիշ չեն, այլ երկնային զորք, որոնք «վասն հայրենեաց» իրենց զոհաբերությանը սրբազործեցին հայկական հողը՝ այն դարձնելով սուրբ մատույց:

Ապրիլի 24-ը մեզ համար պետք է լինի ոչ թե լացի, այլ ուխտի օր: Մենք ապրում ենք նրանց փոխարեն, ովքեր չապրեցին, բայց պետք է ապրենք ոչ թե տառապանքի հոգեբանությամբ, այլ ստեղծարարությամբ: Որպես հարուցյալ ազգի ներկայացուցիչներ՝ մեր ամեն մի հաջողություն, ամեն մի նորահին երեխա և ամեն մի աղոթք պայապույցն են այն բանի, որ «լույսը խավարի մեջ լուսավորում է, և խավարը նրան չհաղթեց» (Յովհ. Ա 5):

Մեր հոգեբանությունը պետք է վերափոխվի վերքից դեպի առաքելություն: Աստված՝ որպես բացարձակ Դատավոր, տեսնում է արդարությունը, իսկ մեր դերը երկրի վրա այդ արդարության կենդանի վկան լինելն ու որպես հարուցյալ ազգ ապրելն է:

Յարուցյալ ազգի կոչումը. «մահումբ զմահ կոխեաց»

Ամենաեականը մեր հողվածի պատգամի մեջ հարուցյալ ազգ լինելու գիտակցումն է: Սա նաև քրիստոնեական վարդապետության սիրտն է:

Եզեկիելի մարգարեության ԼԷ 11–12-ում նկարագրվում է չորացած ոսկորների կենդանացման մի դրվագ, որտեղ Տերն ասում է. «Մարդու որդի, այս ոսկորները Իսրայելի ամբողջ տունն են. ահա նրանք հարայելի ամբողջ տունն են. ահա նրանք Իսրայել են՝ «Մեր ոսկորները չորացան, և մեր հույսը կորավ...»: ➔ էջ 16

Հայրենադարձությունը և Երևանի նոր թաղերի հիմնադրումը ցեղասպանությունից հետո. Արարատ լեռան տեսանկյունիցությունը՝ նախապայման

1918 թ. աշնանը Առաջին աշխարհամարտում Օսմանյան կայսրության կրած պարտությունը ցեղասպանության հետևանքով աշխարհով մեկ սփռված արևմտահայության շրջանում Միացյալ Չայաստանի ստեղծման հույսեր արթնացրեց: Սակայն 1920 թ. թուրք-հայկական պատերազմից ու Չայաստանի խորհրդայնացումից և հատկապես Լոզանի կոնֆերանսում (1922 թ. նոյեմբեր – 1923 թ. հուլիս) Չայկական հարցի փաստացի անտեսումից հետո հայության հայրենիք վերադարձի խնդիրը վերածվեց սոսկ հայ գաղթականությանը տարբեր երկրներում, առաջին հերթին՝ խորհրդային Չայաստանում տեղավորելու հարցի:



Սիրիա, Չալեպ. մահացած երեխայի կողքին դաշտում ծնկի իջած հայ կինը

Նոր Քղիի (1934) և Նոր Թոմարգայի (1931) Նոր Սեբաստիայի ստեղծման գործընթացն ավելի դասակարգված էր ընթանում:

Նոր թաղամասերի ստեղծման գործն իր վրա վերցրեց Չայաստանի օգնության կոմիտեն՝ 1934-ը, որին կից ստեղծվեց Ներգաղթի կոմիտե, ապա՝ Շինարարության մատակարարման գրասենյակ



Ներգաղթողներն իջնում են «Տրանսիլվանիա» շոգենավից, 1946 թ.

թական օգնություն: խորհրդային իշխանությունից բացի՝ օգտագործվում էր արտասահմանյան բարեգործական հաստատությունների (Ամերիկյան նպաստամատույց կոմիտե, Անգլիական կոմիտե, ԲՕԿ և այլն) նյութական և ֆինանսական օժանդակությունը:

Այս փուլի առաջին կազմակերպված խումբը թերևս կարող ենք համարել 1925 թ. հունվար ամսին Զուլաստանից եկած բուքարեցիներին: Ստեղծվել «Բուքարեցի» կոոպերատիվ ընկերությունը՝ նրանք քաղաքապատկան 200 հա հողի վրա սկսեցին զբաղվել ծխախոտագործությամբ: Բուքարեցիները մինչև 1930-ական թթ. բնակարաններ կառուցելու համար հիմնական օգնություն ստանում էին պետությունից:

Շուտով այլ հայրենակցական միությունների օրինակով Արգենտինայում, Բուլղարիայում և այլ երկրներում կազմակերպվեցին «Բուքարեցի» հայրենակցական միություններ, որոնցից ստացվեց նյութական օժանդակություն:

1924 թ. 80 ընտանիք արեջյուզներ (70-ը՝ չքավորներ) երևանին մերձակա 300 դեպարտման հողի վրա հիմնում են Նոր Արեջ Գյուղը, որը հետագայում դառնում է քաղաքի առանձին թաղամաս: Ներգաղթի հաջորդ փուլն սկսվում է 1925 թ.: Չայրենակցական միությունները ձեռնամուխ են լինում խորհրդային Չայաստանում իրենց ծննդավայրերի անունները կրող քաղաքներ, գյուղեր, ավաններ, թաղեր ստեղծելու ծրագրի իրագործմանը: Չայրենակցական միությունները հանդես էին գալիս խորհրդային Չայաստանի կառուցման գործին զորավոր լինելու կոչերով: Չայրենադարձությունը դիտվում էր այդ շինարարության ամբաստան մասը: Այս պարագայում խիստ տարածայնություններ կային կուսակցությունների ներսում:

Այդուհանդերձ, քաղաքական թե՛ պայքարի պայմաններում իսկ, հայրենակցական միությունների կոչով ստեղծված «Վերաշինացի միությունները» շարունակում էին դիմումներ հղել խորհրդային Միության կառավարությանը՝ իրենց հայրենադարձությունը կազմակերպելու, հող ստանալու և իրենց ծննդավայրերի անուններով բնակավայրեր հիմնելու խնդրանքներով: Առաջին միությունը, որ գործում էր Նյու Յորքում, 1923–1924 թթ. հունվարին պատգամավորական ժողովում որոշում է կայացնում՝ Չայաստանում հիմնել «Նոր Արաբկիր» անունով քաղաք: Այդ նպատակով ԶՍԽՉ կառավարությանը ներկայացրած նրանց ծրագիրն արժանանում է հավա-

նության: Եվ 1925 թ. Քանաքեռի և Զրազդան գետի միջև տարածությունը մոտավորապես 610 դեպարտման, տրվում է նախկին արաբկիրցիներին՝ Նոր Արաբկիր քաղաք կառուցելու համար:

Նոր ավաններն ստեղծվում են հիմնականում մայրաքաղաքին մերձակա տարածքներում՝ փաստորեն երևան քաղաքի բոլոր կողմերում: Դրանց աշխարհագրական դիրքը հայրենակցական միությունները խիստ կարևորում էին: Որպես կանոն՝ պետք է տեսանելի լիներ Արարատը՝ իբրև բռնազավթված հայրենիքի խարիդանիշ: Ավանների տեղի ընտրությունն իրականացվում էր բանակցությունների միջոցով, հաճախ նաև՝ հայրենակցական միությունների ներկայացուցիչների մասնակցությամբ:

Կառուցվող բնակավայրերը թեև կոչվում էին ավաններ, սակայն իրականում դրանք գյուղեր էին՝ իրենց պրոսպեկտային հիմնարկներով: Այդ ավանների ստեղծումն առանց նախագծման էր: Միայն Նոր Արեջը (1924–1926), Արաբկիրը և Նուբարաշենը կառուցվեցին թամանյանական նախագծերով: Ստեղծվեցին Նոր Մալաթիա (1926–1927), Նոր Սեբաստիա (1926–1931), Նոր Կեսարիա (1932–1934), Նոր Թոմարգա (1931), Նոր Տիգրանակերտ (1934) ավանները, որոնք գտնվում էին քաղաքի հյուսիս-արևմուտքում: Դրանք միմյանցից բաժանվում էին փողոցներով, և ենթադրվում էր, որ հետագայում կվերածվեն քաղաքի առանձին թաղամասերի:

Նոր խարբերողը (1928–1929) Երևանի հարավարևելյան կողմում էր և ուներ հսկայական մշակովի հողատարածքներ: Քաղաքի հարավում էր գտնվում մեծ բարեբար, ազգային գործիչ Պողոս Նուբարի անունը կրող Նուբարաշեն ավանը (1932): Պողոս Նուբարը ավանի կառուցման համար նվիրաբերել էր 100 հազար դոլար գումար: Նուբարաշենում կառուցվեցին նաև արևմտահայ տարբեր բնակավայրերի անուններով շենքեր:

Նախատեսվում էր դեպի Էջմիածին տանող ճանապարհի վրա կառուցել ևս մեկ թաղամասեր՝ Նոր Տարոն, Նոր Երզնկա, Նոր Յողդաթ, Նոր Շապին Կարախիսար, և դրանք ավարտել առաջիկա 4–5 տարում:

Նոր Տիգրանակերտը գտնվում էր Մալաթիայից կից: Նրան հարում էր Նոր Սեբաստիան, որը կազմված էր Նոր Կամարակ, Նոր Պարտիզակ և այլ թաղերից: Նոր Սեբաստիայի հակառակ մայրին գտնվում էր Նոր Քղիի իր նորակառուցված շենքերով: Վերոհիշյալ ավանները Շահումյան կոլտնտեսության կազմում էին: Ի տարբերություն

րենադարձության հետ կապված երևույթների միջև կային շատ ընդհանրություններ:

1946–1948 թթ. ընթացքում աշխարհի շուրջ 15 երկրներից խորհրդային Չայաստան ներգաղթեց 90 000–100 000 մարդ. դասնամանեծ ու զանգվածային ներգաղթ էր:

1946 թ. հունիսի 23-ին Սիրիայից և Լիբանանից «Տրանսիլվանիա» ռումինական փոխադրանավով բաթում է մեկնում 366 ընտանիք՝ ավելի քան 1800 մարդ: 1946 թ. ընթացքում «Տրանսիլվանիա», «Ռոսիա», «Պրեդա», «Սոլտով» շոգենավերով Չայաստան է ժամանում 8 քարավան: Միայն հունիս-հոկտեմբերին հայրենադարձվածների թիվը 19 253 մարդ էր:

Ներգաղթը կատարվում էր հոծ խմբերով կամ անհատապես: 1946–1948 թթ. հիմնականում ներգաղթում էին մեծ խմբերով, իսկ 1960–1970-ական թթ.՝ անհատական կարգով: Սփյուռքահայ հայրենակցական միությունները խորհրդային Չայաստանի ներկայացուցիչներից խնդրում-պահանջում էին, որ ներգաղթողների համար հատկացվեն առանձին տարածքներ՝ ավաններ, թաղեր, փողոցներ, դրանք անվանակոչվեցին իրենց կամ ծնողների ծննդավայրերի անուններով: Այդ կերպ հայրենադարձները կարող էին պահպանել իրենց պատմաազգային շրջանների ինքնատիպ նկարագիրը:

Քարավանների առաջին խմբերը տեղաբաշխվում էին սկզբում մայրաքաղաքի Նոր Արաբկիր, Նոր Մալաթիա, Նոր Սեբաստիա թաղամասերում, այսինքն՝ դեռևս 1925–1930-ական թթ. ստեղծված հայրենակցական թաղամասերում: Գետազայում նաև մեծ թաղամասեր ստեղծելու ցանկություն եղավ:

Նախապես որոշված էր՝ գյուղաբնակներին բնակեցնել գյուղերում, իսկ քաղաքաբնակներին՝ քաղաքներում, նկատի առնել այն բնակիչի մայրական պայմանները, որտեղ մայրիկնում ապրել էին վերաբնակիչները: Սակայն շուրջ խոստումներ ստացած հայրենադարձներն ստիպված էին լինում հաստատվել կենցաղային տարրական պայմաններից զուրկ բնակարաններում, անբարեկեցիկ գյուղերում ու ավաններում:

Ճանաչված բազմաթիվ հայ ճարտարապետներ կառավարության հատուկ հանձնարարությամբ ձեռնամուխ եղան հայրենադարձ հայերի համար կառուցվող ավանների նախագծմանը: Այդ ծրագրի իրագործմանը մասնակից դարձան Գ. Մուլեղյանը, Ռ. Իսրայելյանը, Զ. Իսրայելյանը, Զ. Բաբաջանյանը, Ռ. Գրիգորյանը և այլք: Էջ 15

Քողարկված հավատ կամ ծպտյալ հայ քրիստոնյաները Թուրքիայում. Քազըմ Գյունդոզանի «Ալիհացված հայեր: Մենք Հիտուսին ենք ի վերուստ, պարտավոր ենք Ալիին» գիրքը

Աշխարհի շատ քրիստոնյաների կենսագրության մեջ առկա են հավաքման, հետապնդման ու ոչնչացման պատմություններ, բայց կան նաև պատմական ամբողջական փուլեր՝ որպես հանցագործության մասնավոր կամ հետադարձ, որոնք շարունակում են մնալ սովորի տակ կամ քիչ բացահայտված: Այս անգամ խոսքը վերաբերում է 20-րդ դարի Չայոց ցեղասպանությանը հաջորդող տարիներին՝ ցեղասպանության արհավիրքից փրկված ու թուրքիայում մնացած հայերի ճակատագրին՝ մասնավորապես Գերսիմի հայերին, որոնք բռնի պարտադրանքի ու մահվան սպառնալիքների պայմաններում, ըողարկվելով սեփական ինքնությունն ու հավատը, հավատարիմ են մնացել իրենց Աստծուն: Նրանց կյանքի պատմություններն այսօր ոչ միայն պատմական, այլ նաև հոգեբանական արհուլում, վախի, տառապանքի ու Քրիստոսին հավատարիմ մնալու հույսի վկայություններ են:

ՄԱԿ-ի Ցեղասպանության կոմիտեի Գերսիմի հեղինակ Ռաֆայել Լեմկինը ցեղասպանությունը բնորոշել է ոչ միայն որպես մարմնական ոչնչացում, այլև հոգևոր, երբ գոյատևում անհնար է՝ առանց սեփական ազգային ինքնության քողարկման: Լեմկինի այս թեզը տպավորիչ կերպով վերահաստատում է ալիական արմատներով գրող և վավերագրական ֆիլմերի ռեժիսոր Քազըմ Գյունդոզանի «Ալիհացված հայեր: Մենք Հիտուսին ենք ի վերուստ, պարտավոր ենք Ալիին» գիրքը, որը գերմաներեն լույս է տեսել 2026 թ. մարտի 1-ին Գերմանիայում, մինչ այդ՝ 2022-ին, հրատարակվել էր նաև թուրքերեն: Գիրքը վավերացնում է հայ ինքնության ջնջման և ձուլման ընթացքը թուրքիայում:

Իր բովանդակային ու կառուցվածքային տեսակով գիրքը վեպ է, այլ պատմափաստագրական նյութերի ու հարցազրույցների ժողովածու (ընդգրկում է Գերսիմի և այնուհետև դուրս ապրող հայկական ծագում ունեցող մարդկանց հետ վարած 72 հարցազրույց, ինչպես նաև նրանց մասին 12 գրույց՝ ալիների, քրդերի և զազաների հետ): Գրքում Գերսիմի ծպտյալ հայերը ներկայացվում են որպես «խոսող համր և տեսող կայսր»: Սեփական ինքնության որոնումը այստեղ նաև հոգևոր ճանապարհորդություն է, որը մղում է քո ես-ի ծագման, հավատի ու քո իսկ կյանքի իմաստի մասին հարցադրումների: Հիշողությունը չի ներկայանում որպես զբային պատմություն, այլ որպես բեկորների կառուցվածք (կոմպոզիցիա), բեկորներ, որոնք հաճախ ի հայտ են գալիս միայն ուրիշների հետ երկխոսության մեջ:

Քազըմ Գյունդոզանը Չայոց ցեղասպանության պատմությունը խորությամբ հետազոտող հեղինակ է: Նա հայտնի է նաև «Գերսիմի կորած աղջիկները», «Վանակահի թռուցիկը Գերսիմի հայեր են», գրքերով, որոնց մեջ պատմում է Գերսիմի հայ, ալի, քուրդ և զազա ժողովուրդների ոչնչացման և բռնի ձուլման մասին: Այս թեմայով նա կնոջ՝ ռեժիսոր Նեզահաթ Գյունդոզանի հետ նաև նկարահանել է վավերագրական ֆիլմեր, որոնք պատմում են թուրքիայի Գերսիմի շրջանում տեղի ունեցած ցեղասպանության մասին, ինչպես «Երբ Մուսթաֆա գետը չի հոսում», «Երկու մազափնջեր» Գերսիմի կորած դուստրերն են», «Օ՛, ժամանակ», «Վանքի երեխաները»: Գյունդոզանը այս ֆիլմերի և՛ հեղինակն է, և՛ պրոդյուսերը: Քաղաքական բռնաճնշումների և հետապնդումների պատճառով 2017 թ. կնոջ և երեխայի հետ նա թուրքիայից Գերմանիա է տեղափոխվել և ապաստան ստանալու դիմում ներկայացրել, սակայն չի դադարեցրել և այսօր էլ շարունակում է իր աշխատանքը ցեղասպանության պատմության, հոգեհարվածի, հիշողության մշակույթի և մարդու իրավունքների ոլորտներում:

Քազըմ Գյունդոզանի «Ալիհացված հայեր» գիրքը ունի նորարարական նշանա-

կություն, քանի որ այն համակարգված կերպով ուսումնասիրում է հայկական ծագում ունեցող ալիհացված համայնքների հիշողությունն ու ազգային ինքնության փոխակերպումը: Լռեցված ինքնությունների բացահայտումը գիրքը դարձնում է կարևոր ներդրում Չայոց ցեղասպանության ուսումնասիրության ոլորտում:

Հեղինակը Արևելյան Անատոլիայի Գերսիմի շրջանի հայերի պատմության օրինակով ցույց է տալիս, թե ինչ է նշանակում այլևս չկարողանալ պահպանել ազգային և կրոնական ինքնությունը ցեղասպանության հետևանքով: Գիրքն ունի պատմական կարևորություն, փաստագրում է հիշողություններ, որոնք գիտակցաբար մոռացության են մատնել: Այն նաև օգնում է ընթերցողին՝ զննարկելու սեփական ինքնությունը՝ անձնականի ու պատմականի մույնացման ուղիով:

Գրքում հնչեցվող յուրաքանչյուր արտահայտություն նման է հայտարարության. «— Մեր տանը մենք երբեք չենք խոսել ծագման մասին. միայն գոյատևման մասին»: Այս հայտարարությունը տարբեր ձևերով կրկնվում է գրքի յուրաքանչյուր հարցազրույցում: Լռությունն այստեղ դատարկություն է, այլ ինքնապաշտպանության ձև, որը փոխանցվում է սերնդեսերունդ: Շատ ընտանիքներում պատմությունը բարձրաձայն չի խոսվում, այլ փոխանցվում է անուղղակիորեն՝ վարքի, լռության, ասելիքի որոշակի սահմանների միջոցով: Մասնակիցներից մեկը այն նկարագրում է այսպես. «— Մենք գիտեինք, որ չպետք է հարցնեինք: Բայց մենք նաև գիտեինք, որ ինչ-որ բան չէր ասվի»:

Հարցազրույց տվածներից շատերը բացահայտում են պատկանելության կրկնակի զգացում, որը երկար ժամանակ հակասություն էր ընկալվում: Միայն ավելի ուշ, հաճախ պատահական հանդիպումների կամ տարեց հարազատների հետ զրույցների միջոցով, ի հայտ է գալիս տարբեր ծագման գիտակցությունը. «— Ես կարծում էի, որ մենք պարզապես ալիներ ենք: Միայն մեծանալով իմացա, որ մեր տատիկն այլ կերպ էր աղոթում՝ լուռ, միայնակ, բոլորից թաքնում»: Այս տեսակի հիշողությունը մասնատված է: Այն բաղկացած է ժեստերից, ակնարկներից, երգերից կամ ընտանեկան որոշակի ծեսերից, որոնց իմաստը հասկացվում է միայն հետադարձ հայացքով:

Կրկնվող թեմա է լեզվի անհետացումը: Հայերենն այլևս չէին խոսում շատ ընտանիքներում կամ միայն առանձին բառերով, որոնք կորցրել էին իրենց սկզբնական իմաստը: Օրինակ՝ մեկը պատմում է. «— Իմ տատիկը երբեմն հայիտում էր մի լեզվով, որը ես չէի հասկանում: Երբ ես հարցնում էի, նա պարզապես ասում էր. «— Դա այլևս կարևոր չէ»»: Լեզվի կորուստն այստեղ նկարագրվում է ոչ միայն որպես մշակութային տեղաշարժ, այլև որպես ընտանեկան շարունակականության խզում:

Մի քանի աղբյուրներում կրոնական ինքնությունների տեղաշարժը կամ համընկնումը ներկայացվում է ոչ թե որպես գիտակցված որոշում, այլ որպես հարկադրանքի, անապահովության և պաշտպանական ռազմավարության հետևանք: Միակ անվտանգ ապաստարանն ապահովում էր ըողարկված հավատն առ Քրիստոս՝ ի դեմ պատմական իրականության, որպես գոյատևման ռազմավարություն. «— Մեզ ասացին, որ մենք ալիներ ենք: Եվ դա ավելի լավ էր: Այդպես ավելի անվտանգ էր»:

Հարցազրույցների ընթացքում պարզ է

դառնում, որ ինքնությունն այստեղ չի ընկալվում որպես անբաժանելի կարգ, այլ որպես ինչ-որ բան, որը փոխվում է, մթազմում և երբեմն վերածնվում: Մի երիտասարդ ասում է. «— Ես չգիտեմ, թե ով եմ: Բայց գիտեմ, որ մոռացել եմ ինչ-որ բան, որը պատկանում է ինձ»:

Այս հայտարարությունն ընդգծում է ամբողջ մյուսի առանցքային լարվածության գիտակցելը և այն բացը, որը չի կարող ամբողջությամբ օգտել:

Հայ ընթերցողի համար գիրքը բերում է ինքնագիտակցման այն միտումը, որ ինքնությունը և հավատի պահպանման գրավական սեփական արմատների հիշողությունն է: Ստորև ներկայացնում ենք գրքի հարցազրույցներից հատվածներ՝ գերմաներենից հայերեն մեր թարգմանությամբ:

— Երբ ես հարիկիս անձնագրում նրա մոր անունը որպես Վարդիթեր տեսա, հորիցս իմացա, որ իմ տատիկը հայ է եղել: Տանը այդ մասին մենք չէինք խոսում: Երբ ես հարիկիս հարցրի, թե ինչ է նշանակում Վարդիթեր, բավարար տեղեկություններ չստացա: ...Երբ մի քիչ ավելի մեծ էի, մի անգամ մեր հարևանի երեխան՝ Արդուլահը, ինձ հայից ծնված անվանեց... Ցեղասպանության ժամանակ իմ տատիկի ողջ գերդաստանը մասամբ սպանվել է, մասամբ էլ տարիանվել է: Ինչպես նա հետագայում իմացավ, եղբայրներից երկուսը փախել էին: Իմացել էր, որ նրանք Ամերիկայում կամ էլ Կանադայում են... Երկար ժամանակ անց լուր է ստանում եղբորից, որը հասել էր Կանադա: Եղբայրը նրան ուղարկել է հրավեր և ինքնաթիռ տոմս, բայց պապս չի թողել, որ նա գնա, որովհետև նա վախեցնում էր այն մտքից, որ կհրել էլ երբեք չէր վերադառնա...:

— Մի անգամ տատիկս հաց էր թխում, երբ այն արդեն պատրաստ էր եղել, նա խմորի գրտնակով խաչ է նկարել սև, մրոտ մետաղյա լազայի հատակին, պապս դա տեսել էր ու կատաղել: Այս պատկերը նա էլ երբեք չնկարեց, իսկ եթե նույնիսկ նկարել է, դա ոչ ոք չի տեսել:

— 1938 թ. սպանությունների ժամանակ նրանք կորել էին իմ հորաքույրերի կրծքերը և դրել վզի շուրջը, հետո երկուսին էլ սպանել են... Այդ ժամանակ նրանք տարբերություն չէին դնում, նրանք նույն ձևով կոտորում էին հայերին ու քրդերին: Իմ մորաքույրերից մեկն ուներ երեխաներ, նրանք ապրում էին Մուղդուսում: 1938 թ. նրանց հորը արտաքսել են, իսկ մոր ողորմ ճանաչել են Ստամբուլում: Նրանց երեխաները սովորել են համալսարանում, դարձել են ուսուցիչներ, մեկ աղջիկ ու մեկ երիտասարդ... Եվ նրանք ամուսնացել են թուրքերի հետ:

— Նրանք ասել են իմ հորը. «— Քեռի, մի թող իմացվի, որ մենք հայեր ենք: Մենք թեև կարողանում ենք միմյանց այցելել, բայց թույլ տուր այն գաղտնի պահել»: Դրանից հետո ես այլևս այնտեղ չզգնեցի:

— Իմ պապիկին, իհարկե, աղան ազատ չի արձակել, այլ ամուսնացրել է և հետո նրան ու նրա կնոջը դարձրել ստրուկներ՝ իր համար աշխատելու... Նրանք հայ երեխաներին վերցնում էին պաշտպանության տակ, հարմարեցնում, բայց նրանք օգտագործում միաժամանակ որպես ճորտեր: Սա ևս մի փաստ է... Իրականում նրանք հաճախ հարմարեցնում էին երեխաներին բարեկեցիկ ընտանիքներին, որովհետև ինչքան շատ երեխաներ տային հարուստ ընտանիքներին, այնքան շատ հարստանալու երաշխիք ունեին:

— Սկզբից վտարում էին, հետո մնա-

ցածներին, այսինքն՝ մեզ, ստրկացնում... Նրանք մեզ համարում էին մարաբասներ, այսինքն՝ ստրուկներ, որոնք աշխատում էին նրանց ձիարաններում, գոմերում: Դա անում էին, ոչ թե որ շատ են ուզում, այլ որ աշխատուժի կարիք ունեին... Դառն էլ ասել, որ աղաները, երբ ցանկանում էին, տիրում էին ընտանիքներին, մարաբասների կանանց, օգտագործում էին նրանց, հետո հետ բերում կամ հետ ուղարկում... Այսպիսով հայերը ոչինչ չուներին:

— Իմ տատը մահացել է 1938 թ. քսուրում... Երբ մենք դեռ Մազգիրտում էինք, նա օգնում էր կառավարչի կնոջը տնային գործերում՝ եփելու, վազք անելու: 1938 թ. շրջանի կառավարչի փոխանցում է լուրը. «Մարիամ քույրիկ, վերցրու երեխաներիդ ու հեռացիր: Այստեղ վատ է լինելու քեզ համար: Անհետացե՛ք այստեղից»: Հաջորդ իսկ առավոտ զախիս են նրանց հետևից: Նրանք խուզում են տղամարդկանց ու կանանց մազերը, իսկ երեկները քշում էին անասնավազոնների մեջ: Դու գիտես, թե ինչ է դա, ինչպե՛ս են ոչխարներին քշում փարախ, ամասունները... Երբ քույրիկն իրար վրա էին կիտում սև վազոնների մեջ, ու թե՛ Դե՛, առաջ...:

— Իմ մայրը խոսում էր քրդերեն, զազաերեն, հայերեն. նա կարողանում էր նույնիսկ շատ լավ խոսել թուրքերեն և խոսում էր շատ մաքուր: Մենք մեր մորը միշտ քննադատել ենք. «Ինչո՞ւ դու մեզ չես սովորեցրել, երբ մենք փոքր ենք եղել»: Իսկ նա պատասխանում էր. «Որդիս, շուրջ չէր տանի այն, ինչ մենք տարանք: Այդ է պատճառը, որ ես գաղտնի խաչակնքում էի վերմակի տակ, որովհետև վախը խարսխել էր մեր հիշողության մեջ»: Իրականում նա այսպիսի բաները շշուկով էր պատմում: Երբեմն, երբ մենք մեր մորը շատ հարցեր էին տալիս, նա լռում էր ու ամենակն ոչինչ չէր ասում: Իսկ հետո ասում էր. «Եթե իմանաք, դուք էլ կդառնաք կասկածելի»:

...Իմ մայրն ամուսնացել է 13 տարեկանում, հենց որ քսուրվել է: Ես նրան ասացի. «Ինչո՞ւ ես այսքան երիտասարդ ամուսնացել եմ»: Նա պատասխանեց. «Այդ ժամանակ դա ընդունված էր: Նրանք ասում էին՝ Ամուսնացե՛ք, և մենք ամուսնանում էինք»: 14 տարեկանում ունեցել է իր առաջին երեխան: Նա միշտ խոսում էր ինքնությունը թաքցնելու մասին, և ինչպես էին իրենք ստորացվում այլ ինքնության պատճառով:

— Հավատը մեր ընտանիքում պահպանված գաղտնիք էր:

— Մենք միշտ աղոթել ենք, բայց միշտ էլ փակ դռների հետևում:

— Մեր տատիկը մեր ականջին միշտ շշուկում էր. «Մենք քրիստոնյա ենք, բայց չի կարելի ոչ մեկին ասել»:

— Մայրս ասում էր. «Երբեք չմոռանա՛ ով ես դու»:

— Մենք բարձրաձայն չէինք աղոթում, բայց միշտ աղոթում էինք երեկոները մեր մտքում: Մայրս միշտ ասում էր. «Աստված լսում է նաև լուռ աղոթքը»:

— Մենք թաքցրել ենք մեր ինքնությունը, որովհետև վախեցել ենք:

— Իմ պապիկը մեզ գաղտնի պատմում էր, որ մենք հայեր ենք:

— Կենդանի մնալու համար ստիպված էին լռել:

— Երբ ես իմացա, որ իմ նախնիները եղել են քրիստոնյա, սկզբից ես չվիճակեցի, բայց հետո զգացի մի խոր կապ իմ պատմության հետ:

— Մեր անուններն են փոխվել, բայց ոչ՝ հիշողությունները:

— Տարիներ շարունակ մենք ապրել ենք երկու աշխարհների միջև:

— Վախն ավելի ուժեղ էր, քան ավանդույթը, բայց հավատը մնացել է մեր սրտում:

— Միայն հասուն տարիքում իմացա, որ իմ նախնիները հայեր են եղել:

Սիրվարդ ՍՏԵՓԱՆՅԱՆ, ք. գ. ք., դոցենտ

Հայ Եկեղեցին Հայոց ցեղասպանության ընթացքում

← էջ 6

Փաստերը հավաստում են՝ 1915 թ. Հայոց ցեղասպանությանը զոհ է գնացել արևմտահայ ավելի քան 900 հոգևորական:

4. Պոլսի պատրիարք Զավեն արքեպիսկոպոս Եղիայանի բողոքի հորդորները Թուրքիայի արդարադատության և կրոնի նախարար Փարիզադե Իբրահիմ բեյին, Մեծ վեզիր Սայիդ Խալիմ փաշային, Երեսփոխանական ժողովի նախագահ Խալիլ բեյին, Օսմանյան կայսրության Շեյխ-ուլ-իսլամ՝ Մուսա Քյազիմ էֆենդիին, ներքին գործոց նախարար Թալեաթին մնացին անպատասխան: Պատրիարքի զայրույթը և խնդրանքները Թուրքիայի կառավարող օղակներում անտեսվեցին:

1915 թ. հունվարի 5-ին Նախիջևանի փոխանորդ Սիոն վարդապետը հեռագրում էր Խորեն Արքեպանին, որ Նախիջևանում կուտակվել են հազարավոր գաղթականներ, որոնք կարիքի մեջ են, անթի և սպասում են գնացքներին, որպեսզի մեկնեն Երևան:

Երևանի թեմում ապաստանած գաղթականների վիճակի մասին 1915 թ. հունվարի 17-ին Խորեն եպիսկոպոսը գեկուցում է Էջմիածնի Եղբայրական օգնության հանձնաժողովին. «Մինչև օրս Երևան հասած փախստականներից քաղաքացիները տեղավորված են Երևանում, որոնց թիվը հասնում է 1500-ի, իսկ մյուսները՝ զանազան գյուղերում: Տեղիս գործադիր մարմինը ոչ մի ջանք չի խնայել բոլորին տաք շոր, ամրոցի, սնունդի հասցնելու: Գաղթականների հոսանքը դեռ չի դադարել, շարունակում են գալ Պարսկաստանից և Թուրքիայից Էջմիածնի վրայով, որոնց տեղավորումը կատարվում է ամենայն արագությամբ»:

Գաղթական հայության հիմնական մասը տեղավորվեց Երևանին հարող Քանաքեռ, Արամուս, Բաշգառնի, Շիրաբաթ և Նորազավիթ գյուղերում:

Այս Էջմիածնի Եղբայրական օգնության գլխավոր կարգադիր հանձնաժողովի՝ 1915 թ. հունվարի 24-ի նիստում որոշվեց.

1. Կանոնավոր կազմակերպել գաղթական-փախստականներին խնամելու և կերակրելու գործը:

2. Միաժամանակ անցկացնել միանման վիճակագրություն:

3. Գաղթականներին բաժանել հագուստ և անկողին:

4. Ամենուր կազմակերպել բժշկական օգնություն:

5. Գաղթականների համար ստեղծել բարենպաստ պայմաններ, բացել բաղնիքներ:

6. Ամեն կերպ նպաստել անտեր ու չքավոր երեխաների խնամքին ու ուսմանը:

7. Աշխատանքի ընդունակների համար աշխատանք կազմակերպել:

8. Ունենալ հատուկ չափաբերական մատյան Թուրքիայից, Պարսկաստանից և այլ վայրերից եկած գաղթականների համար:

Գաղթական հայերը, հաղթահարելով զգալի տարածություններ, քաղցած, տանջված, սառած, վախեցած, իրենց վրա զգալով թուրքական և քրդական կոտորածների սարսափը, առանձին խմբերով հասնում էին Կովկասի սահմանները և կուտակվում Մայրավանքի շուրջը: Այն, ինչ որ տեղի էր ունենում այդ ժամանակ Մայր Աթոռում, կարելի է համեմատել միայն դանթեական դժոխքի հետ: «Գաղթականությունը... եկավ կուտակվեց Էջմիածնի շրջակայքում, անտառի մեջ ու վանքի արևակեղ հրապարակների վրա, ապա անցավ հեղեղելու Երևանի հրապարակները, եկեղեցիների գավաթներն ու նոյնիսկ բանուկ մայթերը՝ ժեռուտ ու կիզիչ: Այո, եկավ, կուտակվեց ավելի քան 15 000 գաղթականություն հունսից, Բուլղանուփից, Մանգլեթից, Մուշի դաշտից, Ախաթից, Ալջավազից, Արճեշից ու Վասպուրականի մնացյալ գավառներից, ինչպես և Մոկսից ու Շատախից:

...Եվ սկսվեց սովը, ապա՝ վարակիչ հիվանդություններն ու մահացությունները Էջմիածնի, Իգդիրի, Երևանի, մանավանդ Էջմիածնի հրապարակներում ու պատերի տակ, և սկսվեց նոր աղետը՝ ահավոր և ահեղ:

... Էջմիածին, 28 հուլիսի
Մարդկային երևակայությունից վեր գար-հուրելի տեսարան է ներկայացնում այժմ Էջմիածինը իր շրջանակներով: Չեք գտնի



Վանի ինքնապաշտպանությունը, 1915 թ., ապրիլ

ոչ մի արշին տեղ, ուր կուտակված չլինեն զանգվածները:

Բազմահազար գաղթականությունը բռնել է ճեմարանի բակը, վանքի գավաթը, Ղազարապատը, լճի չորս կողմը, նույնիսկ շուկան ու փողոցները: «Հանց» աղաղակում են ամենքը, հաց չկա, հիվանդացողներն ու մեռողները բազմաթիվ են...

Էջմիածին, 28 օգոստոս
Փոքրիկ պտույտ «Դանթեի դժոխքում»:

Ճեմարանի մուտքի առաջ ընկած են մի քանի կանայք ու երեխաներ, որոնք վերջին կռիվն են մղում մահվան դեմ: Նրանց կողքին մի քանի անչափահաս աղջիկ ու տղաներ, երկու դիակի վրա ընկած, ակամե են խլացնում իրենց ողբով:

Ներս են մտնում ճեմարանի բակը, գարշահոտություն է տիրում այստեղ. այդ գարշահոտության մեջ թափված են մեր հարազատների քոչերը: Մուտքից մինչև ճեմարանի առջև համրում են զանազան հասակի վեց դիակներ:

Անցնում են վանքի բակը, ուղիղ մուտքի առջև երկու կին մի երիտասարդ դիակի վրա իրենց ողբն են ասում ու պատան կարում: Տպարանի ու միաբանության խցերի առաջ թափված են իրար վրա մահվան ճանկերում գալարվող ծերունիներ, կանայք և երեխաներ, իսկ ճանապարհի երկարությամբ մինչև էլեկտրական կայանը ընկած են բազմաթիվ դիակներ:

Ահա վարակիչ հիվանդությունների աղբյուր դարձած Ներսիսյան լիճը, աչ ափում, խոնավ գետնին ընկած, կյանքի հետ իրենց հաշիվն են մաքրում մարդակերպ արարածների բազմաթիվ խմբեր, իսկ լճի ձախ ափին ամբողջ երկարությամբ բռնած է զանազան հասակի դիակներով պատանած և անպատան: Իջնում են անտառը, մի քանի քայլի վրա, դեպի ձախ, աչքիս է զարնվում մարդկային աղտոտություններով լի փոսի մեջ ընկած մի պառավ կնոջ դիակ, ամբողջապես ճանձերի ու միջատների մեջ կորած դիակից երևում է, որ նա չափազանց երկար կռիվ է մղել մահվան դեմ...

Հասնելով անտառի ծայրը՝ հանկարծ առաջս բացվում է մի դժոխային տեսարան, հիսունի չափ մշակներ գերեզմաններ են փորում, իսկ մի ահագին տարածություն պատած է մի 6-7 հարյուր անթաղ մեռելներով, բոլորը այլակերպված, ուռած այն աստիճան, որ շատերի պատանն է պատռվել, շատերը նեխել են, որդերի մեջ կորել ու գարշահոտությունը չորս կողմը սփռել, բավական է հիշել, որ հարյուրից ավելի դիակներ հինգերորդ օրն է, ինչ անթաղ ընկած են Էջմիածնի կիզիչ արևի տակ:

Օգոստոսի 21-ին մեռել են 131 հոգի, 22-ին՝ 168, 23-ին՝ 204, 24-ին՝ 234, 25-ին՝

280, 26-ին՝ 268, 27-ին՝ 347, 28-ին՝ 357, 29-ին՝ 300, 30-ին՝ 314:

Այսպիսով, Էջմիածնի գաղթականությունը ընդամենը 10 օրում տվեց 2613 զոհ: Այսքանը միայն Էջմիածնում, իսկ Իգդիրում, Երևանում և բազմաթիվ գյուղերում»:

Մայր Աթոռ Ս. Էջմիածին եկած փախստականները միանգամից շրջապատվեցին վանական միաբանության խնամքով: Մայրավանքում կուտակվել էր մոտ 60 հազար գաղթական հայություն: Բեսարաբիայի թեմի կոնսիստորիայի նախագահող Տիրայր վարդապետին ուղղված իր նամակում մշում էր Սիմոնի անդամ և «Արարատի» խմբագիր Բաբգեն վարդապետ Աղավելյանը. «Գիտես, որ «Արարատի» ամբողջ գործն իմ վզին է, որքան հնարավոր է, աշխատում եմ, չնայած որ շուրջս սոսկալի տեսարան է ներկայացնում գաղթականությունը. ամբողջ օրը նրանցով եմ զբաղված, օրական 5-6 հազար մտնում և դուրս է գալիս, իսկ տեղում Էջմիածնում, միշտ 60 հազարից ավելի լցված են, սոսկալի դրություն է, 3 հազարից ավելի որբեր ենք ժողովել Վեհարանում, որը վերածված է որբանոցի և հիվանդանոցի: Աշխատող ձեռք չունենք»:

Մայր Աթոռ Ս. Էջմիածնի միաբանությունը այդ օրերին տվեց զոհեր: Փախստականներից ժամտախտով վարակվեցին և մինչև 1915 թ. օգոստոսը մահացան Ս. Էջմիածնի Եղբայրական օգնության գլխավոր կարգադիր հանձնաժողովի նախագահ և Սիմոնի անդամ Եփրեմ եպիսկոպոս Սուբիայանը, Մայր Աթոռի միաբան Վահան վարդապետը, մահից հազիվ փրկվեց Ս. Էջմիածնի Եղբայրական օգնության հանձնաժողովի անդամ Գարեգին վարդապետ Յուզեֆյանը, իսկ Բաբգեն վարդապետ Աղավելյանը, որը ևս հանձնաժողովի անդամ էր ու Ս. Էջմիածնի որբանոցի կառավարիչը, 1915 թ. դեկտեմբերի 27-ին որբերից վարակվելով, վախճանվեց 1916 թ. հունվարի 3-ին:

1915 թ. Յալեայից Մայր Աթոռում ստացվեց Կիլիկիո կաթողիկոս Սահակ Բ-ի մամակը, որում նա մասնավորապես հաղորդում էր. «Տիգրանակերտ գնացողներն լուր չկա, դժոխք գնացողների պես: Այնթապի գաղթն ալ ազդարարվեցավ: Այս գիշեր 51 ընտանիք հասան: Այս կողմնք քաղաքացի հայ բնակչություն Դամասկոսի Հավրան (կամ Հորան) գավառը կը տեղափոխվեն: Ուրֆայեն ալ, թերևս Տիգրանակերտեն 800 հոգի հասնելու վրա են: Խարբերդեն բերվածները Ռաս-է-Այնեն, ուղղակի Տերզոր կղրվին: Հիվանդությունը համաճարակ է: Երկրպետ դեռ ու նպաստ դրկեցավ, բայց կաթիլ մը օժկիսանոսի մեջ: 20 000 և ավելի են այդ գավառի գաղթականը, Յալեայի մեջ համախմբված են ավելի քան 15 000 և օրեցօր հեղեղի մամակը հասնին:

Անթուրյունեն հիվանդության չափ կոտորած կլինի: Պարեն Յալեայի մեջ գրեթե կանոնավորապես կտրվի, բայց դուրսերը հաց կաղաղակեն: Կամ փրկարար հրաշագործ զորությունը ու կամ թագավորական զանձ պետք է, որ կես միլիոն կիլիկեցիք թերևս այնչափ կան ավելի արևելյան գավառներից կարենան կերակրվեն անապատների մեջ:

Աշխարհ տեսած չէ և պիտի չտեսնե այսքան արհավիրք, այսքան թշվառություն ու կորստություն: Երուսաղեմի ավերը բախտավորություն է հայության բաղդատմամբ՝ ավերած, կոտորած, բռնությունը երկսեռ մանուկներու, անհետացում, անհամար առևանգությունը»: Հաղորդման վերջում Նորին Աթոռությունը գրում էր. «Ինչ պիտի ըլլան վանքերն ու մենաստանները, սուրբ սպասները, գրքերն ու զգեստները: Խոր-

հուրդ տվեք, մենակ են: Խելք չմնաց գլուխս, արտասուք չմնաց աչքերուս մեջ, զգացում չմնաց սրտիս մեջ: Չորս կողմս գիշեր ու ցերեկ մերկություն, անթություն, նվաղում, լաց ու վայնասուն»:

Այս հաղորդումը ստանալուն պես Գևորգ Ե-ն թուրքական կառավարության՝ հայ ժողովրդին բնաջնջելու և Հայաստանից ու Կիլիկիայից Իկոնիա ու Միջագետք նրա արտաքսումը կազմակերպելու ծրագրի մասին հայտնում է Պողոս Նուպար փաշային: Ամենայն Հայոց Կաթողիկոսի անունից նրան առաջարկվում էր բողոքել «դաշնակից և չեզոք պետություններին, որպեսզի խանգարեն այդ դժոխային ծրագրի» իրագործմանը:

Օսմանյան Թուրքիայի առանձին վարչերում հայ ազգաբնակչությունը կարողացավ միավորել և կազմակերպել իրենց ազգային և հոգևոր առաջնորդների շուրջը և հակահարված տալ գավաթիներին: Առանձին տարածքներում հայերի ինքնապաշտպանություն կազմակերպեցին:

Մուշի ինքնապաշտպանության կազմակերպիչների շարքում էր Եղիշե քահանա Տեր-Պարսամյանը:

Սասունի Բասնք գյուղի ինքնապաշտպանության ղեկավարներից էր Ստեփան վարդապետ Տեր-Ավետիսյանը: Սասունի ինքնապաշտպանական մարտերին մասնակցեցին նաև Ստեփան քահանա Սուլվիսեցին, Ղևոնդ քահանա Տեր-Մարգարյանը, Մամբրե քահանա Երանոսյանը, Թորոս քահանա Մուրադյանը, Առաքել քահանա Տեր-Քաջյանը:

Յոզղատի հայության դիմադրության ղեկավարն էր թեմի առաջնորդ Ներսես եպիսկոպոս Դանիելյանը:

Ձեյթունի ինքնապաշտպանական կռիվների ղեկավարներից էր Սահակ քահանա Գալաթյանը, «որը, Ղևոնդ Երեցի մման, գիշեր և ցերեկ խաչը և Աստվածաշունչը ձեռքին, հաղորդակցություն էր տալիս զինվորներին»: 1915 թ. զեյթունցիներին աքսորեցին, կանանց և երեխաներին Իկոնիա, մնացածին՝ դեռ Չոր, Ռաքա և Բաղդադ: Աքսորվեցին և սպանվեցին Գարանֆիլյան Սրբազանը, Հովսեփ վարդապետ Ազրայանը:

1915 թ. հուլիսի 31-ին Մայր Աթոռ Սբ. Էջմիածին ժամանեց գերմանա-ավստրո-հունգարական պատվիրակությունը՝ գեներալ Ֆոն Կրեսի և Կովկասում Ավստրո-Հունգարիայի դեսպան բարոն Ֆրանկենշտայնի գլխավորությամբ: Հանդիպման ժամանակ Գևորգ Կաթողիկոսը նրանց փոխանցեց Գերմանիայի և Ավստրո-Հունգարիայի կայսրերին ուղղված իր կոնդակները՝ հայերին օգնելու նպատակով: Սակայն ոչ Գերմանիայի, ոչ Ավստրո-Հունգարիայի կայսրերը ոչնչով չօգնեցին հայ ժողովրդին:

Թուրքերն ավերեցին, այրեցին, կողոպտեցին նաև հայկական վանքերն ու եկեղեցիները կամ դրանք դարձրին մզկիթներ: «Հայաստանից ջարդերը» գրքում Ի. Լեփսիուսը մշում էր. «Հազարե ավելի եկեղեցիներ ամայացված են: Անոնք փոխված են մզկիթներու, երբ չեն գործածվիր հասարակ նպատակներու, կամ թե ավերակի վերածված են»: Վանքերի և եկեղեցիների հետ ոչնչացվեցին արվեստի, հայ գրի ու գրչության բազմաթիվ հուշարձանները, գրչական կենտրոնների հարյուրավոր ձեռագիր հատորներ: Ձեռագրերի միայն փոքրաթիվ մասը պատահաբար փրկվեց:

Ամփոփելով՝ հարկ է մշել, որ Առաջին աշխարհամարտի նախօրյակին Հայ եկեղեցին, որ միշտ մտահոգ էր իր հոտի ճակատագրով, ի սկզբանե փորձում էր կանխել աղետը՝ դիմելով ամենատարբեր միջոցների: Բայց Հայ եկեղեցու բոլոր փորձերը մնացին ապարդյուն:

Այդուհանդերձ, Հայ եկեղեցին անում էր հնարավոր ամեն ինչ՝ արևմտահայության բեկորները սովից, ցրտից, հիվանդություններից փրկելու, գաղթականների կարիքները հոգալու համար: Այդ առումով անգնահատելի է Հայ եկեղեցու, մասնավորապես Մայր Աթոռ Սբ. Էջմիածնի հովանու ներքո ստեղծված Եղբայրական օգնության հանձնաժողովի դերը ցեղասպանությունը վերապրողներին՝ գաղթականներին զորավիգ լինելու գործում:

....Արարատ լեռան տեսանելիությունը՝ նախապայման

← էջ 12

Ավանների կառուցմանը մասնակցում էին նաև սփյուռքահայ ճարտարապետներ (Ա. Թերզիբաշյան և ուրիշներ):

1946–1949 թթ. զանգվածային հայրենադարձության ընթացքում կառուցվեցին ինչպես ավաններ, այնպես էլ թաղամասեր ու փողոցներ:

Կիրգա տափարակ բարձրավանդակի վրա 1947 թ. վեր խոյացավ Նոր Ջեյթունը: Կիրգա անունը բնակավայրին տվել են 1930-ական թթ. այստեղ բնակություն հաստատած ֆրանսահայ մահուղագործները, որոնք հիմնել էին գործվածքի արհեստանոց: 1946 թ. գարնանը երևանից Սևան տանող ճանապարհից դեպի աջ՝ Քանաքեռի այգիների և քաղաքը շրջապատող անտառաշերտերի միջև ընկած մի ամայի ու ընդարձակ տարածության վրա, կառուցվեց բնակելի 3 տուն: Սկզբում ներգաղթողներին տեղավորել են այստեղ եղած 14 բարաքներում: 1947 թ. մայիսի 13-ին Ջեյթունում բնակություն հաստատեցին առաջին 55 ընտանիքները: Չետագայում՝ հունիս-օգոստոս ամիսներից, ժամանում են Սիրիայից, Պարսկաստանից, Լիբանանից, Ֆրանսիայից, Բուլղարիայից և այլ երկրներից եկած հայրենակիցներ: Մինչև 1948 թ. Ջեյթուն ավանի կառուցման համար ծախսվեց 5 մլն ռուբլի: Կառուցվեցին բնակելի նոր տներ, անցկացվեց էլեկտրական լուսավորություն, բարեկարգվեցին փողոցները: 1949 թ. ավանում արդեն հաշվ-

վում էր 1800 տուն, կար 2 դպրոցական շենք, ակումբ, բաղնիք, բուժարան, ռադիոբարձրախոսներ:

Նոր Ջեյթունը հետագայում, նոր նախագծերի համաձայն, իր հերթին բաժանվեց Վերին և Ներքին Ջեյթունների. «Նոր» բառը հանվեց թաղամասի ընդհանուր անվանումից: Ավանը պետք է տարածվեր Քանաքեռի ամբողջ բարձունքով և հասներ մինչև հին Նորք: Հարավում այն պետք է ձգվեր մինչև «Հաղթանակի» զբոսայգի: 1960-ական թթ. այստեղ կառուցվում են վիրահատական գիտահետազոտական ինստիտուտի մասնաշենքերը, մեծ թվով տուֆակերտ բազմաբնակարան շենքեր, կաթի, հացի գործարաններ, «Հաղթանակ» կինոթատրոնը, մանկապարտեզ, մշակույթի տուն և այլն:

Նոր Ջեյթունին կից թաղամասը տրամադրվեց կամարակցիներին, և այնտեղ կառուցվեց Նոր Կամարակ ավանը: Սակայն թաղամասի անունը հետագայում չպահպանվեց: Կամարակի անունով կոչվեց տեղի փողոցներից մեկը:

Ջեյթունի և նրա շրջակա ավաններում կառուցվող տները, որպես կանոն, միահարկ էին և ունեին այգի, բանջարանոց կամ ծաղկանոց: Կառուցված էին զուգահեռ, միաշար: Չետագայում՝ 1960–1970-ական թթ., այդ ավանները մտցվեցին Կիրոսյան շրջանի մեջ:

Ինչպես հայտնի է, Առաջին աշխարհամարտի տարիներին Կիլիկիան նույնպես հիմնովին դատարկվեց հայերից: Աշխարհասփյուռ

եղած կիլիկիահայերի մեջ էին նաև մարաշցիները: Լատինական Ամերիկայի երեք քաղաքներում գործող «Մարաշ» հայրենակցական միության անդամները վճռեցին իրենց միության նպաստը բերել հայրենաշինությանը՝ Արևելյան Հայաստանում վերականգնել Նոր Մարաշը:

1949 թ. Արգենտինայի «Մարաշ» հայրենակցական միության որոշմամբ և սփյուռքում ու հայրենիքում բնակվող մարաշցիների խնդրանքով երևանից ոչ հեռու՝ Նորքի գեղատեսիլ բարձունքում, դրվեցին Նոր Մարաշի առաջին հիմնաքարերը: Օրերի հետ բարձրացավ ավանը, կանաչապատվեց, լցվեց նոր բնակիչներով: 250 հա-ի վրա կառուցվեցին առանձնատներ, հետագայում՝ բարձրահարկեր: Սկսեցին գործել մշակույթի պալատ, դպրոց, պոլիկլինիկա, խանութներ, կենցաղի տներ և այլն: 1969 թ. ավանում հաշվում էր 7000 բնակիչ:

Նոր Արաբկիր, Նոր Սեբաստիա, Նոր Մալաթիա, Նոր Եվրոկիա, Նոր Կեսարիա, Նոր Մարաշ թաղամասերին 1948 թ. ավելացավ ևս մեկը՝ Նոր Կիլիկիան: Այն գտնվում էր «Հաղթանակ» կամրջից ոչ հեռու՝ բլրի վրա: Այստեղ կառուցվեց երկհարկանի 84 շենք: Չետագայում 170 ընտանիքի համար կառուցվում է ևս 100 բնակարան: Էջմիածնի ճանապարհից մինչև ջրանցք ձգվող խաղողի այգիների տարածքը վերակառուցվեց և վերածվեց Նոր Կիլիկիայի հրապարակի, որի շուրջ կառուցվեցին շենքեր ու դպրոցներ: Կառուցվեց նաև զարեջրի գործարան՝ հայ-

րենադարձներին աշխատանքով ապահովելու համար:

Հայրենադարձների ընտանիքները նաև պետությունից ստացած վարկերով էին կառուցում իրենց բնակարանները: Առաջին նորկիլիկացի հայրենադարձը Տիրան Քեթերյանն էր՝ մոր և երկու քույրերի հետ ներգաղթած Եգիպտոսից: Նոր Կիլիկիայի հիմնադրման նախաձեռնությունը պատկանում է ամերիկահայ հայրենադարձ Արշակ Զագամազյանին, որը գրամեքենաների մասնագետ էր: 1946 թ. Լոս Անջելեսից նա գնում է Նյու Յորք, ապա՝ Սիրիա, հետագայում՝ քաղաքանների խմբի հետ ներգաղթում երևան:

1960–1970-ական թթ. երևանի արվարձաններում կամ դրանց կից կառուցվում են ոչ միայն թաղամասեր, ավաններ, այլև փողոցներ: Ընդառաջելով սփյուռքահայերի՝ հատկապես հայրենակցական միությունների դիմում-խնդրանքներին՝ Խորհրդային Հայաստանի ղեկավարությունը շարունակեց նոր թաղամասերի անվանակոչումները: Այսպես՝ ՀՀ Գերագույն խորհրդի 1970 թ. սեպտեմբերի 10-ի հրամանագրով՝ Թագազյուղը, որտեղ ապրում էին Սիրիայից, Իրանից, Հունաստանից և այլ երկրներից հայրենադարձներ, անվանակոչվեց Այնթապ: Տեղի ունեցավ նաև պաշտոնական անվանակոչություն:

Նախատեսված էր կառուցել նաև Նոր Մեծուր ավանը, որը պետք է գտնվեր Երևանից 3 կմ արևմուտք՝

Դավայի այգիներին կից: Այդ նպատակի համար անգամ հանգանակություն կատարվեց, արվեցին չափագրումներ, սակայն ծրագիրը մնաց անկատար:

Ամվիճելի է, որ հայրենադարձության ընթացքում թույլ տրվեցին բազմաթիվ սխալներ ու բացթողումներ: Պատահական չէ, որ հետագա տասնամյակներին շատերը կրկին բռնեցին արտագաղթի՝ առավելապես Արևմուտքի երկրների ճանապարհը: Սակայն հայրենադարձությունը Հայաստանի համար ընդհանուր առմամբ ունեցավ մեծ նշանակություն: Նախ՝ Հայրենական մեծ պատերազմում ունեցած մարդկային ծանր կորուստներից հետո հայրենադարձությանը շնորհիվ որոշակիորեն բարելավվեց հանրապետության ժողովրդագրական իրավիճակը: Հայրենադարձներն իրենց ծանրակշիռ ավանդ ունեցան երկրի սոցիալ-տնտեսական ու մշակութային կյանքի զարգացման գործում: Արևելյան Հայաստանի տեսանկյունից շարունակվեցին արևմտահայ իրականությունը հիշեցնող տեղանվանաբանությունը, որը դարձավ ինչպես քաղաքային Երևանի, այնպես էլ հայ ժողովրդի կյանքի ու աշխարհընկալման անբաժան մասը:

Լուսինե ԱՄԻՐՅԱՆՅԱՆ
Երևանի պատմության
թանգարանի գիտական գծով
փոխտնօրեն

Երևանը Հայոց ցեղասպանության տարիներին

← էջ 10

Զգուշորդ վրա աշխատանքներին տալ ուղղորդված բնույթ՝ Կոմիտեն համագործակցում էր երևանի քաղաքային իշխանությունների և հասարակական կազմակերպությունների հետ, իսկ 1918 թ. հետո՝ Հայաստանի առաջին հանրապետության, այնուհետև խորհրդային իշխանությունների հետ (վերջիններս ծանր պայմաններում ստիպված էին ընդունել Ամերկոմի ծավալած որբախնամ գործունեությունը): 1917 թվականից սկսած՝ ամերիկյան միսիոներները երևանում և Ալեքսանդրապոլում, ինչպես նաև Կարսում ու Դիլիջանում և անգամ գյուղերում բացել էին արհեստանոցներ, որտեղ աշխատելով՝ կանայք և տղամարդիկ հոգում էին ոչ միայն չքավոր բնակչության և զաղթականների հոգսերը, այլև զորքի ու հիվանդանոցների կարիքների մի մասը: Ընտանիքներում տեղավորված որբերից յուրաքանչյուրին կեցության համար հատկացվում էր ամսական 10 ռուբլի: Այն որբերի համար, որոնք որբանոցներում չէին, Ամերկոմը պարբերաբար անվճար ճաշարաններ էր բացում: Հաշվի առնելով համաճարակների տարածվածությունը, ինչպես նաև հիվանդ երեխաների առողջներից առանձին պահելու խնդիրը՝ Ամերկոմի կողմից դրվեց որբերին զաղթականներից առանձնացնելու հարցը: Այս նպատակների համար Ամերկոմին տրամադրվեցին շենքեր՝ Երևանի բերդի գորանոցը, Քանաքեռի գորանոցը, իսկ հիվանդ երեխաների համար՝ օրիորդաց սեմինարիայի շենքը՝ Աստաֆյան (այժմ՝ Արվյան) փողոցում: 1919 թ. մայիսի 5-ի որոշումով՝ կառավարությունն Ամերկոմին է տրամադրում Երևանի նորակառույց արական գիմնազիայի անավարտ շենքը: Ամերկոմն իր կողմից պարտավորվում է երևան տեղափոխել պատվիրված շինանյութը և ավարտել շինարարությունը: Ամերկոմը ծավալել էր նաև կրթական գործունեություն: Երևանի որբանոցային դպրոցների հոգսը՝ պետության, իսկ մյուս վայրերին Ամերկոմի հոգածության ներքո էր: 1919 թ. տվյալներով՝ քաղաքի որբանոցներում տարբեր տարիքի դպրոցահասակ 3000 երեխա կար: Դպրոցներում, հայկական ավանդույթներ-

ից չհեռանալու նպատակով, երևանի թեմի կողմից նշանակվում էին քահանաներ՝ կրոն դասավանդելու համար: 1920 թ. դրությամբ՝ Ամերկոմի խնամքի տակ կար 18 500 որբ, որոնցից 2500-ը՝ երևանում: Նույն թվականի տվյալներով՝ Ամերկոմը Երևանում ուներ 6 հիվանդանոց՝ 955 մահճակալով:

1919 թ. դրությամբ՝ երևանում հաշվառված էր շուրջ 40 000 որբ, որոնցից կառավարությունը կարողացել էր որբանոցներում տեղավորել 15 612-ին: Փողոցներում անխնամ թափառող որբերի թիվը մի քանի անգամ գերազանցում էր պետական հոգածության տակ գտնվողներին: Սովից ու հյուսիսային Երևանում կազմում էր 50 մարդ, իսկ ամբողջ Հայաստանում՝ 2000: Իրենց հնարավորությունների սահմաններում անօթևան որբերին օգնում ու սատարում էին երևանցիները: «Армянский вѣстник» ամսագրում հայտնվում է, որ երևանում մասնավոր հիմունքներով կազմակերպվել է գեղարվեստական արվեստանոց, որտեղ աշխատել են վարպետ-նկարիչներ՝ բացառապես զաղթականներից, պատրաստվել են նաև Վանի ասեղնագործ վարպետուհիների ձեռագործ աշխատանքներ, որոնք իրենց որակով և նրբագեղությամբ չեն գիջել բելգիականին: Արվեստանոցի կազմակերպիչները նպատակ են ունեցել այդ աշխատանքները Չատուկի տոնական օրերին ցուցադրել Մոսկվայում՝ հայ ինժեներների մոսկովյան ընկերության հովանավորությամբ (տե՛ս Армянский вѣстник, № 6, էջ 20):

Երևանի պատմության թանգարանում հազարավոր լուսանկարներին հետ պահպանվել է նաև արդեն հնացած և խուճաքած, բայց անչափ խոսուն մի լուսանկար, որտեղ միջին տարիքի մի հայուհի շրջապատված է երեխաներով: Աշխեն Տեր-Սարգսյանն է՝ Աշխեն մայրիկը, ինչպես նրան քնքշորեն անվանում էին այն որբանոցի սաները, որտեղ նա աշխատում էր: Ցեղասպանությունը վերապարծները հիշում են, որ փողոցում համրիպելով անօթևան որբ երեխաների՝ տիկին



Աշխեն Տեր-Սարգսյանը՝ շրջապատված որբերով

Աշխենն իր տուն էր տանում, խնամում, կերակրում նրանց: Տիկին Աշխենն իր սաների հետ շրջում էր քաղաքում և անօթևան երեխաների համար հանգանակություն հավաքում: Շատերի հիշողության մեջ մնացել է նրա դրամարկը՝ թիթեյա մի տուփ, որի վրա գրված էր. «Օգնեցեք երեխաներին»:

Տիկին Աշխենի պես սրտացավ մարդիկ շատ էին երևանում: Նրանց մի մասն օգնում էր դրամական միջոցներով, մյուսները՝ աշխատանքով: Ժամանակի մամուլի էջերում տեսնում ենք երկար ցուցակներ, որտեղ մարդկանց անուններ են՝ դիմացը գրանրի չափ (25 ռուբլուց մինչև մի քանի հարյուր): Օրինակ՝ Հարություն Խորասանյանի տղաները՝ Պողոսը և Հակոբը, մի ավանտ են տալիս իրենցից օգնություն խնդրող մի զաղթականի, և արդեն մեծ տարիքում նա անսպասելի հայտնվում է իր բարերարների տանը ու պատին կախված նկարներից ճանաչելով նրանց՝ բացահայտում ավանտի պատմու-

թյունը, որի շնորհիվ կարողացել էր ապահովել իր ընտանիքի բոլոր կարիքները: Բազմաթիվ են նաև գործարար երևանցիների անձնական օգնությունները, որոնցից մեկի՝ վաճառական Եսայի Զանփոլադյանի մասին պարզապես չենք կարող լռել: Գաղթականների՝ երևանում հայտնվելու առաջին իսկ օրերից նա ինքնամոռաց կերպով սկսում է որբանոցների բացման, աշխատատեղերի ստեղծման նախաձեռնություններ: 1916 թ. ընտրվելով Համա հայկական կոմգրեսի պատգամավոր՝ նա շրջում է զաղթականների հավաքատեղիներում, ցուցաբերում գործնական օժանդակություն՝ աշխատանքի և բնակության պայմանների ստեղծում, բժշկական օգնության կազմակերպում և այլն: Բազմաթիվ զաղթականներ ապրում էին հենց նրա տանը: 1918 թվականին՝ շրջայցերից մեկի ժամանակ, վարակվելով բժավոր տիֆով՝ նա մահանում է:

1919 թ. ապրիլի 6-ին երևանում նշվում է որբերի օրը: Անգլիական այգում հավաքվում են տարբեր հաստատությունների՝ Ամերկոմի, Եղբայրական օգնության, Կովկասի հայոց բարեգործական ընկերության՝ Երևանի վարչության, Համառուսական քաղաքների միության՝ Երևանի կոմիտեի, կառավարական որբանոցների երեխաները: Կազմակերպվում են միջոցառումներ, ցուցադրվում երեխաների ձեռքի աշխատանքները: Կատարվում է հանգանակություն, հրատարակվում որբերին նվիրված միօրյա թերթ:

Ամփոփելով աշխատանքը՝ գալիս ենք այն հանգամանակ, որ մեծ է երևանի՝ որպես հանգրվանի դերը ցեղասպանությունից փրկված մեր հայրենակիցների օգնության կազմակերպման գործում: Երևանցիների մարդասիրական օգնությունների, հոգատար վերաբերմունքի շնորհիվ հազարավոր արևմտահայ երեխաներ փրկվեցին սովից ու հիվանդություններից, ապրեցին ու հետագայում իրենց ներդրումն ունեցան մայր հայրենիքի բարգավաճման ու զարգացման գործում:

Սուսաննա ՀԱՐՈՒԹՅՈՒՆՅԱՆ
Երևանի պատմության թանգարանի նոր
պատմության բաժնի ղեկավար

Հիշողության քարերը Հորդանանից մինչև Ծիծեռնակաբերդ

← էջ 11

Դրա համար մարգարեացիքը և աստվածները չեն հասկանում: «Այսպես է ասում Տեր Աստված. ահա ես պիտի բացեմ ձեր գերեզմանները և ձեզ ձեր գերեզմաններից պիտի հանեմ, ով իմ ժողովուրդը»: Մեծ եղեռնից՝ 1915 թվականից հետո հայ ազգը կարծես այդ «չորացած ոսկորներն» էր, որոնց վրա, ըստ մարգարեական տրամաբանության, այլևս միայն ու ջղիչ չպիտի լիներ: Բայց Աստված փչեց իր շունչը, և մենք հարություն առանք:

Գալիք սերունդները պետք է ապրեն ոչ թե որպես զոհի ժառանգներ, այլ որպես հարության վկայներ: Վերջինս պետք է սեպել մեր մտքում և ամեն օր հիշել, որ ոճիրը չմոռանալը պարտք է, բայց հարության լույսով ապրելը՝ պատվիրան:

Հարուցյալ ազգի կոչումը թաքցնելու և մի սկզբունքի մեջ, որն էլ թաքցնելու է հինչպես ապրել ապրիլի 25-ը՝ հարցի պատասխանում: Եթե ապրիլի 24-ը Հայոց ցեղասպանության հիշատակի օրն է, ապա մեր ամբողջ պատմությունը պետք է լինի ապրիլի 25՝ Հարության առաջին առավոտը:

«Մահուամբ զմահ կոխեաց». մեր սերունդները պետք է հասկանան՝ մենք հարություն ենք առել ոչ թե պարզապես գոյատևությամբ, այլ առաքելության համար: Ինչպես Քրիստոս հայտնվեց աշակերտներին հարությունից հետո և պատվիրեց գնալ ու քարոզել, այնպես էլ հայ ազգը պետք է լինի կենդանի քարոզ՝ ընդդեմ չարի, ընդդեմ մահվան՝ բայց արդեն ազգային մասշտաբով: Ուստի՝ ապրել, որպես հարուցյալ ազգի մերկայացուցիչներ, նշանակում է՝

- Ունենալ ամուր հավատք, ինչպես մահատակների:
- Կառուցել հզոր հայրենիք՝ որպես կորստի հատուցում:
- Պահել հիշողության պարտքը՝ որպես ուխտի նշան:

Մենք այլևս զոհ չենք: Չոհր մա է, ով սպանել է և հիմա ստիպված է կրել մեր կյանքի բեռը: Մենք ազատագրված ենք, որովհետև սրբադասված ենք: Մեր 1,5 միլիոն սրբերը երկնքում ոչ թե լաց են լինում, այլ բարեխոսում են մեր և մեր հաղթանակի համար:

Հիշողության քարերը Հորդանանից մինչև Ծիծեռնակաբերդ

Հիշողությունը մեզ համար ոչ թե անցյալի կապանք է, այլ ապագայի կողմնացույց:

Այս գաղափարը լավագույնս երևում է Հիմ Կտակարանի Հետևի Գրքում: Երբ Իսրայելի որդիները հրաշքով անցնում են Հորդանանը, Աստված պատվիրում է վերցնել 12 քար: «Որպեսզի դրանք ձեր մեջ հավերժական նշան լինեն: Եվ երբ վաղը ձեր որդիները հարցնեն ձեզ ու ասեն՝ «Ինչ են այս քարերը ձեզ համար», դուք նրանց կասեք... որ այս քարերը հավերժական հիշատակ կլինեն Իսրայելի որդիների համար» (Հես. Դ 6-7):

Այստեղ կարևոր է նշել, որ Աստված երբեք չի պատվիրել մոռանալ, ընդհակառակը, Սուրբ Գրքում հիշողությունը հոգևոր պարտք է: Երբ Հեսուն քարեր էր դնում Հորդանանի ափին, նա ոչ թե քարե արձան էր կանգնեցնում, այլ կենդանի երկխոսություն ստեղծում սերունդների միջև:

Աստված Հեսունի պատվիրան տվեց իրեն ժողովրդի համար ինչն այդ քարերի միջոցով, որն էլ ուղղված էր ոչ միայն այդժամ գետն անցնող սերունդին, այլև ապագային: «Երբ ձեր որդիները հարցնեն իրենց հայրերին և ասեն՝ Ինչ են այս քարերը, դուք պիտի պատմեք ձեր որդիներին...» (Հես. Դ 21-22): Սա է ցեղասպանության հիշողության մեր բանաձևը: Մենք չպետք է սերունդներին փոխանցենք միայն ցավը, այլ պետք է փոխանցենք «քարը»: Քարը կարծր է, այն չի դառնում հեղուկ, չի գոլորշիանում: Հայոց արյունը չպետք է ջուր դառնա, այն պետք է դառնա հիշողության «քար», որի վրա հենվելով մեր սերունդը պիտի կառուցի իր տունը: Մենք չպետք է վերցնենք Աստծո դերը մեզ վրա, պետք է գիտակցենք, որ չենք մեղքել այն, ինչը մեր իրավասության մեջ չէ: Այդ արյունը պատկանում է նահատակներին և Աստծուն: Մեր գործը հիշելն ու պատմելն է, որպեսզի պատմության «Հորդանան» անցնելիս չկորցնենք մեր ինքնությունը: Մենք հրաժարվում ենք կույր վրեժից ոչ թե թուլության պատճառով, այլ որովհետև մեր

հույսը դնում ենք Բացարձակ Արդարության վրա: Մենք դատավոր չենք, բայց մենք վկա ենք: Մեր վկայությունը երկնքում է:

Եթե մենք փորձենք լռել կամ հանուն «խաղաղության» մոռացության տանք ոճիրը, ապա կխախտենք աստվածային կարգը: Հիսուսն ասաց. «Եթե դրանք լռեն, այդ քարերը կաղաղակեն» (Ղուկ. ԺԹ 40): Հայաստանի ամեն մի խաչքար, ամեն մի փլված եկեղեցի Արևմտյան Հայաստանում այդ «աղաղակող քարերն» են, որոնք վկայում են բնաջնջողի ոճրի մասին:

Այսօր յուրաքանչյուր հայ պետք է կրի «հիշողության քարը»: Սա այն քարն է, որի վրա գրված է մեր դեմ գործված ոճրի պատմությունը: Մենք չենք կարող ջուր դարձնել մեր նախնիների արյունը, որովհետև այդ արյունը մեր ինքնության թանաքն է: Եթե մենք էլ մոռանանք, կրկին անգամ՝ «քարերը կաղաղակեն»:

Հիշողության քարերը առավել են, քան վրեժը: Այդ հիշողության վառ պահումով է, որ կունենանք ազգային-հոգևոր հավասարակշռություն: Մենք չպետք է վառվենք ամենօրյա կույր վրեժով, որովհետև վրեժը կրծում է կրողին և նմանեցնում նրան ոճրագործին: Բայց մենք իրավունք չունենք նաև էժան մերման: Այդիմաստ մերումը՝ առանց արդարության և զղջման, հանցակցություն է: Մենք պահում ենք հիշողությունը, բայց դատաստանը հանձնում ենք Տիրոջը, ինչպես գրված է Հռոմ. ԺԲ 19-ում. «Ինքներդ վրեժխնդիր մի եղեք, սիրելիներ... որովհետև գրված է՝ «Իմն է վրեժխնդրությունը, ես կհատուցեմ»,— ասում է Տերը»: Սա թուլություն չէ, սա բարձրագույն արդարության վստահություն է: Մենք ապրում ենք որպես հարուցյալ ազգ, իսկ մեր դատը թողնում ենք Նրան, Ուն համար ոչինչ ծածուկ չէ:

Մենք պետք է կերտենք մի նոր սերունդ, որի համար Ապրիլի 24-ը ոչ թե պարտության, այլ Հաղթանակած կյանքի տոնն է:

Տիպարանական կապը: Ինչպես Քրիստոսի խաչելությունը թվացող պարտություն էր, բայց իրականում կործանում էր մահվան, այնպես էլ 1915-ը հայ ազգի համար թվացյալ վերջ էր, բայց դարձավ հայության վերածննդի գողոթան:

Առաքելությունը: Մեր սերունդները պետք է ապրեն որպես Հարության որդիներ: Մենք պարտավոր ենք լինել ուժեղ, ստեղծագործ և հավատարիմ, որպեսզի մեր կյանքով ապացուցենք, որ ոչ մի ոճիր չի կարող ջնջել Աստծո կողմից օրհնված ազգին:

Մենք կանգնած ենք պատմության ափին՝ մեր ձեռքում պահած «Հորդանանի քարերը»: Մենք վրեժխնդիր չենք լինում, բայց մենք չենք էլ լռում: Մենք հիշում ենք, սրբադասում ենք և ապրում ենք՝ սպասելով այն օրվան, երբ «Արդարությունը պիտի բխի ջրերի մեջ, և իրավունքը՝ ինչպես մշտափոխ վտակ» (Ամոս Ե 24):

Ապրել ուրիշ կյանքով

Ցեղասպան ազգը, որը յուրացնում է հայկական հողերը, մշակույթը և նույնիսկ խոհանոցը, դատապարտված է հոգևոր մակարածության: Նա չունի իր սեփականը, նա ստիպված է ապրել զոհի ստեղծածով, ինչը նրան դարձնում է հավերժական գող:

Ոճրագործի հոգեբանական կորուսությունը: Հիսուսի խոսքը՝ «Հգիտեն, թե ինչ են անում», վերաբերում է մեղքի կործանարարությանը: Ոճրագործը չի գիտակցում, որ սպանելով ուրիշին՝ նա առաջին հերթին սպանում է իր մեջ Աստծո պատկերը: Նա դառնում է կենդանի մեռյալ: Միևնույն ժամանակ, զոհվելով «վասն հավատոյ և վասն հայրենեաց», ձեռք է բերում հավերժական կյանք: Այսպիսով՝ սպանողն ու սպանվածը աստվածային հեռակարգում փոխում են իրենց տեղերը:

Ոճրագործի գոյութենական գողությունը

Սա աստվածաբանական առումով կարելի է կոչել «կայենյան փոխարինում»:

Սպանողը կարծում է, թե հաղթեց, բայց իրականում նա հայտնվեց մի թակարդում, որտեղ ստիպված է ապրել զոհի ստվերում: Սա այն մեղքն է, որը կատարվում է անգիտակցաբար՝ այն իմաստով, որ ոճրագործը չի հասկանում՝ սպանելով հային, նա սպանեց իր սեփական ապագայի խաղաղությունը: Նա ստանձնեց մի ժառանգություն, որն իրենը չէ, և այդ ժառանգությունը դառնում է

նրա համար «Անեծքի գիրք»: Ինչպես Չաբարի մարգարեն է ասում. «Այդ անեծքը պիտի մտնի գողի տունը... և պիտի բնակվի նրա տան մեջ ու պիտի սպառի այն՝ նրա փայտերով ու քարերով հանդերձ» (Չաբ. Ե 4):

Այսպիսով՝ գոյաբանական առումով ոճրագործը դառնում է իր իսկ զոհի պատանդը՝ դատապարտված հավերժ ստվերում մի գերեզման, որը հրաժարվում է փակվել, քանի դեռ արդարությունը չի վերականգնել կեցության խաթարված հավասարակշռությունը:

Հարուցյալ ազգի վախճանաբանությունը

Ինչո՞ւ է հայը հարուցյալ ազգ. որովհետև մեր գոյությունը հակասում է բոլոր երկրային տրամաբանություններին:

Ցեղասպանությունը մեր ազգային գերեզմանն էր, որը ոճրագործները փակեցին և կնքեցին՝ կարծելով, թե՛ վերջ: Բայց ինչպես Քրիստոսի գերեզմանի քարը գլորվեց, այնպես էլ հայության գերեզմանը բացվեց: Մենք այսօր ապրում ենք որպես հարության վկայներ: Սա նշանակում է, որ մեր կյանքը սովորական կյանք չէ. այն առաքելություն է: Մենք պետք է ապրենք ավելի լավ, ավելի սուրբ և ավելի հզոր, որպեսզի մեր ամեն մի շնչով հերքենք մահվան հաղթանակը:

Գալիք սերունդները պետք է դաստիարակվեն այս գիտակցությամբ. նրանք ողջ մնացածների զավակներ չեն, նրանք հարություն առածների ժառանգներն են: Նրանք պետք է կրեն հիշողության քարը ոչ թե որպես պատիժ, այլ որպես պատվո նշան: Նրանք պետք է գիտակցեն, որ իրենք ապրում են նաև այն մեկուկես միլիոնի փոխարեն, որոնք չհասցրին իրենց տաղանդը, սերը և հավատքը իրացնել երկրի վրա:

Հայոց վախճանաբանությունը ոչ թե սպասում է աշխարհի վերջին, այլ ազդարարում է մոր սկիզբ՝ կառուցված անմահության գիտակցության վրա: Մեր յուրաքանչյուր հաջողություն, ստեղծագործ միտք և հնչող մարմինն մի նոր հարված են այն կնիքին, որով փորձում էին հավերժորեն լռեցնել մեզ: Մենք այլևս սովորական ազգ չենք պատմության հողովույթում. մենք կենդանի ապացույց ենք այն բանի, որ ոգին բարձր է նյութից, իսկ աստվածային կամքը՝ մարդկային չարությունից:

Այս առաքելությունը մեզմիջև պահանջում է որակական թռիչք: Լինել հարություն առածի ժառանգ նշանակում է մերժել միջակությունը, քանի որ մեր թիկունքում մեկուկես միլիոն անկատար երազանքների ուժն է: Մեր ստեղծած ամեն մի բարիք պետք է լինի բազմապատկված նրանց չափած կյանքերի ներուժով: Մենք դատապարտված ենք լինելու լավագույնը, հզորագույնը և ամենաարդարը, որովհետև միայն այդ բարձրության վրա է, որ մահը վերջնականապես կորցնում է իր խաթոցը, և հիշողության քարը վերածվում է լուսավոր մի փարոսի:

Սա է մեր ուխտը՝ ապրել այնպես, որ մեր ներկայությամբ աշխարհը ճանաչի Աստծո հաղթանակը: Հարուցյալ ազգը չի նայում հետ միայն սզալու համար, նա նայում է հետ՝ իր արմատներից ուժ առնելու և դեպի հավերժություն սլանալու համար: Եվ այդ ընթացքի մեջ մենք դառնում ենք անհասանելի ոչ միայն ոճրագործի, այլև հենց մահվան համար:

Հայոց ցեղասպանությունը և Հոլոքոսթը

Հայ և հրեա ազգերի պատմական ու հոգևոր զուգահեռը լույս էրկու ժողովուրդների տառապանքի մասնությունը չէ, այլ մի խորհրդավոր «մետաֆիզիկական ընտրյալություն», որտեղ Հայոց ցեղասպանությունն ու Հոլոքոսթը հանդես են գալիս որպես մարդկային չարության կողմից փորձարկված «բացարձակ մահվան» լաբորատորիաներ: Այս երկու ազգերը, լինելով աստվածաշնչյան հնագույն քաղաքակրթությունների կրողներ, անցան կրակի ու մոխրի միջով՝ դառնալով մարդկության պատմության մեջ «այրվող մոլորակներ», որոնք վառվում են, բայց չեն սպառվում: Ինչպես հրեա ժողովուրդը եզիպտոսի ստրկությունից և Հոլոքոսթի անդունդից բարձրացավ դեպի պետականության վերականգնում, այնպես էլ հայությունը՝ Գողգոթայի իր բարձունքից մայեց հարությանը՝ ապացուցելով, որ «լույսը խավարի մեջ լուսավորում է, և խավարը նրան չհաղթահարեց» (Հովի. Ա 5):

Այս սմանությունը հատկապես ցնցող է ուխտի տեսանկյունից. երկու ազգերն էլ իրենց մաշկի վրա զգացին բնաջնջման այն արհավիրքը, որը նպատակ ուներ ոչնչացնել Աստծո ներկայությունը երկրի վրայից, սակայն երկուսի պարագայում էլ գործեց տալի մարգարեի խոստումը. «Ոչ մի գեներ, որ պատրաստվել է քո դեմ, հաջողություն չի ունենալու» (Ես. ԾԴ 17): Եթե Հոլոքոսթը փորձում էր հրեային վերածել լույ մոխրի, իսկ ցեղասպանությունը՝ հային դարձնել անապատի քամի, ապա այսօր նրանց վերածնունդն այն վախճանաբանական պատասխանն է, որը տրվում է աշխարհի հերովդեսներին: Նրանք երկունս էլ հարուցյալ ազգեր են, որոնք կրում են եզեկիել մարգարեի տեսիլքի շունչը, երբ չորացած ոսկորները կենդանություն առան ու դարձան հզոր բանակ (Եզեկ. ԼԵ 1-14): Այսօր հայը և հրեան կանգնած են պատմության առջև՝ որպես հավիտենական վկայներ այն բանի, որ ոճիրը կարող է ժամանակավորապես տիրել հողին, բայց երբեք չի կարող սեփականեցնել այն հողին, որը կնքված է Աստծո հավիտենական ուխտով:

Լույսի հաղթանակը

Ի վերջո մեր ամբողջ հողվածի միտքը հանգում է մի վեժ գաղափարի. ցեղասպանությունը ոճրագործի համար դարձավ հոգևոր բանտ, իսկ հայի համար՝ հոգևոր հարության դարպաս: Մենք պահում ենք հիշողությունը, սրբագործում ենք նահատակությունը և վստահում ենք Աստծո արդարությանը:

Այստեղ է թաքցված պատմության մեծագույն հեզանքը. նա, ով փորձում էր ոչնչացնել, դարձավ սեփական ոճրի գերին ու պահապանը, իսկ նա, ով պիտի ոչնչանար, վերածնվեց մոր որակով: Հայի համար նահատակությունը ոչ թե պարտություն էր, այլ անցում՝ ժամանակավորից դեպի հավիտենականը, մարմնական տառապանքից դեպի հոգևոր անպարտելիություն: Մեր հիշողությունը լույ անցյալի դիպված չէ, այլ կենդանի հաղորդություն այն լույսի հետ, որը ոչ մի խավար չկարողացավ կլանել:

Ոճրագործի հոգևոր բանտը կառուցված է վախի, ժխտման և ուրիշի կյանքի գողացված բեկորներից, միևնույն մեր հարության դարպասը բացվում է մերման, սրբագործման և արդարության հանդեպ անսասան հավատի առջև: Սա այն հաղթանակն է, որը չի չափվում աշխարհագրական սահմաններով, այլ չափվում է հոգու տիրույթներով: Մենք դուրս ենք եկել մահվան հովտից՝ կրելով մեր մեջ ոչ թե ատելության թույնը, այլ հարության խորհուրդը, որովհետև աստվածային արդարությունը ենթադրում է, որ վերջին խոսքը միշտ պատկանում է կյանքին:

Այսպիսով՝ Գողգոթայից հետո միշտ գալիս է հրաշափառ հարությունը կամ մոր պայծառակերպությունը, որը պետք է տեսնել: Մենք հարուցյալ ազգ ենք, որի ճանապարհը դեպի լույսն է, իսկ մեր «Հորդանանի քարերը» վկայում են, որ Տերը մեզ հետ է «բոլոր օրերում, մինչև աշխարհի վախճանը» (Մատթ. ԻԸ 20):

Հովհաննես սրկ. ԷՎԻՆՅԱՆ
Դիանա ՔՈՉԱՐՅԱՆ

ՔՐԻՍՏՈՆՅԱ ՉԱՅԱՍՏԱՆ
Կրոնական, մշակութային, լրատվական երկաշաբթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան» թերթի խմբագրություն

Գլխավոր խմբագիր՝
Նարինե Հովհաննիսյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristonyahayastan1@gmail.com
qristhay@etchmiadzin.am

web կայք՝
krishayas.wordpress.com
etchmiadzinlibrary.am/en/
kristonya-hayastan

Ստոր. տպագր. 30.04.2026 թ.
Տպաքանակը՝ 915